

Jisas Kraiss Mönö Wä aku Mak kai kitöŋa

*Röbö Pal Nöl+ib Nöbö Jon God mönö yad
nöl+ida*

(Mat 3:1-12; Luk 3:1-18; Jon 1:19-28)

¹ Jisas Kraiss, God Ha nuŋwa mönö wä aku yad+iba r+im+idla. ² God maduar ör Ha nuŋwa Jisas Kraiss nugwo mönö r+ig yadöŋ akuyöbö, God mönö yad+ib nöbö Aisaia, mönö aku God Mönö kai kitön yadöŋa,

“M+! Mönö na pön dub nöbö aku, höd yad abmön duön,

ödöi nagö aku röb nöl ri aböna.

³ Nöbö aku, mögöri+ib nöbö mö m+ga m+dmöloi, mögöri+ib r+ig kap mib+il yöraku du m+dön, wö rön yajöna,

“Nöbö Diba höm+ida! Ödöi höña pisö pibö r+ig m+jön bla,

p+id kwol p+il+x r+ig m+jön bla, p+n wöd höimöl ri abne,’ cön+jö,” röŋa.

⁴ God mönö yad+ib nöbö aku höd aliö r+ig yadöŋ mag akwör, röbö pal nöl+ib nöbö Jon duön, mögöri+ib nöbö mö m+ga m+dmöloi, mögöri+ib r+ig kap mib+il yöra m+dm+in nugug+rön, nöbö mö bla höm+in, ñ+igö mönö yad nölön yadm+ida, “Ap kib mag gwogwo röi aku, pödpöd r+im+in aliö alöl+jö, rön, röbö+x+ŋ n+ ñ+igö röbö pal

nölmön, God ap kib mag gwogwo röi akuyöbö nugwön röböxaŋ,” me rımıda. ⁵ Nuŋ aliö rımın nugugırön, nöbö mö mögörıb Judia womiöx il me bla mıdim akuyöbö aipam, Jerusalem nöbö mö mıdim akuyöbö aipam, ñıŋ magalıg mönö nugwo aku nuguba dumä. Duön, ap kib mag gwogwo rımıdöi akuyöbö, yad wöxnö nıgım, Jon ñıgö röbö Jodan yuö röbö pal nölöŋa.

⁶ Makwam Jon wölij nuŋ aku, hön kamel panö pön rim wölij i yömön, hön kau uña amanö höbiöda pı nıgmıda. Ap nımıb nuŋ aku, baŋ pabladö aku aipam, böm röbö aku aipam nımmıda. ⁷ Nuŋ nöbö mö akuyöbö ñıgö yadmıda, “Nöbö nı mai hömıd aku, nuŋ nı röxgıb yöi; nuŋ nöbö dib ödöriö, nı nöbö ulmıdö. Nı nugwo nugumön möigw höna. Nı du il yöra höxmax yuön yamsö uñ nuŋ aku nag yaub maga mıdöl. ⁸ Nı ñıgö röbö akwör pal nölmıdıl aku, jı nuŋ hön ñıgö Inöm Lei akwör pal nöiönıŋö,” röŋa.

Jon Jisas nugwo röbö pal nölöŋa
(*Mat 3:13-17; Luk 3:21-22*)

⁹ Makwam wop i, Jisas Nasaret taun, Galili Propins yuadö mıdmıd yöra röböxön, Jon mıdöŋ yöra höm, Jon Jisas nugwo röbö Jodan yuö pal nölöŋa. ¹⁰ Nugwo röbö pal nölmın, Jisas röbö kwol yör sö duön laxiö nugumın, adöx yöd röul adö kau sö waglöxmın, God Inöma nuŋ yöur döpwö röxgıb, bıbı rı pın Jisas göröŋa. ¹¹ Akuyöbö alön bıbı rı pınım nugugırön, mönö i adöx yöd röul adö kau

1:6: 2Kıŋ 1:8; Mat 11:8 **1:7:** Apos 13:25 **1:11:** Sam 2:7;
Ais 42:1; Mat 12:18; Mak 9:7

sebö yadöŋa, “Nagö Ha madmag yöbö nɪ. Nagö nugumön, nɪ mɪ ödöriö wä rö,” röŋa.

Seten hön, “Jisas nugwo rɪmön mag gwogwo ran,” me röŋa

(Mat 4:1-11; Luk 4:1-13)

¹² Makwam wop akwör, God Inöma nuŋ Jisas nugwo yad abmɪn, mögöriɓ riɓ kap mibɪl piaku duön, ¹³ wop akuyöbö padokwo padök paŋyöbö i höuöiliö hö pɪn du adokwebö mɪj bö (40) yöra ku mɪdöŋa. Piaku mɪdmɪn nugugirön, Seten, “Jisas nugwo rɪmön, mönö na aku mai duön, mag gwogwo ran,” me rön, hön yadmɪda. Mögöriɓ mɪdmɪd möl aku hör wöñö ap bla akwör mɪdmɪda. Makwam ejol bla hön, Jisas nugwo nugwidɪx mɪdmɪdöia.

Jisas God mönö wä aku yad nöɓ mɪda

¹⁴ Makwam mai gapman nöbö dib Herod Jon nugwo nag nɪɓim nugwön Jisas nuŋ mögöriɓ Galili duön, God mönö wä aku nöbö mö akuyöbö ñiɓö yad nöɓ ɓir yadöŋa, ¹⁵ “God nöbö mö pön nugwidɪx mɪdɪb wop öim pöx mɪdmɪdöi aku weik mödö ha! Ap kib mag gwogwo röi aku, pödpöd rɪmɪn aliö alöliŋö, rön, röböxön, God mönö wä aku mi yadö, rön, nugw pɪne,” röŋa.

Jisas nöbö nuŋ mös mös pöŋa

(Mat 4:18-22)

¹⁶ Jisas Ban Yuö Galili pö yöra padɪx ɓirön nugumɪn, nöbö döläm pɪb hödpɪɓ nöbö rama, döläm pɪŋö, rön, uben i pɪ röbö yuö bö abön mɪdmä. Nöbö hödpɪɓ ram aku ib ñiŋ hogwa

aku, i Saimon i Edru. ¹⁷ Jisas ñigö nöbö hogwa nugwön yadóña, “Höñ, nî pîsan yönön, nî ñigö nöbö hogwa yad nöl ri abön rîmön, nöbö mö pîb nöbö hogwa mîjõñîñö,” rõña. ¹⁸ Aliö rîmîñ, mi yadö, rön, rîb pia uben bla röböxön, Jisas pîsan dumä.

¹⁹ Makwam Jisas hör ul mag mîñi duön nugumîñ, Sebedi ha nuñwa Jems Jon yõñö röbö alebö möla mîd gîr, uben paxdöröñ aku, lidîx gîr mîdmä. ²⁰ Jisas nuñ nöbö rama nugwön yadóña, “Ñîñ nöbö hogwa höne!” rõña. Jisas aliö rîmîñ, ñîñ hödpîg hogwa nugwön, nuö mabö rî nölîb nöbö bli pîsan ñigö röbö alebö rol yöraku röböxön, Jisas pîsan dumä.

Ragwo ha nöbö i öim ñigöñ aku, Jisas yad abîm röu duõña

(Luk 4:31-37)

²¹ Makwam ñîñ taun ulmîdö Kapaneam duön, Juda God höjöpâlîb wopa, Jisas Juda mögum rîb ram möl yuadö duön, God Mönö aku yad nölmîñ, ²² nöbö mö bla nugwön, aiö waiö rön yadmä, “God lo mönö yad nölîb nöbö piaku rîg yadöi akuyöbö yadölöm; nuñ nöbö dib ödöriö nugw ri abön rîg yadöi aliar yadö,” rîmä. ²³ Makwam wop akwör, nöbö ragwo ha öim ñigöñ i, mögum rîb ram möl aku hön bölölö rön yadóña, ²⁴ “Jisas nöbö Nasaret yöbö! Nagö anîñ pödpöd rîba hölö? Anîñ ragwo ha bla pîl pal ñigîba hölanö ä? Nî nagö nugula, nagö God Ha Lei nuñ aku,” me rõña.

²⁵ Aliö rîmîñ, Jisas painö ragwo ha nöbö aku öim ñigöñ aku nugwo mönö ölisö yadön yadóña,

“Mönö p̄m̄j̄n̄ö! Nöbö aku nugwo röböxön röu duö!” röḡa. ²⁶ Jisas aliö r̄m̄n̄, ragwo ha aku nöbö aku nugwo p̄i yös röd abön, wö diba rön, röu duḡa. ²⁷ Jisas aliö alm̄n̄, nöbö mö m̄dim akuyöbö m̄i aiö rön, mönö yad nugwob nugwob rön yadmä, “Aku agap̄m̄? Nöbö k̄i mönö yon̄yöbö mönö adö i p̄ön yad nölm̄da. Nuḡ nöbö ölm̄. Ragwo ha mönö nuḡwa yöxön r̄ig yad mag akwör röiḡö,” r̄mä. ²⁸ Nöbö mö piaku aliö yad ḡr̄, Jisas ragwo ha yad aböḡ mönö aku, möḡör̄ib Galili yuada magaliḡ yad nölm̄n̄ duḡa.

*Jisas r̄m̄n̄, Saimon n̄memö kömö n̄ḡöḡa
(Mat 8:14-15; Luk 4:38-39)*

²⁹ Makwam Jisas, Jems, Jon, Saimon, Edru, ñiḡ nöbö adö Juda möḡum r̄ib ram aku röböxön, r̄iḡö bö röu duön, Saimon hödn̄iḡ Edru yöḡö rama dumä. ³⁰ Rama uröp̄n̄ön, Jisas nugwo yadmä, “Saimon n̄memö m̄xiñ̄a r̄in röxḡ yön̄m̄n̄, hölm̄ ḡi m̄ide,” r̄mä. ³¹ Aliö r̄m̄n̄, Jisas du in̄p̄ilö nuḡwa p̄ön pab̄l nölm̄n̄ nuguḡr̄ön, m̄xiñ̄ nuḡwa r̄in röxḡ yön̄m̄döḡ aku kömö n̄ḡm̄n̄, r̄ib pia ñiḡ ap mag röḡa.

*Jisas r̄m̄n̄, nöbö mö m̄ḡa akwör kömö n̄ḡöḡa
(Mat 8:16-17; Luk 4:40-41)*

³² Makwam naiö röd̄p̄ duḡḡ mag aku, nöbö mö ap röḡ bla aipam, nöbö mö ragwo ha öim n̄ḡöḡ bla aipam, Jisas ran̄ kömö n̄ḡan̄, me rön, Jisas m̄döḡ yöra p̄ön hömä. ³³ Taun ulm̄dö Kapaneam nöbö mö akuyöbö magaliḡ hön rama ubal̄ij il r̄iḡadö adö bö nugugu m̄d̄m̄ nugwön,

³⁴ nōbö mö mɨga akwör ap hörɨrör röŋ akuyöbö, Jisas rɨmɨn, kōmö nɨgōŋa. Ragwo ha öim nɨgōŋ akuyöbö mɨga akwör yad abɨm röu dumä. Makwam ragwo ha piaku Jisas nuŋ nōbö pōdiöm nugw ri abim akuyöbö, Jisas nuŋ ñɨgō, “Mönö pɨmɨjeñɨŋö,” rön, yad abɨm röu dumä.

Jisas nuŋ möl i hör duön, Nuö höjöpäl gɨr mɨdōŋa

(Luk 4:42-44)

³⁵ Löum yöbö, Jisas pɨxmag alɨg öbɨlön, hölɨmön ram aku röböxön, taun aku aipam röböxön, möl i hör duön, Nuö höjöpäl gɨr mɨdōŋa. ³⁶ Makwam nōbö nuŋwa Saimon, nōbö nuŋ bli pɨsaŋ, Jisas mɨ kai, me rön, nugwo hölu nuguba dumä. ³⁷ Jisas nugwo hölu nugup du nugwön yadmä, “Nōbö mö magalɨg nagö mɨkai, me rön, hölumɨdöiŋö,” rɨmä. ³⁸ Aliö rɨmɨdɨm, Jisas yadōŋa, “An ram yöj lɨglɨg agrö bli kwo aipam il me bilɨk dinɨm. Nɨ höl aku, nōbö mö mögöriɨb möl piaku piaku ñɨgō mönö yad nöinö, rön, hölö,” röŋa. ³⁹ Jisas aliö yadön, mögöriɨb Galili mibɨl piaku rɨp yön gɨrön, du Juda mögum rɨb ram möl yuadö akuyöbö duön, God Mönö yad nöl gɨrön, ragwo ha nōbö mö ñɨgō öim nɨgōŋ bla yad abɨm röu dumä.

Jisas, uj höpebö nɨgōŋ nōbö i rɨmɨn, wödö wölōŋa

(Mat 8:1-4; Luk 5:12-16)

⁴⁰ Uj höpebö nɨgōŋ nōbö i, Jisas mɨdōŋ yöra hön, höxmax yuön yadōŋa, “Nagö uj na wödö wölāŋ, me cɨnö aku, wödö wöiönɨŋö,” röŋa. ⁴¹ Aliö

rîmîñ, Jisas nugwo ögwö yöxön imaga mîlkap abön nöbö aku nugwo pî nugwön yadöña, “Yöwö, cîna. Wödö wölö,” röña. ⁴² Jisas nugwo pî nugum rîb pia uj höpebö niğöñ aku lîl rîmîñ kömö niğöña. ⁴³⁻⁴⁴ Makwam Jisas nöbö aku nugwo mönö ölsö yadön yadöña, “Ödöi mibîl piaku nöbö mö bli ñîgö nugwön, Jisas nî rîm wödö wölö, rön, yadmîjîñö. Ödöriö akwör duön, God ap höjöpâl ur nöliþ nöbö aku nugwo mîxiñ nañ aku yabuön yajîñö, ‘Uj höpebö na aku wödö wölö,’ ranö. Aliö yadön, Mosîs höd rîg yadöñ mag akuyöbö, ap bli pön du God ap höjöpâl ur nöliþ nöbö aku nölö, nuñ pal God höjöpâl ur nölañ, nöbö mö piaku, nöbö aku weik wä rö, rön, nugwönîñö,” röña. Jisas mönö akwör yadön nöbö aku yad abmîñ duöña. ⁴⁵ Jisas aliö röñ aku, jî nöbö aku, nuñ duön, mönö aku nöbö mö amnör yad nölmîñ duöña. Almîñ, Jisas taun piaku wöxnö yönîb maga niğölöña nugwön, nuñ duön nöbö mö mîga mîdölim mibîl piakwör mîdmîñ nugugîrön, nöbö mö mögöriþ piaku piaku magaliğ nugwo nuguba hömîdmä.

2

*Jisas rîmîñ, ij wajmag lîd pîlöñ nöbö i wä röña
(Mat 9:1-8; Luk 5:17-26)*

¹⁻² Wop mösör padîxmîñ nugugîrön Jisas höbkal taun ulmîdö Kapaneam höm, Jisas hö mîd ram nuñ aku, me rîm, nöbö mö mîga akwör hön rîm rîm, ram möl yuadö mönö yad nölmîdöñ möl aku cîcî rîmîñ, ubaliþa il rîñadö yör bö algör

ör mi cici röŋa. Almin, Jisas nuŋ ñigö God Mönö maga yad nölmidöŋa. ³ Jisas ñigö yad nölmidmin nugugirön, nöbö akuyöbö igwö mixil aku nöbö bli piŋaŋ, nöbö in wajmag lid pilöŋ i rip nigön, rag Jisas midöŋ yöra pön hömä. ⁴ Hön nugumin, nöbö mö cici rig midim nugwön nöbö in wajmag lid pilöŋ aku nugwo rag ram cölöbö sö wöluön, ram cölöbö sö mibil möl söi bö pu waglöxön möl rödön, rip wab hölm gï midöŋ aku nag nigön abim, Jisas midöŋ yö bö pin duöŋa. ⁵ Makwam ñin Jisas raŋ kömö nigöninö, rön, rïbyöx nugw pim aku nugwön, Jisas yadöŋa, “Ha na. Ap kib mag gwogwo rilö piaku nugwön röböxmïdlö,” röŋa.

⁶ Jisas aliö rimin, Juda lo mönö yad nölib nöbö bli römid gï midim akuyöbö, rib ñin bla akwör yöx nugwön yadmä, ⁷ “Nöbö gï pödpöd rimin, God yad höimouön, inakmönö hörön yadmïd? Nöbö mö bla ap kib mag gwogwo rin, nöbö i pïx ñin aku örïx abib maga midöl; God nuŋwör mag akuyöbö aiöninö,” rimä. ⁸ Makwam aliö rïbyöx nugwim rib maga aku Jisas nuŋ keir nugwön yadöŋa, “Ñin pödpöd rimin rib mag aliö akuyöbö yöx nugumïdöi? ⁹ Nöbö in wajmag lid pil aku nugwo pödi yadmön, ñigö wä cön? Ap kib mag gwogwo rilö aku nugwön röböxmïdla, rimön, ñigö wä cöninönö, owa öbilön köp nagö aku röd pïrag duö, rimön, ñigö wä cön? ¹⁰ Ni rimön, ñin nugwöña, Nöbö Ha nuŋwa mögörib il ki höm aku, rib na keir yöx nugwön hölm. God yadmin höm aku mi, ap kib mag gwogwo röi aku nugwön röböxmïdla, cin aku, röböxmïdlö,”

röŋa. ¹¹ Aliö yadön, in wajmag lid pilöŋ nöbö aku nugwo yadöŋa, “Ni nagö yadmidla, öbölön, köp naŋ aku röd piraŋön rama duö,” röŋa. ¹² Jisas aliö rim+n, nöbö mö nugugu midim nugugirön, nöbö aku öbölön, köp nuŋ bla röd ragön duöŋa. Alm+n nugwön, nöbö mö piaku magaliŋ mi aiö rön, God ib nuŋwa yadm+n bil sö dum+n nugugirön yadmä, “Höd ap aliö akuyöbö i rim, an nugumidölöŋö,” rimä.

Jisas Lipai yad wö ri pöŋa
(Mat 9:9-13; Luk 5:27-32)

¹³ Jisas iswob höuöil duön, Ban Yuö Galili pö yöra yönmidm+n nugugirön, nöbö mö miŋa nugwön midöŋ yöra hö mögum rimidim nugwön Jisas nuŋ ñigö God Mönö maga yad nölöŋa. ¹⁴ Jisas mönö yad nöŋ pörön, ödöi mibil yöra du girön nugum+n, takis pib nöbö i, Alpias ha nuŋwa Lipai, mabö rimid rama ram möl yuadö römid gi midöŋa. Jisas nugwo nugwön yadöŋa, “Haŋ, ni piŋaŋ dinö,” rim+n, öbölön Jisas piŋaŋ dumä.

¹⁵ Makwam Jisas nöbö nuŋ bla piŋaŋ du Lipai rama ap nimmidim nugugirön, takis pib nöbö bla aipam, nöbö ap kib mag gwogwo rim bla aipam, Jisas piŋaŋ yönmidim blaku, du nigio nigön ap nimmidmä. ¹⁶ Lo mönö yad nölib nöbö Perisi bli, Jisas nuŋ takis pib nöbö bla piŋaŋ, nöbö ap kib mag gwogwo rimidöi bla piŋaŋ midön ap nimmidöŋ aku nugwön, nöbö nuŋ akuyöbö ñigö yadmä, “Jisas nuŋ pödpöd rim+n nöbö takis pimidöi bla nigön, nöbö ap kib mag gwogwo röi

bla niḡon piṣaṅ rōmid ḡi midōn ap niṁmid?” riṁā.

¹⁷ Aliō riṁidmīn, Jisas mōnō aku nugwōn yadōṅa, “Nōbō mō kōmō midōi piaku, uj wobīb nōbō nuguba duōlōi; nōbō mō ap ri bla akwōr uj wobīb nōbō nuguba duōia. Makwam mag aliō akuyōbō, nōbō mō, mag wā rōliṅō, rōn riḡyōx nugwōi piaku, ṅiḡō piḡba hōi; nōbō mō, ap kib mag gwogwo rōliṅō, rōn riḡyōx nugwōi piakwōr, ṅiḡō piḡba hōlō,” rōṅa.

Ap mag mōdōn riḡ

(Mat 9:14-17; Luk 5:33-39)

¹⁸ Jon nōbō nuṅ bla aipam, Perisi ada nōbō ṅiṅ bla aipam, wop bli God hōjōpal ḡōr mījnīṅō, rōn, ap niṁmidōlōi. Wop i ṅiṅ aliō almidmā aku nugwōn, nōbō mō bli hōn Jisas nugwo yadmā, “Jon nōbō nuṅ bla aipam, Perisi ada nōbō ṅiṅ bla aipam, wop paṅ paṅ ap mōdōn niṁlōi. Makwam nōbō nagō bla, pōdpōd riṁīn alōlōiṅō?” riṁā.

¹⁹ Aliō riṁidmīn, Jisas mōnō hōd rōxōn yadōṅa, “Nōbō mō piḡba cōn nōbō i, haul hōdpīḡ nuṅ bla piṣaṅ midōn, wā raṅ nugugīrōn mījōṅ makwam, ap maga rōbōxeñ. ²⁰ Makwam mai, nōbō bli hōn, nōbō ṅiṅ aku nugwo pōn dumījōṅ aku, liḡ piḡlaṅ, wop aku ap niṁeñ. ²¹ Makwam wōliḡ yōṅyōbō piḡd i pōn, wōliḡ liḡduōn adō cōn mōla liḡdix piṅ, wōliḡ yōṅyōbō aku ōlīsō mīdaṅ, wōliḡ liḡdiōn aku paxdōrōn, wōliḡ ṅiṅ aku mī uplōb waglōxaṅ diōna.

²² “Rōbō wain aku, algōr ōr. Rōbō wain kōmō pōn, hōn meme uñ hōdyōbō mōla hōr niḡlōi. Aku agapīm: hōr niḡōn māmugw nōlmīn,

hön meme uña pɪnpɪn yadaŋ, waglōxön hör du pōcōna. Mag aliō akuyōbö, rōbö wain kōmö aku, hön meme uñ kōmö möl akwör hör nɪgɪbɪm,” me rōŋa.

Nöbö ha nuŋwa God höjōpalɪb wop aku Nöbö Diba mɪda

²³ Mai Juda God höjōpalɪb wopa ñɪŋ hö, Jisas nöbö nuŋ bla pɪsaŋ wit möriwō mibɪla padɪx gɪr, nöbö nuŋ bla wit mag bli pɪlɪl rɪ rag dumɪdmä.

²⁴ Akuyōbö almɪn, Perisi nöbö piaku nugwön, Jisas nugwo yadmä, “Weik God höjōpalɪb wop an mabō rōlɪb aku, nöbö nagō bla aliō mabō rōn, lo ana rōd abmɪdōiŋö,” rɪmä. ²⁵ Aliō rɪmɪn, Jisas yadōŋa, “Nōso Depid maduar ör kiō pɪlmɪn rōŋ haiwo kai kɪtim aku, ñɪŋ nugwölōi ä? ²⁶ Maduar ör nöbö nagō Abiada God ap höjōpal ur nōlɪb nöbö dib ödōriō mɪdmɪd wop aku, Depid nöbö nuŋ bla pɪsaŋ ñɪgō kiō pɪlmɪn, God höjōpalɪb rama duön, bred nöbö mö hör bla nɪmmɪdölōi, God ap höjōpal ur nōlɪb nöbö bla akwör nɪmōi aku pön, nöbö nuŋ bla ñɪgō nōlɪm nɪmɪmä.

²⁷ “God nuŋ wop hör mɪdɪb mönō aku hōd yadön, mai nöbö mö rɪ nɪgölōŋ; nöbö mö rɪ nɪgön, aŋōi abön mɪd ri abɪŋ, me rōn, wop i hör mɪdɪŋ, me rōŋa. ²⁸ Makwam, an nugwōla, Nöbö Ha nuŋwa God höjōpalɪb wop aku aipam Nöbö Diba mɪdō,” rōŋa.

2:24: Diut 23:25

2:25: 1Sam 21:1-6

2:26: Lep 24:5-9

2:27: Diut 5:14

3

Jisas imag lid pɪlɔŋ nɔbɔ i, God hɔjɔpalɪb wopa rɪmɪn, kɔmɔ nɪgɔŋa

(Mat 12:9-14; Luk 6:6-11)

¹ Makwam wop i Jisas hɔbkal Juda mɔgum rɪb rama duɔn nugumɪn, nɔbɔ imag lid pɪlɔŋ i ram mɔl yuadɔ hɔ mɪdɔŋa. ² Perisi nɔbɔ mɪdim bla bli, Jisas agɔ magɪm raŋ, nugwo pɔn du mɔnɔ diba yajnɪŋɔ, rɔn, nɔbɔ aku God hɔjɔpalɪb wop kɪ raŋ kɔmɔ nɪgɔnɪŋɔnɔ wɔhɔ, rɔn, tar riɔ nugugu mɪdmä.

³ Jisas nuŋ nɔbɔ imag lid pɪlɔŋ aku nugwo yadɔŋa, “Ōbɪlɔn yɔrɪk hɔ,” rɔŋa. ⁴ Jisas aliɔ rɪmɪn, nuŋ mɪdɔŋ yɔra hɔm, Jisas nɔbɔ mɔ pi-aku nɪgɔ yadɔŋa, “God hɔjɔpalɪb wop aku agɔ magɪm rɪbɪm? Rɪ ri abɪb mɔnɔ rɪ gwogwam rɪbɪm? Nɔbɔ mɔ akuyɔbɔ nɪgɔ uliɔxɔn rɪŋ kɔmɔ diɔnɪŋɔnɔ, owa rɪb gwogwo yɔx nugwɔn rɔbɔxɪŋ wɔrɔxɔnɪŋɔ?” rɔŋa. Aliɔ rɪmɪn, nɪŋ nugwo mɔnɔ i painjɔ yadɔlim. ⁵ Jisas mɔnɔ yɔxɔinɪŋɔ, rɔn, nugwim nɔbɔ piaku, Jisas nɪgɔ nugumɪn ɔɪsɔ wɔlɔŋa. Nɪŋ nɔbɔ imag lid pɪlɔ aku madmag nɪgɔlim aku nugwɔn, Jisas nuŋ nɪgɔ mämäg il kap rogwa nugwɔn nɪŋ yadyɔxɔŋa. Akuyɔbɔ alɔn, nɔbɔ imag lid pɪlɔŋ aku nugwo yadɔŋa, “Imag naŋa mɪlkap abɔ!” rɔŋa. Aliɔ rɪmɪn, imaga mɪlkap abmɪn nugugɪrɔn, wä rɔŋa. ⁶ Akuyɔbɔ alɔŋa nugwɔn, Perisi nɔbɔ Juda mɔgum rɪb ram aku rɔbɔxɔn, Herod nɔbɔ nuŋ bla mɪdim yɔra duɔn, mɔnɔ yad nugwɔb nugwɔb rɔn, “Jisas nugwo pɔdpɔd rɔn pɪl pal nɪgnɪŋɔ?” rɪmä.

Nöbö mö magöri maga rɪp Jisas mai dumä

7-8 Jisas nuŋ nöbö nuŋ bla pön, duön Ban Yuö Galili kwol yöra du mɪdmä. Jɪ nöbö mö Galili yöbö magöri maga rɪp nugwo mai hömä. Nuŋ ap agap apɪm rɪmɪd adaku yadmɪn piaku dumɪn nugugɪrön, Judia nöbö mö bli, Jerusalem nöbö mö bli, mögöriɪb Idumia nöbö mö bli, röbö Jordan pö kwo nöbö mö bli, taun diba mös Taia, Saidon mögöriɪb il yö akuyöbö nöbö mö bli, nöbö mö mɪga Jisas nugwo nuguba hömä. 9-10 Jisas nöbö mö mɪga akwör rɪmɪn, kömö nɪgöŋ aku mɪ, nugwo pɪ nugwɪŋ kömö nɪgönɪjö, rön, nöbö mö magöri maga rɪp hön, nugwo wabnaŋnaŋ rɪp höm, nɪ wob yuö nɪgöŋɪjö, rön, nöbö nuŋ akuyöbö ñɪgö yadɪm, röbö alebö i pɪ nɪgmä. 11 Makwam nöbö mö ragwo ha öim nɪgöŋ piaku, Jisas nugwön, yödpɪlö nuŋwa ila mɪgrö bö pɪn bɪrön, mönö diba pön, “Nagö God Ha nuŋ!” me rɪmɪdöia. 12 Jisas painjö ragwo ha bla mönö ölsö yadön yadöŋa, “Nɪ Nöbö pödiöm mɪdɪl aku wöxnö yadmɪjeñ wöhö,” röŋa.

Jisas nöbö nuŋwa akuyöbö möl sö pöŋa
(Mat 10:14; Luk 6:12-16)

13 Makwam Jisas mögöriɪb önöŋ i duön, nöbö nuŋ pɪba röŋ piaku yadɪm hömä. 14 Nöbö akuyöbö möl sö yad nɪgön yadöŋa, “Ñɪŋ nɪ pɪsaŋ yönön, mönö na pön dub nöbö bla mɪdön, ñɪgö yad abmön, du gɪrön nöbö mö piaku ñɪgö God Mönö wä mag aku yad nöiöŋa. 15 Nɪ ñɪgö yadmɪdɪl aku mɪ, ragwo ha piaku algör ör yad

abõñ+ñö,” rõḡa. ¹⁶ Jisas nõbö nuḡ põḡ adaku ib ñ+ḡ akuyõbö, i Saimon, mai Jisas ib i kwo nõlõn Pita rõḡa. ¹⁷ I Jems, i Jems p+ḡn+ḡ nuḡwa Jon, nuõ ñ+ḡa iba Sebedi. Jisas ñ+ḡõ nõbö hogwa Boanerges rõḡa. Ib aku il aku “Gun+m Nõbö”. ¹⁸ Nõbö nuḡ i Edru; i Pilip; i Batolomiu; i Matiu; i Tomas; i Jems, Alpias ha nuḡwa; i Padias; i Saimon, nugwo Saimon Selot me r+m+dõia. ¹⁹ Makwam i Judas Iskariot. Nuḡ mai Jisas hõuõu rõḡa.

Jisas ragwo kap nõbö, me r+mä

²⁰ Makwam Jisas ram i dum+n, yõrbõ nõbö mö m+ḡa akwõr hõ mögum r+ḡ m+ḡdmä nugwõn, nõbö nuḡ bla p+ḡsaḡ n+m+ḡ ap mag akuyõbö m+ḡdõlõḡ. ²¹ Alm+n, nõbö mö bli Jisas u p+lõ, r+m+n nugwõn, nuõm p+ḡn+ḡ nõbö nuḡ ada yõl+ḡ põn hõba dumä.

²² Makwam lo mõnõ yad nõl+ḡ nõbö Jerusalem yõbö hõm akuyõbö yadmä, “Ragwo ha akuyõbö nuõ ñ+ḡa Bielsebul Jisas nugwo yuõ wõl aku, ragwo ha piaku yad abm+ḡdõ,” r+mä. Mõnõ inakmõnõ aku hör+m+d+m, ²³ Jisas nuḡ nugwõn, nõbö mö akuyõbö ñ+ḡõ yad+m hõm+ḡdm+n, mõnõ adaku mõnõ hõd rõxõn yadõḡa, “Seten põdpõd rõn Seten nugwõr yad abõn? ²⁴ Kiḡ paḡyõbö i nugwid+x m+ḡjõn möḡõr+ḡ aku, nõbö mö bli õb+lõn ñ+ḡ ñ+ḡõr nuõ nuõ p+l+m+ḡjõñ aku, möḡõr+ḡ aku as+ḡ hõr+rõr n+ḡõn p+n b+cõna. ²⁵ Makwam nuarõ nuõmarõ piaku algõr õr, ñ+ḡ nõbö mö ñ+ḡ keir nuõ nuõ p+l+m+ḡjõñ aku, il aku as+ḡ hõr+rõr n+ḡõn p+n b+cõna. ²⁶ Makwaim mag akuyõbö, Seten nuḡ

keir ragwo ha nuŋ bla yad abmɪdan mōnō, asix hōrɪrōr nɪgōn aŋadō pɪn bɪcōna.

²⁷ “Nōbō ōlɪsō ōdōriō i ram nuŋwa mɪdan nugugɪrōn, nōbō i hōn, ap nuŋ bla pōn duen; hōd nōbō ōlɪsō aku nugwo nag nɪg gō nɪgōn, mai du ram nuŋwa mɪjōn ap akuyōbō pɪrag diōna.

²⁸ “Nɪ ñɪgō mi yadmɪdla, nōbō mō akuyōbō ap kib mag gwogwo agap apɪm rɪmɪjōñ aku, God nugwōn rōbōxōna. God nugwo yad hōimōuōñ aku, nuŋ nugwōn rōbōxōna. ²⁹ Jɪ Inōm Leia nugwo yad hōimōuōñ aku, God nugwōn rōbōxenɪm. Ap kib mag gwogwo cōn aku ōim mɪjōnɪŋō,” rōŋa. ³⁰ Jisas nugwo, “Ragwo ha akuyōbō nugwo ōim nɪgō,” rim makwam, nuŋ aliō yadōŋa.

Jisas pɪgnɪŋ nuōm nōbō bla

³¹ Makwam Jisas pɪgnɪŋ nuōm nōbō hōn, rɪŋadō bō mɪdōn, nōbō i nugwo, “Nagō du Jisas yadan haŋ,” me rɪmā. ³² Makwam, nōbō mō ram mōl yuadō Jisas nugwo wob yuō nɪgōn rōmɪd gɪ mɪdim akuyōbō nugwo yadmā, “Nam nōlōunan pɪgnaŋ nōbō piaku rɪŋadō bō hō mɪdōn, ‘Nagō hane,’ rɪmɪdōiŋō,” rɪmā. ³³ Aliō rɪmɪdmɪn, Jisas yadōŋa, “Mam na, haul nōbō na yōnɪmɪm?” rōŋa. ³⁴ Aliō rōn, Jisas nōbō mō mɪdim bla nugw padɪx gɪr yadōŋa, “Ñɪgō mɪ mam na, haul nōbō na mɪdōia. ³⁵ Nōbō mō God rɪg yad mag akwōr rōi akuyōbō, haul na, mōlōu na, mam na mɪdōiŋō,” rōŋa.

4

Nöbö ap iñ yu aku, Jisas mönö höd rōxōn yadōŋa

(Mat 13:1-9; Luk 8:4-8)

¹ Jisas Ban Yuö Galili pö yöra duön, nöbö mö akuyöbö ñ+gö iswob mönö maga yad nöl m+dm+n nugug+rōn, nöbö mö m+ga hö mögum r+mä. Alm+dm+n, Jisas rōbö alebö i rola rōm+dōn, du rōbö yuö igöp yöra ku m+id g+rōn, nöbö mö rōbö halaia öb+il g+ m+dim akuyöbö ñ+gö mönö yad nölōŋa. ² Jisas mönö piaku mönö höd rōxōn ada hör+rōr mönö m+ga akwör yad nölōŋa.

³ Jisas mönö adö i mönö höd rōxōn yadōŋa, “Mönö yad+ba r+m+d+il k+ nugwi! Nöbö i möriwö r+b nuŋ aku wit iña wōlaŋ, me rōn, pōn du aban duan nugug+rōn, ⁴ iñ bli ödöi uhōb rol yöra p+naŋ, yöur bla hōn n+mōña. ⁵ Iñ bli r+g rol mögö ulul m+jōn yöra p+nōn r+mgör wōiōn aku ⁶ j+ jōjō aban duen aku, naiö n+gaŋ, wörōxōna. ⁷ Iñ bli nag kaigapa m+jōn mib+il yöra p+nōn wōiōn aku, j+ nag kaigap bla hōu wobōn pal n+maŋ maga yaxen. ⁸ J+ iñ bli mögö wä rola p+nōn, wöl ri abōn, maga yax ri abōna. Bli maga padokwo paŋyöbö i hōuōiliö hö wōlu m+j sō (30) yaxōna, bli maga padokwo padök mös hōuōiliö hö du adokwebö ragp+id kwo (60) yaxōna, bli padokwo padök mös mös hōuōiliö hö wōlu amñax+b sō (100) yaxōn+ŋö,” rōŋa. ⁹ Jisas mönö aku yad pör g+rōn yadōŋa, “Ñ+ŋ nöbö mö r+m+j möla m+jōn akuyöbö, mönö yadm+d+il k+ r+m+j pal nugw ri abne,” rōŋa.

4:1: Mak 3:7-9; Luk 5:1-3

4:2: Mat 13:34; Mak 4:33-34

*Jisas pödpöd rımın aliö mönö höd röxyadmıd?
(Mat 13:10-17; Luk 8:9-10)*

¹⁰ Jisas mönö yadmın nugugırön, nöbö mö nugugu mıdmä akuyöbö yau hörırör dumın nugwön nöbö nuḥwa akuyöbö möl sö bla aipam, nöbö mö nuḥ bli kwo aipam, Jisas nugwo yadmä, “Mönö höd röxön yadlö il aku mıakai?” rımä.

¹¹ Aliö rımın, Jisas yadöḡa, “God nöbö mö pön nugwidıx mıdıb mönö aku, God rımın ñıḡ nugwöi aku, jı nöbö mö akuyöbö ñıḡö höd akwör röxön yad nölmıdla. ¹² Akuyöbö almön, God mönö yadıb nöbö i God Mönö kai kıtön rıḡ yadöḡ mag akwör cöna. Nuḥ yadöḡa, ‘Mämäga nugwöña jı ap bli nugweñ.

Mönö yöxöña jı mönö ila rıḡ yada aliö, me rön, nugweñ.

Nugw ri aböyıx aku, God nugwo yad nugumıdöyıx aku, ap kib mag gwogwo röi akuyöbö nugwön röböxöx, me rö,” röḡa.

*Jisas nöbö ap iñyub mönö höd röxönyadöḡ aku,
mönö ila aku yad nölöḡa
(Mat 13:18-23; Luk 8:11-15)*

¹³ Jisas aliö rön ñıḡö yadöḡa, “Mönö höd röxön yadmıdıl akuyöbö nugwölöi aku, mai mönö bli kwo höd röx yadmıjın aku, pödpödiö nugwöñıḡö?” röḡa. ¹⁴ Wit iña nöbö pı abönıḡö, rıl aku, God Mönö maga ai, me rön, yadla. ¹⁵ Iña bli ödöi uhömıdöi rol yöra pıñönıḡö, rıl aku, nöbö mö akuyöbö God Mönö nugwöña, jı wop mıd akwör Seten hön mönö aku pı ḡı du pırag

diön+ñö, rön, yadla. ¹⁶⁻¹⁷ Makwam iña bli riḡ rol mögö ulul miñon yöra piñon riḡgör wöiöna aku, ji jöjö yuö bö duön ölsö piñolan naiö niḡan wöröxon+ñö, riñ aku, nöbö mö akuyöbö God Mönö aku yonyöbö wop aku nugwiñ wä ran nugugiñon, wahax piñiñña, ji hör ulul mag miñi midin nugugiñon, ömörö bli hön+ñönö nöbö bli niḡgö ri gwogwam riñ nugugiñon, mönö mag aku riḡgör röböxon+ñö, rön, yadla. ¹⁸ Iña bli nag kaigap mibiñ yöra piñon wöiön+ñö, riñ aku, nöbö mö God Mönö nugwöña aku, ¹⁹ ji mörö mabö, ram köp höliñ, hön ap akuyöbö riñ miḡa yöxon, yu köme, ulnöu riḡ ap akuyöbö riñ miḡa yöxon, ap piakwör riñbyöx nugwöñ aku mi, God Mönö aku höu wobön pal niñan, maga yaxen+ñö, rön, yadla. ²⁰ Wit iña mögö wä rol yöra piñon+ñö, riñ aku, nöbö mö God Mönö nugwön, nugw piñ gö niḡmiñiñña nugwön maga padokwo pañyöbö i höuöiliö hö wölu miñ sö (30) mönö padokwo padök mös höuöiliö hö du adokwebö ragpiñd kwo (60) mönö padokwo padök mös mös höuöiliö hö wölu amñaxiñ sö (100) akuyöbö yaxöna; riñba aliö yöx nugwön yadiñ maku,” me röña.

*Jisas mönö höd röxon yadöña, nöbö mö na hötiñkö mila röxḡ miñdöñö, röña
(Luk 8:16-18)*

²¹ Jisas nuñ iswob mönö i höd röxon yadöña, “Nöbö mö bla hötiñkö urön wi yöj mo möl böisö mönö äbäñ rol höliñmmiñdöi akum mo bö umadeñ+ñ; biñ yöra sö piñ ciñ ḡiñ mila ab ḡiñ

mijöna. ²² Mag akuyöbö, agap bilim weik umad gi mid aku, mai wöxnö niḡaḡ nugwöña. ²³ Niḡ nöbö mö riḡmij möla mijön bla, mönö yadmīdīl ki riḡmij pal nugw ri abne,” röḡa.

²⁴ Niḡgö mönö i yadöḡa, “Möno yöxmīdöi mönö aku röx nugup du ila nugw ri aböña. Niḡ nöbö mö akuyöbö niḡgö mönö diba yadön, painö pödpödiö nöinö riḡmijöñ aku, God nuḡ nugwön niḡgö kwo algör mönö diba yadön, painö kwo algör aliar nöliḡ, me cöna. Makwam nuḡ niḡgö painö bli kwo rola ab nöine, cöna. ²⁵ Nöbö mö ap mid akuyöbö, bli kwo rol ab pöña; ji nöbö mö ap midöl akuyöbö, ap ulul niḡ mid bla aipam piḡrag diöña.

Krais mönö mag wä aku yad nöliḡ duḡ, nöbö mö miḡa akwör nugw pöña

²⁶ Jisas mönö i mönö höd röxön yadöḡa, “God nöbö mö pön nugwidix midib aku, haiwo aliö kiḡyöbö midā. Nöbö möriwö miḡnöbö i wit iña wölaḡ, me rön, rag du möriwö riḡ nuḡ piaku aböna. ²⁷ Wit iña möriwö riḡ aku abön, höliḡm yönmidāḡ nugugirön, mogw birön, wöliḡba riḡmidā. Pödpödiö wölmīdö, rön, nugwen. ²⁸ Mögö nuḡ keir raḡ, mogwa röpiḡnön, wölon, maga yaxön, göj yöna. ²⁹ Makwam möriwö riḡ miḡnöbö aku göj waḡ nugwön, ödör rag du niḡiḡ wop aku hö, rön, yu ogomaj mea rag duön, ödör pön höniḡö,” röḡa.

4:22: Mat 10:26; Luk 12:2 **4:24:** Mat 7:2 **4:25:** Mat 13:12; 25:29; Luk 19:26 **4:29:** Joel 3:13; Rep 14:15

*Bɪ masted aku, Jisas mōnō hōd rōxōn yadōŋa
(Mat 13:31-32; Luk 13:18-19)*

³⁰ Jisas aliō rōn yadōŋa, “God nōbō mō pōn nugwidɪx mɪjōn aku, haiwo pōdiōm pōn yadmōn nugwōñ? ³¹⁻³² Mɪ, bɪ masted iña rōxg yajɪna. Ap iñ bli diba yuōi akuyōbō ulmɪdō wōla, jɪ masted iñ mag ul cokulā yuŋ, wōl dib rōxōn, padō diba pɪlan, yōur bla hōn hōxia gōrōn mɪdōiŋō,” rōŋa.

*Jisas mōnō hōd rōxōn yadmɪda
(Mat 13:34-35)*

³³ Jisas nuŋ nōbō mō akuyōbō ñɪgō mōnō hōd rōxɪb piaku mōnō mɪga akwōr yad nōlmɪda; akuyōbō alōn, mōnō wā aku ñɪŋ yad nōlmɪda. Ñɪŋ mōnō nugw ri abmɪdōi mōnō akwōr ñɪgō yad nōlmɪda; mōnō nugw ri abmɪdōlōi mōnō aku yad nōlmɪdōl. ³⁴ Jisas nuŋ ñɪgō mōnō hōd akwōr rōxōn yad nōlmɪda. Mai nōbō nuŋ bla pɪsaŋ ñɪŋ keir mɪd gɪrōn, mōnō ila magalɪg yad nōl ri abmɪda.

*Jisas yadmɪn, hōdala hōlōgɪpōŋa
(Mat 8:23-27; Luk 8:22-25)*

³⁵ Wop akwōr ruō hōxi gurōŋ mag aku, Jisas nōbō nuŋ bla ñɪgō yadōŋa, “Rōbō bana pō kwo duŋō,” rōŋa. ³⁶ Jisas aliō rɪmɪn, nōbō nuŋ akuyōbō nōbō mō mɪga akwōr hō mɪdim akuyōbō ñɪgō rōbōxōn, rōbō alebō Jisas mɪdōŋ mōl aku wōlōn, dumā. Rōbō alebō bli alɪg pɪsaŋ dumā. ³⁷ Mibɪl kwo dum nugugɪrōn, rɪb pia hōdal diba hōn, rōbō wōdōn alebō mōla wōlɪm, mɪñ pɪn dubā rōŋa. ³⁸ Jisas nuŋ rōbō alebō mōla rɪb adō sō rōxiō, yōcmac ijib ñɪgōn hōlɪmōŋa nugugɪrōn, nōbō nuŋ bla nugwo du ruob gɪrōn yadmā,

“Mönö yad nölib nöbö, an magalig wöröxiba rimidöl gi, naŋ nuguman an hör ap i röx ä?” rima. ³⁹ Aliö rimidm+n, Jisas öbilön, hödal diba hömidöŋ aku aipam, röbö wöd hömidöŋ aku aipam, tar midö r+m+n, hödal hömidöŋ aku hölögip+m, röbö wöd hömidöŋ aku aŋadö höx rödim du aŋöi niŋöŋa.

⁴⁰ Makwam Jisas nöbö nuŋ bla niŋö yadöŋa, “Niŋ pödpöd r+m+n ipöxm+idöi? Niŋ nugw p+ib mag niŋa ul m+ni mid+m ipöxm+idöiŋ ä?” röŋa.

⁴¹ Aliö r+m+n, niŋ aiö rön, niŋ niŋ keir nuö nuö yad nugwön yadmä, “Nöbö gi nöbö pödiöm? Pödpödiö yadm+n, hödal diba hömid aku aipam, röbö wöd hömid aku aipam, mönö nuŋ aku yöxön, riŋ yad mag akwör röiŋö?” rima.

5

Ragwo ha nöbö i yuö wöl midöŋ aku, Jisas yad abim röu duöŋa

(Mat 8:28-34; Luk 8:26-39)

¹ Jisas nöbö nuŋ bla pisan röbö alebö pön, Ban Yuö Galili möxön, mögöriŋ Gerasa nöbö mö midim pö ir kwo uröpnön, ² röbö alebö aku röböxön, mämaliö p+ni+r+m+n nugug+rön, mag akwör, ragwo ha yuö wöl midöŋ nöbö i, nöbäpö hogw möl piakuyöbö hön, Jisas midöŋ aku höŋa. ³⁻⁴ Nöbö aku nöbäpö hogw p+lim riŋ möl piaku hölmön yön+ida. Nugwo öim sen pön, iŋ wajmag nuŋ bla niŋ gö niŋm+idöi aku, ji sen bla r+m+n, ödörm+n, dum+ida. Nuŋ mi usus rimid makwam, nugwo r+m riŋbyöx nugub maga midölöŋ. ⁵ Mil,

piɣmag yuö, nöbäpö hogw piɣmɣdöi riɣ möl pi-
aku aipam, önöŋ ajmag piaku aipam, göul nö
gɣrön, riɣ pön, miɣiɣñ nuŋwa keir wöɣɣdörmɣda.

⁶ Makwam wop aku, nuŋ Jisas nugwo irmär
nugwön, ipalɣp duön, Jisas mɣdöŋ yöra höxmax
yumɣn, ⁷⁻⁸ Jisas ragwo ha nöbö aku yuö wöl mɣdöŋ
aku nugwo yadöŋa, “Nagö ragwo ha, nöbö gɣ
röböxön röu duö!” röŋa.

Jisas aliö riɣmɣn, yadöŋa, “Jisas, God öɣsö mag
keiryöbö aliɣ mɣda Ha nuŋwa. Ni pödpöd riɣba
hölö? Mönö mi yadö, ‘God nugugu mɣd aku, ni
nagö öɣiŋ höba piɣn nölöinö,’ rane!” röŋa.

⁹ Aliö riɣmɣn, Jisas nöbö aku nugwo yadöŋa, “Ib
nagö mɣkai?” röŋa.

Aliö riɣmɣn, yadöŋa, “Ni ragwo ha mɣga akwör
yuö wöl aku, ib na ‘Magöri,’” me röŋa. ¹⁰ Nuŋ
Jisas nugwo, ragwo ha bla mögöriɣb hör pad piaku
yad abmɣjnanö, rön, yad nugu gör mɣdöŋa.

¹¹ Wop akwör, hön mɣga ödöriö amñö
niɣmɣdim siɣnaŋ höñ piaku. ¹² Makwam, ragwo
ha bla Jisas nugwo yad gögö rön yadmä, “Aniŋ
yadaŋ, duön hön piɣsö yuö wöluŋö,” riɣmä.

¹³ Aliö riɣmɣn, Jisas yöwö riɣmɣn, ragwo ha bla
nöbö aku nugwo röböxön, duön hön piaku yuö
wölmɣn, magaliɣ tu tausan akuyöbö biɣiɣ bö
riɣ aj bö duön, riɣp du röbö palön, magaliɣ röbö
niɣmön wöröx pörmä.

¹⁴ Makwam nöbö hön urmɣdöi piaku, alöŋ aku
nugwön, riɣmögör du taun aku aipam, mögöriɣb
piaku aipam, mönö aku yad nölmɣn nugugɣrön,
nöbö mö akuyöbö du nugunö, rön, Jisas mɣdöŋ

yöra hömä. ¹⁵ Hön nugum+n, nöbö höd ragwo ha m+ga akwör öim n+gön aku, wöl+ij yömön, m+id ri abön, röm+id g+ m+idöŋa. Nugum+n, ölölö r+m+n ipöxmä.

¹⁶ Nöbö mö höd m+dim piaku, nöbö mö mai höm akuyöbö ñ+gö, nöbö ragwo ha yuö wöl m+idön nöbö aku nugwo Jisas agap+m r+g rön akuyöbö yad nölmä. Makwam hön piaku r+g rön aku aipam yad nölmä. ¹⁷ Makwam nöbö mö piaku, mönö yadim aku nugwön, Jisas nugwo yad gögö rön yadmä, “Mögör+ib an g+ röböx duö!” r+mä. ¹⁸ Aliö r+m+dm+n, Jisas röbö alebö pön duba r+m+n, nöbö ragwo ha öim n+g+m Jisas r+m wä rön nöbö aku nugwo yad gögö rön yadöŋa, “N+ p+isaŋ din+ŋönö wöhö?” röŋa. ¹⁹ Aliö r+m+n, Jisas nöbö aku nugwo wöhö rön yadöŋa, “Ram nagö duön, nöbö mö nagö bla ñ+gö, Nöbö Diba nagö m+ göj uliöxön, agap ap+m r+g r+ mönö aku magal+g yad nölö,” röŋa. ²⁰ Jisas aliö r+m+n, nöbö aku mögör+ib Dekapolis mib+l yöra, taun yuadö aku r+p yön g+rön, Jisas nugwo r+g rön akuyöbö, nöbö mö piaku ñ+gö magal+g yad nölm+n, ñ+ŋ magal+g aiö waiö r+mä.

Jisas r+m+n, mö i wä röŋa, wöröxön halöu i öb+löŋa

(Mat 9:18-26; Luk 8:40-56)

²¹ Jisas piönö röbö alebö pön, iswob höbkal du Ban Yuö Galili ir kwo pö yöra m+dm+n nugug+rön, nöbö mö m+ga hön nuŋ m+idön yöra hö r+bmä.

²² Nöbö i ib nuŋwa Jairas. Nuŋ Juda mögum r+ib ram i nugwid+x m+dm+da. Jairas Jisas nugwo nugwön, hö m+idön yöra höxmax yuön, ²³ nugwo

yad gögö rön yadöŋa, “Halöu ulm+do madmag yöbö na aku wörox+ba rim+da. Nagö han ni pisaŋ du nugwo pi nugwan, öb+il kömö duan,” me röŋa. ²⁴ Aliö rim+n, Jisas Jairas pisaŋ dum nugugirön, nöbö mö magöri maga r+p duön, Jisas nugwo mib+il mib+il nigön pön dum+dmä.

²⁵ Makwam mö i, nuŋ mö ödöi dum+dim k+m akuyöbö möl sö yönöŋa. ²⁶ Mö aku uj wob+b nöbö bla ñigö, ni r+ŋ wä ran, me rön, r+g nuŋ bla magal+g mödö nölöŋ aku, j+ nugwo rim wä r+b maga rölöŋ, m+ uplöp du dib röxöŋa. ²⁷⁻²⁸ Makwam nuŋ Jisas r+g rim+d mönö maga yadm+n nugwön aku, du wöl+ij wab nugwo aku pi nugumön wä ran, me rön, nöbö mö m+ga m+dim mib+il aku höglöm ada hön, Jisas wöl+ija pi nugum+n, ²⁹ wop akwör haña pinm+idön aku gö nigm+n, yuö nuŋ bö nugum+n, nugwo röŋ mag aku wä röŋa. ³⁰ Makwam Jisas keir r+mgör nugum+n, ölsö nuŋwa bli duöŋa nugwön, höuöiliö, nöbö mö m+ga m+dim piaku ñigö yadöŋa, “Wöl+ij na aku yön+m pi nugw?” röŋa. ³¹ Jisas aliö rim+n, nöbö nuŋ bla yadmä, “Nöbö mö m+ga akwör nagö wabnaŋnaŋ röi aku, pödpöd rim+n ni nöbö kai pi nugwö, rön, yadm+dlö?” rimä. ³² J+ Jisas mönö ñ+ŋ yadim aku nugwölön, ni nöbö kai pi nugwö, rön, hölu nugu girön m+idöŋa. ³³ Makwam mö aku, nugwo agap ap+m röŋ aku nugwön, ipöxiö gil gil r+ gir hön, Jisas m+idön yödp+lö il yöra höxmax yuön, nugwo wä röŋ mönö aku magal+g wöxnö yad nölöŋa.

³⁴ Jisas painö nugwo yadöŋa, “Halöu na. Jisas ni ran kömö n+gan, me rön, r+g nugw p+lö aliar,

nagö rîmön wä rî maku pal. Ap nan ra aku wä rî makwam, nagö duön mid ri abane,” rōḡa.

³⁵ Jisas mōnō aku yadmîḡn nugugîrōḡn, Jairas nuḡ ram nuḡwa nōbō nuḡ bli yad abîḡm hōḡn yadmā, “Halōu nagö aku mōdō wōrōxa; yad nōlîḡb nōbō kî yadaḡ, yōdpîlō ôlîḡa wōrōxîḡp henmōm, hōuōil duaḡ,” me rîmä. ³⁶ Aliō rîmä aku, jî Jisas mōnō ñîḡgō aku yōxōlōḡ, Jairas nugwo yadōḡa, “Ipōxmîḡjîḡnō; rîḡb ôlîsō yōx nugwanō,” rōḡa. ³⁷ Jisas aliō rōḡn, nōbō mō akuyōbō pîsaḡ duōinîḡjō, rōḡn, ñîḡgō piaku yad ñîḡgōḡn, Pita, Jems, Jems pîḡgnîḡ Jon, ñîḡḡ yam adakwōr yōlîḡḡōḡn duōḡa. ³⁸ Ñîḡḡ Jairas rama urōpîḡnōḡn Jisas nugumîḡn, nōbō mō mōnō ib mōḡgō mōul rōḡn, mîḡ ḡōḡ im ḡîḡr mîḡdmā. ³⁹ Ram mōl yuadō duōḡn yadōḡa, “Pōdpōd rîḡmîḡn mōnō ua ñîḡgōḡn immîḡdōi? Halōu aku wōrōxōl; hōḡr inîḡmō hōlîḡmmîḡdō,” rōḡa. ⁴⁰ Aliō rîḡmîḡn, nugwo yad imōum, ñîḡgō yad rîḡḡō bō abōḡn, halōu nuō nuōm mōnōbō rama pōḡn, nōbō nuḡ pîḡd aku pōḡn, yōlîḡḡōḡn halōu aku wōrōx ḡîḡ mîḡdōḡ ram mōl yuadō duōḡa. ⁴¹ Duōḡn, halōu aku inḡpîlō nugwo pōḡn, Arameik mōnō ñîḡgōḡn yadōḡa, “Talita kom!” rōḡa. Aliō rōḡḡ mōnō il aku, “Halōu ulmîḡdō! Nagö yadmîḡdla, ôbîḡlō!” ⁴² Jisas halōu aku nugwo aliō rîḡmîḡn, wop akwōr ôbîḡlōḡn yōḡnmîḡdmîḡn nugugîrōḡn, nōbō mō akuyōbō aiō waiō rîmä. Halōu aku kîḡm nuḡwa akuyōbō mōl sō yōnōḡa. ⁴³ Nōbō mō mîḡdim bla aiō rîḡm nugugîrōḡn, Jisas mōnō ôlîsō yadōḡn yadōḡa, “Ail mag aku nōbō mō akuyōbō ñîḡgō wōxnō yad nōlmîḡjeñîḡḡjō,” rōḡa. Aliō yad ḡîḡr ñîḡgō yadōḡa,

“Halöu aku nugwo ap maga bli nöliṅ nimanṅ,” me röṅa.

6

*Nasaret nöbö mö Jisas nugw pölim
(Mat 13:53-58; Luk 4:16-30)*

¹ Jisas nöbö nuṅ bla yöliṅön mögöriḅ aku röböxön, taun nuṅwa keir Nasaret duöṅa. ²⁻³ Du midön, Juda God höjöpalḅ wop aku, mögum riḅ ram aku duön, nöbö mö miḅga akwör hö midim akuyöbö ṅiḅgö mönö yad nölmḅn nugugiḅrön, aiö rön yadmä, “Nöbö ki kapeda mögöriḅ kiḅyöbö nöbö, Maria ha nuṅwa i. Piḅgnḅṅ nöbö Jems, Josep, Judas, Saimon maku. Nöläunḅṅ nöbö nuṅ bla piḅsaṅ midöl ki. Ji mönö wä aku pikai yöbö nugwön yad? Ap röliḅä akuyöbö agö magim rön ri?” riḅmä. Aliö rön, nugwo riḅ gwogwo yöxön höglöm nölon pölim.

⁴ Makwam Jisas ṅiḅgö yadöṅa, “Nöbö God mönö yadiḅ bla, mögöriḅ möl bli riḅp yöniṅ, nöbö dib an, me rön, piḅmiḅjöṅ aku, ji mögöriḅ ṅiṅ keir piaku riḅp yönmidiṅ, nöbö mö ṅiṅ keir bla mönö ṅiṅ aku nugweṅiṅö,” röṅa. ⁵ Nugwo nugw pölim makwam, ap röliḅä akuyöbö bli rön aliḅ maga niḅgölöṅ; nöbö mö ap röṅ piaku mösör piḅ nugumḅn, kömö niḅgöṅa. ⁶ Nasaret nöbö mö nugwo nugw pölim aku nugwön Jisas aiö röṅa.

*Jisas nöbö nuṅwa akuyöbö möl sö, mabö na riṅ,
me rön, yad aböṅa
(Mat 10:5-15; Luk 9:1-6)*

Jisas nuŋ piöŋö ram yöj liglig agrö mögöriþ piaku riþ yön giŋrön, nöbö mö akuyöbö ñigö God Mönö maga yad nölöŋa. ⁷ Wop i nöbö nuŋwa akuyöbö möl sö piaku wö riþm hömidmín yadöŋa, “Nöbö mös keir, nöbö mös keir mögöriþ piaku hörirör duön, mönö wä na aku yad nöiöña. Ni ñigö yad abmidil akuyöbö, mönö yad nöi yön giŋrön, ragwo ha bla yad abnöb, yad aböñiŋö,” röŋa. ⁸ Mönö i piöŋö yadöŋa, “Dinöb cöñ aku, ap mag nimþ, yogw, rig þirag dumijeñ; sauö riþ akwör þirag diöña. ⁹ Yam uñ röböŋ kwönö ap uñ mixil paŋyöbö iör röb diöña; ap uñ bli kwo aliþ þirag dueñm. ¹⁰ Ram i duŋ ñigö yad pöña, rama akwör midön, mabö ri þörön, taun aku röböx dinöb cöñ wop akwör diöña. ¹¹ Makwam mögöriþ i uröþiniŋ ñigö yad pön, mönö ñigö aku nugweñ, mögöriþ aku röböx dinöb, nugwiŋ, me rön, yamsö hauya palŋ þinaŋ dinö,” röŋa. ¹² Jisas aliö riþmín, nöbö nuŋwa akuyöbö möl sö bla, ñiŋ mögöriþ piaku piaku duön, nöbö mö akuyöbö ñigö mönö yad nöi giŋ yadmä, “Ap kib mag gwogwo röi aku, pödpöd riþmín aliö alöliŋö, rön, röböxnö,” riþmä. ¹³ Aliö rön, ragwo ha nöbö mö yuö wöl midöŋ piaku miþga yadim röu dum, nöbö mö ap röŋ bla miþga wel röbö nig nölmín, kömö nigöŋa.

*Herod yadmín, Röbö Pal Nöliþ Nöbö Jon
göliöda römaxdörmä
(Mat 14:1-12; Luk 3:19-20; 9:7-9)*

14 Makwam Jisas rön akuyöbö mönö aku, mögöriḅ riḡwonḡ riḡwonḡ akuyöbö dumḡn, kiḡ Herod algör nugwöḡa. Nöbö mö piaku, mönö aku yad nugup duön, bli yadmä, “Röbö pal nöliḅ nöbö Jon wöröxiḡm hogw pḡlim aku, höuöil öbiḡl hön ap röliḅä akuyöbö riḡmḡdö,” riḡmä. 15 Bli yadmä, “Nöbö aku nöbö nagö Ilaija,” me riḡmä. Ji nöbö bli yadmä, “God mönö yadḅ nöbö maduar ör mḡdmḡdöi akuyöbö nöbö i hön mḡdö,” riḡmä. 16 Ji kiḡ Herod nuḡ nugwön yadöḡa, “Aku röbö pal nöliḅ nöbö Jon höd göliöda römaxdörḡm akwör öbiḡl hön mag akuyöbö riḡmḡdö,” röḡa.

17-19 Aku agapḡm: höd Herod, piḡniḡ Pilip möniḡ Herodias röd pöḡa. Piḡmḡn, Jon “Ailö aku, mag waiö i röiö. Nobḡlnḡ nobḡlnḡ nuḡwa penḡḡö,” röḡa. Makwam Jon aliö riḡmḡn, Herodias Jon nugwo nugumḡn öliḡsö wölmḡn yadḡm, Herod nöbö nuḡ bla bli yad abmḡn duön Jon nugwo nag niḡmä. Mö Herodias, nuḡ niḡ pödḡd rön Jon nugwo pḡl pal niḡḡnö, rön, riḅ akwör yöx nugumḡda aku, 20 ji Jon mag gwogwo i riḡmḡdölöm. Nuḡ mönö kai kai yadöḡ aku, Herod nugwön mönö wä paxdöriö akwör yadö, rön, wahax pön, Jon nuḡ nöbö wä lei mḡdö, me rön, ipöxön mönö, Herodias nugwo riḡ gwogwam cönḡḡö, rön, Jon nugwidḡx ri abmḡda. 21 Mö Herodias, Jon nugwo pḡl pal niḡḡnö, rön, nugugu mḡd mḡd aku wop i, Herod nuöma nugwo yöx pön höḡ hörögö röböḡn wop akwör, ap diba niḡmḡba, gapman nöbö dib bla niḡḡn, ami nöbö dib bla niḡḡn, mögöriḅ Galili nöbö dib akuyöbö mönö wob abḡm, ap

diba nımıba hōmä. ²² Hön ap nımmıdımın nugugırön, Herodias halöu nuıwa yuadö möl aku hön hōx wödmın, Herod aıpam, nöbö dib hön ap nımmıdim bla aıpam nugumın, ñıgö wä rımın, kiı Herod halöu aku nugwo yadöıa, “Ailö aku, ap agapım yad nugumıjınö aku nagö nöinö,” röıa. ²³ Makwam mönö ölısö mönö ma yadön yadöıa, “Nı nagö mönö mı ödüriö yadmıdla, naı agapım yad nugumıjınö aku nagö nöina. Mögörib dib nugwidıx mıdıl kı yad nugwan, nagö rıba yadmön nugwidıx mıjnanö,” röıa. ²⁴ Aliö rımın, halöua nuı duön nuöm Herodias nugwo, ap kai yad nugunö, rön nugumın, nuöma painö yadöıa, “Röbö pal nölıb nöbö Jon yöcmac maga yadanö,” röıa. ²⁵ Nuöma aliö rımın, rıba halöu nuıwa rımgör kiı Herod mıdöı yöra duön yadöıa, “Wopik wop mıdö gör, röbö pal nölıb nöbö Jon yöcmac mag nuıwa pön kwosö möla nıgön rag hö nölö,” röıa.

²⁶ Aliö rımın, kiı Herod Jon nugwo rıbyöx nugumın, mı ödüriö lıb pılöıa. Makwam nuı nöbö dib bla nugugu mıdım nugugırön, mönö ölısö mönö ma halöu aku nugwo yadöı aku rıbyöx nugwön, ²⁷ mag akwör ami nöbö nuı i, “Du Jon yöcmac maga rag hane,” rön yad abmın, du Jon göliöda römaxdüren, ²⁸ yöcmac maga pı kwosö möl i nıgön, rag hö halöu aku nugwo nölım, nuı piöıö rag du nuöma nölöıa. ²⁹ Makwam Jon nöbö nuı bla, Jon nugwo göliöda römaxdürim mönö nugwön, ñıı du nöbäpö rag duön, rıg möla hogw pılmä.

*Jisas nöbö mö m̄ga ap mag r̄m̄n n̄m̄mä
(Mat 14:13-21; Luk 9:10-17; Jon 6:1-13)*

³⁰ Jisas mönö wä pön dub nöbö bla, ñ̄n̄ piaku piaku mabö r̄p̄ yön pörön, höuöil hön, nöbö mö akuyöbö ñ̄gö mönö b̄l̄ kai yad nölön, ap b̄l̄ kai rim akuyöbö, magalig Jisas nugwo yad nölmä. ³¹ Nöbö mö m̄ga uhöm̄dmä makwam, Jisas nöbö nuñ bla p̄s̄añ ap n̄m̄b̄ maga ñ̄göl̄m̄, nuñ ñ̄gö yadöña, “An, nöbö mö m̄döl̄oi mib̄l̄ yör i duön, hör m̄d̄n̄, ñ̄n̄ mag m̄n̄i añ̄oi ñ̄göñ̄n̄ö,” röña. ³² Aliö rön, nöbö nuñ bla p̄s̄añ röbö alebö pön, mögörīb̄ nöbö mö m̄dm̄döl̄oi yöra dumä. ³³ Makwam ñ̄n̄ röbö alebö pön dum nuguḡr̄ön, nöbö mö m̄ga akwör, Jisas nöbö nuñ bla p̄s̄añ piaku dum̄döin̄ö, rön, taun piaku piaku r̄m̄görīp̄ duön, röbö pö pö ödöi m̄x̄il̄ aku höd duön, Jisas nöbö nuñ bla p̄s̄añ duba r̄m̄dim̄ piaku, höd du m̄dmä. ³⁴ Jisas nöbö nuñ bla p̄s̄añ röbö pö yöra uröp̄n̄ön gö ñ̄gön, röbö alebö röböxön, nöbö mö m̄ga m̄dim̄ akuyöbö nugwön r̄b̄ nuñwa keir r̄byöx̄ nugwön nugwöña, ñ̄n̄ hön sipsip nöbö nugwid̄x̄ m̄d̄b̄ i m̄döl̄ mag aliö akuyöbö m̄dmä. Aku nugum̄n̄, nuñ l̄ib̄ p̄lm̄n̄, ila ñ̄gön ñ̄gö mönö bli upl̄öb̄ yad nöl m̄döña. ³⁵ Naiö mödö röd̄p̄ duöña nugwön nöbö nuñ bla hön nugwo yadmä, “Naiö mödö röd̄pa. Ki mögörīb̄ ör yörīk̄ m̄döla. ³⁶ Makwam, nöbö mö k̄yöbö yad abañ, ñ̄n̄ du ram yöj l̄igl̄iḡ agrö mögörīb̄ hör il me b̄l̄ik̄ duön, ap mag ñ̄n̄ bli wob n̄m̄n̄,” me r̄m̄ä.

³⁷ Aliö rîmîñ, Jisas yadöŋa, “Ñîŋ keir ñîgö ap mag bli nöine,” röŋa. Aliö rîmîñ, yadmä, “Aliö yadlö aku, nöbö röun akuyöbö amñaxîb sô mabö rön rîg pöi akuyöbö pön ap mag wob rag hön, ñîgö nölib mönö?” rîmä. ³⁸ Aliö rîmîñ, Jisas yadöŋa, “Bred mag ñîŋa pödiö mîd? Du nugwi!” röŋa. Aliö rîmîñ, du nugwön yadmä, “An bred mag akuyöbö mömîd sô, dölöm mös alîg mîdö,” rîmä. ³⁹ Aliö rîmîñ, Jisas yadöŋa, “Nöbö mö kîyöbö yadîŋ, asîx pîd nuöma hörîrör ñîgön, ap panö rol kîyöbö römîd gî mîdîŋ,” me röŋa. ⁴⁰ Jisas aliö rîmîñ, nöbö nuŋ piaku nöbö mö akuyöbö ñîgö yadmîñ, bli nöbö mö padokwo padök mös höuöiliö igwö sô (50) rogwa hörîrör paŋör rîb gî mîdön, bli nöbö mö padokwo padök mös mös höuöiliö hö wölu amñaxîb sô (100) rogwa hörîrör paŋör rîb gî mîdmä. ⁴¹ Makwam Jisas nuŋ bred mag akuyöbö mömîd sô aipam, dölöm hogwa aipam pön, adöx yöd röul adö kau sô laxiö nugwön, God nugwo, ri ablane rön, bred aku pî gîlîxön, nöbö nuŋ bla ñîgö nölmîñ, ñîŋ piöŋö nöbö mö akuyöbö nuöm ñîg nölmä. Dölöm hogwa aku, algör ör nöbö nuŋ bla nölmîñ, nöbö mö akuyöbö ñîgö nuöm ñîg nölmä. ⁴² Nölmîñ, ñîmmîdîm ñîmmîdîm, ñîgö wöta bîröŋa. ⁴³ Bred dölöm rîb rîba rëböxmä akuyöbö, Jisas nöbö nuŋ bla yogw pön piöxmîñ piöxmîñ, yogw akuyöbö möl sô aja wölöŋa. ⁴⁴ Ap ñîmîm wop aku, nöbö piakwör paip tausan duöŋa.

Jisas rëbö panö rola rëbîp duöŋa

⁴⁵ Makwam mag akwör Jisas nöbö nuŋ bla ñîgö yadmîñ, rëbö alebö pön Betsaida taun pö kwo

dum+in nugug+rön, Jisas yöraku midön nöbö mö pia yad abm+in dumä. ⁴⁶ Yad abön, önöñ ajmag i pisö p+id sö wöluön, God höjöp+al g+r midöña.

⁴⁷⁻⁴⁸ Pixmag gur+iba röñ mag aku, Jisas nuñwör midön nugum+in, nöbö nuñ bla ñ+ñ röbö alebö pön, röbö yuö mib+il yörkwo dum+idm+in nugug+rön, hödala dum+idm adaku pik röxiö höm, m+ñi r+ öliöxon röbö panö rola ipöx g+r r+p dum+idm+ä. Ruö yöudöñ löuöñ mag aku, Jisas röbö panö rola nöbö nuñ bla midim yöra duön, ñ+gö röb höx r+ ñ+gön, duba r+m nugug+rön, ⁴⁹⁻⁵⁰ nugwo röbö panö rola dum+idöñ aku nugwön, aku nöbäpö höjöl, me rön, ölölö r+m+in ipöxon aiö rön göul göul nölmä. Alm+in Jisas ñ+gö yadöña, “R+ib diba yöxm+jeñ! N+ nöñ höm+idla! Ipöxm+jeñ+ñö!” röña. ⁵¹ Aliö rön, röbö alebö möla dum+in, hödal höm+idöñ aku hölög+pöña. Alm+in, Jisas nuñ pödpödiö aliö alö, rön, r+ib m+iga yöxmä. ⁵² Nuñ bred pön nöbö mö m+iga nuöm ñ+g nölöña nugwim aku, j+ wop aku ñ+ñ Jisas nugw p+ c+c+ ñ+gölim. ⁵³ Makwam röbö mib+la dum+id dum+id mögö+r+ib Genesaret uröp+nön, röbö alebö aku nag wab+il ñ+gmä. ⁵⁴ Röbö alebö yöra röböx dum nugug+rön, nöbö mö piaku Jisas hö, r+mä nugwön, ⁵⁵ r+mgör mögö+r+ib piaku piaku hör+rör duön, nöbö mö ap röñ akuyöbö pön, Jisas du midöñ yöra pön höm+idm+ä. ⁵⁶ Wop adaku, Jisas ram yöj lig+lig agrö piaku mönö taun piaku mönö mögö+r+ib hör piaku uröp+n+m+in, nöbö mö ap röñ akuyöbö ñ+gö pön hö s+m+aim mib+il yöra ñ+gön, Jisas nugwo yad gögö rön yadmä, “Nagö

m+daŋ, nöbö mö ap r+ bla, wöl+ŋ nagö p+ nugw+ŋ, ñ+gö kömö n+gaŋ,” me r+mä. Jisas yöwö röŋa nugwön nöbö mö nugwo p+ nugwim akuyöbö ñ+gö magal+g wä röŋa.

7

Ap höbwab yuö bebö röp+ŋ r+ŋadö hön akwör p+xa m+ŋöna

¹ Perisi nöbö bli, lo mönö yad nöli+b nöbö bli, Jerusalem yöbö hön, Jisas m+đöŋ yöra du m+đön, ² nugum+ŋ Jisas nöbö nuŋ bli, nöhöŋ+ŋ ap+ŋŋ nöbö hölul r+ ri abön, imaga röbö äbäd ab g+rön ap n+mm+đöi mag akuyöbö rölim. ³ Perisi nöbö piaku aipam, Juda nöbö mö piaku aipam magal+g, nöhöŋ+ŋ ap+ŋŋ nöbö r+g yadm+đöi akuyöbö nugwön, imaga röbö äbäd abö döŋö, ap p+ n+möia. ⁴ S+imaim mib+il yöra du m+đön, höuöil rama hön, paŋ mag akwör röbö äbäd abö döŋö, ap p+ n+möia. Makwam namaga, kwosö, wi yöja, köp höl+m+ŋ ap bla algör röbö äbäd abö döŋö, ap p+ n+möia. Ap akuyöbö magal+g mag kit+ŋ wä röia.

⁵ Makwam, Jisas nöbö nuŋ bla hör ap n+mim aku nugwön, Perisi nöbö piaku aipam, lo mönö yad nöli+b nöbö bla aipam Jisas nugwo yadmä, “Nöbö nagö piaku pödpöd r+m+ŋ, nöso auso nöbö r+g yadim mag akuyöbö, imag ñ+ŋ aku röbö äbäd abölöi wöhö, hör ör ap n+mm+đöi?” r+mä. ⁶ Aliö r+m+đm+ŋ, Jisas yadöŋa, “Ñ+ŋ inakmönö hörm+đöi aku, Aisaia mönö m+ ödöriö yadön, God Mönö aku kai kitön yadöŋa,

‘Nöbö mö k+yöbö, God iba yad+m b+l sö dum+ida,
röi aku,
j+ hör mönö akwör yadöia; n+ madmag
n+gölöi.

⁷ God lo mönö aku yad nölö+ñö, röi aku,
j+ nöbö mö mönö ñ+ñ keir yadöi mönö pi-
akwör yad nölöia.

Makwam, n+ höjöpälön ib na yad+ñ b+l sö duen.

Hör mönö akwör yadm+döinö,’ röña.

⁸ Mag akuyöbö, ñ+ñ God mönö yad n+g+m aku
röböxön, nöbö mö mönö ñ+ñ keir yadöi aku pön,
nuö nöhöñ+ñ nöbö r+g yadöi mag akwör nugw pön
mai duöinö,” röña.

⁹ Jisas ñ+gö iswob yadön yadöña, “Ñ+ñ r+b wä
yöx nugwön, God mönö yad n+göñ aku p+ hör
piaku abön, r+b mag ñ+ña keir akwör nugw pön
mai dum+döia. ¹⁰ Mos+ God Mönö r+b m+ñi
kai k+tön yadöña, ‘Nauö nam r+g yajöñ akuyöbö
nugw pön, ñ+ñ p+ ösös r+ ri aböña; j+ halöu ha
bli nuö nuöm ñ+ñ bla ö+so wölañ mönö diba
yadm+jöñ aku, ñ+ñ ñ+gö p+l pal n+g+ñ wörox+ñ,’
me röña. ¹¹ Makwam ñ+ñ mönö adaku ödöriar
yad nölölöi. Nöbö i, acö mam röböxnöb, cön
aku, nuö nuöm yajöña, ‘Acö mam, n+ ap wä bli
ñ+ñ nöbö hogwa nöilöxa, j+ r+g ñ+ñ nöbö hogwa
nö+l+b r+g aku, wopik n+ God nugwo nöinö, r+l
makwam, ñ+ñ nöbö hogwa nö+l+b r+g i m+dölö,’
cöña. ¹² Akuyöbö al+ñ, ñ+ñ nugwön yajöña, ‘Ñ+ñ
akuyöbö alöi aku, mönö m+dölö,’ cöña. Aliö
yad+ñ, ñ+ñ God Mönö aku röböxön, ap wä bli nuö
nuöm ñ+gö nöleñ. ¹³ Makwam, r+b mag ñ+ña keir

akwör yöx nugwön, mai duön, nöbö yonyöbö bli aipam yad nöliṅ, ñiṅ piöṅö nöbö yonyöbö bli yad nöliṅ, aliṅ duṅ nugugirön, God Mönö hör ap i röxg p+ hör ki bö aböia. Makwam nuö nuöm mönö yadil akwör yoi; ñiṅ ap miḡa akwör aliö paṅ mag akwör rimidöiṅö,” röḡa.

¹⁴ Jisas aliö rön, nöbö mö magöri riḡ midim akuyöbö ñigö yadm+n, nuṅ midöṅ il yöra hömidm+n yadöḡa, “Mönö yadiba rimidil ḡi ñiṅ magaliḡ nugwön, mönö ila röx nugw ri aböña. ¹⁵ Ñiṅ ap n+m+iṅ yuö bö p+n diön aku p+x pilen+m; ap höbwab yuö ñiṅ bebö röpin riḡadö höna akwör raṅ, ñiṅ p+xa aliḡ mijöña. ¹⁶ Ñiṅ nöbö mö rimij möla mijön bla, rimij pal niḡ nugw ri abne,” röḡa.

¹⁷ Jisas aliö rön, nöbö mö bla ñigö röböxön, ram möl yuadö dum+n, nöbö nuṅ bla nugwo yad nugumä, “Mönö höd röxön yadlö aku, ila aku mikai?” rimä. ¹⁸ Aliö rim+n, Jisas yadöḡa, “Nöbö mö bla ñiṅ nugwölöi mag akuyöbö, ñiṅ kwo algör nugwölöi ä? Ap mödöi bla amnör n+m+iṅ, höbwab bö p+n duṅ, God nugum p+x pilöl. ¹⁹ Aku agap+m: ap n+möi piaku, madmag yuö bö duen; höbwab yuö bö ör p+n duṅ, höb aliḡ yax aböñiṅö,” röḡa. Jisas yadöṅ mönö aku, ap bla magaliḡ paṅ n+m+ib akwör m+da, möd+ib ap bli midölö, röḡa.

²⁰ Makwam Jisas aliö rön yadöḡa, “R+ib gwogwo yuör+ib ñiṅ bebö röpin riḡadö hön ap akwör raṅ, nöbö mö p+xa aliḡ mijöña. ²¹ Nöbö mö bla yuör+ib ñigö bö r+ib gwogwo yöx nugu ḡirön, ñiṅ mag

gwogwo rön, ap kib pön, nöbäpö pälön, mö kib nöbö kib rön, ²² ap piaku ap ana aliḡ midölö, rön, nöbö mö bli r+ḡ gwogwo yöxön, inakmönö hörön, mönö gwogwo yadön, ap piaku ap na aliḡ midölö r+ḡ, ölsö wölan, nöbö mö yad höimöuön, ib ñ+ḡ keira mag wölön, am+ḡ rön, mag gwogwo r+ḡ r+ḡ akwör yöx nugwön, röia. ²³ Mag gwogwo röi piaku r+ḡ mag i hör piakuyöbö höl. R+ḡ gwogwo maga yuör+ḡ ñ+ḡ bebö wöl aku r+m+ḡ, nöbö mö God mämäg il rol nuḡwa p+ḡa aliḡ midöia.

Mö i, Jisas ran, halöu na kömö n+ḡön+ḡ, rön, nugw pöḡa

(Mat 15:21-28)

²⁴ Jisas mögör+ḡ aku röböxön, du mögör+ḡ taun dib Taia womiöx yörakwam duöḡa. Duön, nöbö mö piaku n+ḡ weik nugwöl+ḡ, me rön, ram möl yuadö möl i duön umad ḡ+ midöḡa aku, j+ḡ umad ḡ+ mid+ḡ maga midölön. ²⁵ Mö i, halöu nuḡ m+ḡda ragwo ha öim n+ḡöḡ makwam, Jisas hö, r+m+ḡ, nuḡ duön Jisas yödp+lö il yöra höxmax yuön, ²⁶ Jisas nugwo yad gögö rön yadöḡa, “Halöu na ragwo ha yuö wöl aku, yad aban röu duan,” me röḡa. Mö aku nuḡ Juda mö yöi. Nuḡ yöx pön hem mögör+ḡ Pönisia, mögör+ḡ Siria nöbö nugwid+x m+ḡdm+ḡmä. ²⁷ Makwam aliö r+m+ḡ, Jisas nugwo yadöḡa, “Höd halöu ha ap n+m+ḡ, wöt b+cön aku waiö. Halöu ha nöliḡ ap mag aku pön wöñö abn+ḡ aku wä ren+ḡ, ” röḡa. ²⁸ Aliö r+m+ḡ, mö aku painö yadöḡa, “Nöbö Dib! Aku wä yadlö makwam, j+ḡ halöu ha piaku ap n+m+ḡ, r+ḡ r+ḡa akuyöbö äbäñ mo aku p+ḡan, wöñö bla aipam n+möñ+ḡ,” röḡa. ²⁹ Aliö r+m+ḡ, Jisas mönö

aku nugwön yadöŋa, “Nagö aliö yadlö aku, halöu nagö ragwo ha yuö wölön mid aku mödö röu dua; naŋ duö,” röŋa. ³⁰ Jisas aliö rımın, mö aku höbkal duön nugumın, ragwo ha röböx röu dumın, halöu nuŋwa köp rol yöra tar hölim gi midöŋa.

Rımij möl idixöŋ nöbö i Jisas rımın, rımij möla rödöŋa

³¹ Jisas mögöriþ taun dib Taia il yöra röböxön, du mögöriþ taun dib Saidon il piaku palön, mögöriþ Dekapolis duön Ban Yuö Galili duöŋa. ³² Umın nugugirön, nöbö mö piaku nöbö rımij möl idixım mönö þi ri abmidöl nöbö i pön hön, Jisas nugwo yad gögö rön yadmä, “Nöbö kþ nugwo þi nugwan, wä ran,” me rımä. ³³ Aliö rımıdmın, Jisas nöbö aku nugwo yöliŋön hör hör yöra duön, imag nuŋ aku rımij möla abön, imag höpöl þilön, albeñ nuŋ aku þi nugwön, ³⁴ laxiö adöx sö nugwön, aŋöi niŋ girön, “Epata!” röŋa. Mönö yöbö yadön, “Epata,” röŋ aku, mönö il aku “Rödö,” röŋa. ³⁵ Jisas aliö rımın nugugirön, nöbö aku rımij möla rödmın, ajmöla womiöxım nugugirön, mönö ödöriar pöŋa. ³⁶ Jisas nuŋ piöŋö nöbö mö akuyöbö niŋgö yadöŋa, “Mönö aku nöbö mö bli yad nölmijeñiŋö,” röŋa. Mönö aku mönö ölsö yadöŋa, ji niŋ du mi usus rön nöbö mö miŋa yad nölmä. ³⁷ Mönö aku yad nölmıdmın nöbö mö nugwön aiö waiö rön yadmä, “Jisas ap piaku magaliŋ rımıdmın mi wä ra. Nuŋ nöbö mö rımij möl idixön ri piaku rımın, rımij möla rödmın,

nöbö mö albeñ ömörö rɪ piaku rɪmɪn, mönö pɪ ri aböiŋö,” rɪmä.

8

*Jisas nöbö mö mɪga ap mag nölmɪn nɪmɪmä
(Mat 15:32-39)*

¹ Wop mibɪl yör akwör, nöbö mö mɪga hö mɪdɪm, ap maga mɪdölmɪn, Jisas nöbö nuŋ bla wö rɪm hömɪdmɪn yadöŋa, ² “Nɪ nöbö mö kɪyöbö ñɪgö uliöxmɪdla. Wop mös paŋ nɪ pɪsaŋ mɪdön hör mɪdöia. ³ Ñɪŋ kiö akwör yad abmön, bli pad piaku höi akuyöbö, ödöi mibɪl piaku duön, mämäga mömöinö palaŋ, pɪn bɪcöñɪŋö,” röŋa. ⁴ Aliö rɪmɪn, nöbö nuŋ bla yadmä, “Mögörɪb ki mibɪl ör yörɪk, ap maga pikai yöbö pön nöinɪŋö?” rɪmä. ⁵ Aliö rɪmɪn, Jisas yadöŋa, “Bred mag ñɪŋa pödiö mɪd?” röŋa. Aliö rɪmɪn, yadmä, “Akuyöbö mɪj sö,” me rɪmä. ⁶ Aliö rɪmɪn, Jisas nöbö mö akuyöbö ñɪgö yadmɪn, römɪdɪm nugugɪrön, bred mag akuyöbö mɪj sö aku pön, God nugwo ri ablaŋe, rön, pɪ gɪɪxön, nöbö nuŋ bla nölmɪ, ñɪŋ piöŋö pön, nuöm nɪgön nöbö mö nölmä. ⁷ Dölöm ulul pɪ gɪ mɪdim aku algör pön, God nugwo ri ablaŋe rön, nöbö nuŋ bla nölmɪ, nuöm nɪg nölmä. ⁸ Nölmɪn, nɪmmɪdɪm nɪmmɪdɪm ñɪŋ wöta bɪrɪm, rɪb rɪba röböx röböxɪp rim piaku, Jisas nöbö nuŋ bla yogw akuyöbö mɪj sö piöxmɪn aja wölöŋa.

⁹ Nöbö ap nɪmim adaku, po tausan akuyöbö. Jisas nuŋ nöbö mö adaku ñɪgö yad abön, ¹⁰ nöbö nuŋ bla pɪsaŋ röbö alebö pön, mögöriɪb Dalmanuta dumä.

Perisi nöbö bli, “Ap rölbä akuyöbö i ran nuguṇö,” r+mä

(Mat 16:1-4; Luk 12:54-56)

¹¹ Perisi nöbö bli Jisas nugwo inakmönö hörinṇ pödiö yajöninṇö, rön, hön nugwo pisanṇ mönö yad nugup duön yadmä, “God adöx yöd röul adö kau sö mid ölisö nunṇwa pön ap rölbä mag cimäla ran, an nugwön, God nagö yad abminṇ hōraṇö, rön, nuguṇinṇö,” r+mä. ¹² Aliö r+m+n, Jisas anṇöi mag diba abön yadöṇa, “Nöbö mö weik midöi wop kṇ, pödpöd r+m+n yadöi, ‘Ap rölbä mag cimäl i ran nuguṇö,’ röi? Nṇ ñigö mi ödöriö yadmṇdla, ñigö ap rölbä akuyöbö i r+mön, nugweñinṇö,” röṇa.

¹³ Aliö yadön, ñigö röböxön, nöbö nunṇ bla pisanṇ röbö alebö pön, ban yuö ir kwo wölumä.

Jisas, nöbö nunṇ bla Perisi mönö ñinṇa peñinṇö, rön, mönö höd röxön yadöṇa

(Mat 16:5-12)

¹⁴ Makwam nöbö nunṇ bla uplöbön, bred miḡ yöi, mag paṇyöbö iör pṇ röbö alebö möla niḡön, pṇrag dumä. ¹⁵ Mibṇl kwo du ḡrön, Jisas ñigö yadöṇa, “Perisi is ñinṇ aku aipam, Herod is nunṇ aku aipam, nugw ri abne,” röṇa.

¹⁶ Aliö r+m+n, nöbö nunṇ bla ñinṇ keir yad nugwob nugwob rön yadmä, “Bred mag bla aipam ragölöl aku yadmṇdö,” r+mä. ¹⁷ Jisas nunṇ keir ñinṇ riḡ yadim aku nugwön yadöṇa, “Pödpöd r+m+n bred maga ragölölinṇö, rön, yadmṇdöi? Ñinṇ mönö nugwön il aku nugwölöi ä? ¹⁸ Mämäḡa niḡöṇ aku nugwölöi? R+m+j möla niḡöṇ aku yöxölöi?”

Owa nugwön uplöböi? ¹⁹ Nöbö paip tausan m+dim wop aku, bred mag akuyöbö möm+id sö pön p+ g+lx nölmön, n+mön r+ib r+ba röböxim bla, yogw akuyöbö pödiö piöxim?” röŋa. Aliö r+m+n, yadmä, “Yogw akuyöbö möl sö piöxm+ŋö,” r+mä. ²⁰ Aliö r+m+n, yadöŋa, “Makwam nöbö po tausan m+dim wop aku, bred mag akuyöbö m+j sö p+ g+lx nölmön, n+mön r+ib r+ba röböxim bla, yogw akuyöbö pödiö piöxim?” röŋa. Aliö r+m+n, yadmä, “Yogw akuyöbö m+j sö piöxm+ŋö,” r+mä. ²¹ Aliö r+m+n, yadöŋa, “Ñ+ŋ mönö yöxön, mönö ila nugwölöiŋ ä?” röŋa.

Mämäg we wölöŋ nöbö i Jisas r+m+n, mämäga ix nugwöŋa

²² Makwam ñ+ŋ Betsaida tauna uröp+nm+n nugug+rön, nöbö mö bli nöbö mämäg we wölöŋ i pön hön, Jisas nugwo yad gögö rön yadmä, “Nugwo p+ nugwö,” r+mä. ²³ Aliö r+m+dm+n, Jisas nöbö mämäg we aku nugwo inp+lö pön, yöliŋön ram yöj liŋliŋ agrö r+ib yöra duön, mämäg nugwo aku höpöl p+lön, nugwo p+ nugwön, yadöŋa, “Mämäg nagö ap bli nugum+dlanö owa?” röŋa. ²⁴ Aliö r+m+n, yadöŋa, “Yöwö. Nöbö mö bla nugum+dla, j+ bi höu röxg+ib bla yön+m+döiŋö,” röŋa.

²⁵ Aliö r+m+n, Jisas iswob mämäg nuŋwa p+ nugum+n, r+ib pia wä r+m+n ap bla magal+g nugw ri aböŋa. ²⁶ Makwam Jisas nöbö aku nugwo yadöŋa, “Iswob höbkal ram yöj liŋliŋ agrö nöbö mö m+idöi pö kwo wölum+j+nö; ram nagö paxdöriar duö,” röŋa.

Pita Jisas nugwo yadöŋa, “Nagör m+ Mesaia,” me röŋa

(Mat 16:13-20; Luk 9:18-21)

²⁷ Jisas nöbö nuŋ bla p+saŋ ram yöj l+glig agrö taun dib Sisaria Pilipai il yöra dumä. Ödöi mib+il yöra du g+rön ñ+gö yadöŋa, “Nöbö mö piaku, n+ yön+m+m me rön nugwöiŋö?” röŋa. ²⁸ Aliö r+m+n, yadmä, “Nöbö mö bli nagö röbö pal nöli+b nöbö Jon aku, me röia; bli llaija, me röia; bli God mönö yad+ib nöbö keir i, me röiŋö,” r+mä.

²⁹ Aliö r+m+dm+n, Jisas ñ+gö yadöŋa, “Ñ+iŋ keir n+ yön+m, me rön, nugwöi?” röŋa. Aliö r+m+n, Pita yadöŋa, “Naŋör m+ Mesaia* maku,” me röŋa.

³⁰ Aliö r+m+n, Jisas yadöŋa, “Nöbö mö akuyöbö mönö aku wöxnö yad nölm+jeñ+iŋö,” röŋa.

Jisas yadöŋa, “N+ wöroxön höbkal öbinö,” röŋa
(Mat 16:21-28; Luk 9:22-27)

³¹ Jisas nuŋ ila n+gön, nöbö nuŋ akuyöbö ñ+gö mönö yad nölon yadöŋa, “Nöbö Ha nuŋwa öliŋ höb diba ödöriö pöna. Mönö p+ nuöm n+g+ib nöbö dib bla aipam, God ap höjöp+al ur nöli+b nöbö dib bla aipam, lo mönö yad nöli+b nöbö bla aipam, nugwo nugw+iŋ, öli+sö wölaŋ, p+il pal n+g g+iŋ, nuŋ wöroxön, wop mös m+dön, wop paŋ aku höbkal öbiön+iŋö,” röŋa. ³² Jisas mönö aku wöxnö yad+m, Pita nugum, wä röli+m, Jisas nugwo pön du r+ib yöra ku duön, nugwo yad g+rön yadöŋa, “Möno aliö akuyöbö yadm+i+j+nö,” röŋa. ³³ J+ Jisas

8:28: Mak 6:15 **8:29:** Jon 6:68-69 * **8:29:** Grik mönö “Krais” aipam, Hibru mönö “Mesaia” aipam ila paŋyöbö iör m+da: “God yad n+göŋ Nöbö maku.” **8:30:** Mak 9:9

höüiliö, nöbö nuḡ bla ñigö nugwön, Pita nugwo yadöḡa, “Seten! Naḡ höglöm nı adö duö! God rıbyöx nugw rıb akuyöbö yadmıdöiö; nöbö mö piaku rıbyöx nugwöi rıb akuyöbö yöx nugwön yadmıdlanö,” röḡa.

³⁴ Jisas aliö rön, nöbö nuḡ bla aipam, nöbö mö mıga mıdim akuyöbö aipam wö rım, il yöra hömıdmın yadöḡa, “Nöbö mö yön yön nı pısaḡ mıdıba cöñ bla, ap agapım mögöriḡ rol il kı rıb diba yöx nugwöi aku röböxön, mıxıñ ñıḡa keir rıb diba yöx nugwöi aku röböxön, bı katlö watlö waba pı ragpıd ñig ragön nı mai höḡ.

³⁵ Nöbö mö, Jisas nugw pön mıdıḡ wä renıḡö, rön, nugwöñ bla, mı aḡadö pın bıcöña. Makwam nöbö mö, Jisas nugw pön, mönö wä nuḡwa nugw pön mıdıḡ, anıḡ rı gwogwam cöñ aku mönö mıdölö, rön, rıḡ diön nöbö mö akuyöbö, God raḡ öim öim mıḡöña.

³⁶ “Makwam nöbö mö, ap waiö mögöriḡ rol il kı mıga akwör pınıḡö, rön, rıḡ duḡ, mögöriḡ il kı mıd ap akuyöbö magalıḡ pöña, ḡ öim mıdıḡ mag aku peñım. ³⁷ Ap waiö akuyöbö magalıḡ rag du sım rön, öim mıdıḡ mag aku wobıḡ maga mıdöl.

³⁸ “Weik wop kı nöbö mö ñıḡ nöbö mö kib mag yönön, ap kib mag gwogwo rı gör mıdöi aku, nöbö mö kai nı aipam mönö na aipam möıgw yöxöñ aku, mai Nöbö Ha nuḡwa Nuö mil mag wä keiryöbö pön, ejol lei bla pısaḡ hön wop aku, nuḡ ñıḡö algör ör möıgw yöxön, ‘Nöbö mö akuyöbö ñıḡö nugumıdöiö,’ cönıḡö,” röḡa.

9

¹ Jisas aliö rön, mönö i yadöŋa, “Nĩ ñĩgö mönö mi yadmĩdla, ñĩŋ nübö mö mĩdöi kiyöbö bli kömö mĩdĩŋ nugugĩrön, God nübö mö pön nugwidix mĩdĩb wop aku, mil ölisö mag diba alĩp han nugwöñĩŋö,” röŋa.

*Jisas mixiñ nuŋwa mi keiryöbö wöxnö ñĩgöŋa
(Mat 17:1-12; Luk 9:28-36)*

² Makwam mai wop akuyöbö inösu bö mĩdön, Jisas nuŋ Pita Jems Jon ñĩgö yam ada yölĩŋön, mögöriḅ nübö mö mĩdölim höñ i pisö wölu önöŋ ajmag pĩd sö wölumä. Wöluön, Jisas nugwo nugumĩn nugugĩrön, mixiñ nuŋwa mi keiryöbö wöxnö ñĩgöŋa. ³ Wölĩj nuŋ aku lei gudogudö wä keiryöbö wöxnö ñĩgĩm, mil milöu gi mĩdöŋa. Nübö mö mögöriḅ mĩgrö ki i wölĩj bli röbö pĩlön pĩl patön rĩm, lei gudogudö aliö akuyöbö röxgiḅ maga mĩdöl. ⁴ Makwam nugumĩn, Ilaija Mosĩs yöŋö hön Jisas piŋaŋ mönö pi mĩdmä. ⁵ Ñĩŋ nugwön, Pita Jisas nugwo yadöŋa, “Mönö yad nölĩb nübö, an yöriḅ mĩdĩm mi wä ra! Makwam, an ram böto mea mös paŋ urön; nagö i, Mosĩs i, Ilaija i,” me röŋa. ⁶ Ñĩŋ ipöxmĩdim aku döŋö, Pita riḅyöx nugw ri abölöŋ wöhö, amnör aliö yadöŋa.

⁷ Makwam mĩjoi wab i hön, ñĩgö pi yuö abmĩn nugugĩrön, mönö i mĩjoi yuö yöŋ sö pik yadöŋa, “Aku Ha madmag yöbö ni ödöriö. Mönö yajöna akuyöbö nugune,” röŋa. ⁸ Aliö rĩmĩn nugugĩrön, ñĩŋ adadö nugumĩn, nübö hogw aku mĩdölĩmem; Jisas nuŋwör mĩdöŋa.

⁹ Makwam ñiŋ pɪd sɔ rɔbɔxɔn, hɔ pɪn giɾɔn, Jisas yadɔŋa, “Pɪd gi hɔmɪdmɪn ap rɪmɪda nugwɔi aku, weik nɔbɔ mɔ bli yad nɔlmɪjeñ. Mai Nɔbɔ Ha nuŋwa wɔrɔxɔn ɔbiɔn wop aku, wɔxnɔ yad nɔine,” rɔŋa. ¹⁰ Aliɔ rɪmɪn, nɔbɔ nuŋ bla nɔbɔ mɔ bli yad nɔlɔlim; ñiŋ keir yad nugwob nugwob rɔn yadmä, “Wɔrɔxɔn ɔbinɔ, ra aku, mɔnɔ il aku mɪkai?” rɪmä. ¹¹ Aliɔ rɔn, Jisas nugwo yad nugwɔn yadmä, “Lo mɔnɔ yad nɔlɪb nɔbɔ bla pɔdpɔd rɪmɪn yadɔi, ‘Ilaija hɔd hɔnɪŋɔ,’ rɔi?” rɪmä. ¹² Aliɔ rɪmɪdmɪn, Jisas yadɔŋa, “Mi yadɔia. God Mɔnɔ maga kai kɪtɔn yadmä, ‘Nɔbɔ Ilaija hɔd hɔn ap piaku rɪ pɪdɪlumɪjɔnɪŋɔ,’ rɪmä. Makwam God Mɔnɔ aku mɔnɔ i kai kɪtɔn yadmä, ‘Nɔbɔ mɔ piaku Nɔbɔ Ha nuŋwa nugwo peñ; ñiŋ nugwo ɔlɪŋ hɔb diba pɪ nɔiɔñɪŋɔ,’ rim mɔnɔ aku, pɔdpɔd rɪmɪn aliɔ yadɔiŋɔ, rɔn, nugwɔi? ¹³ Ilaija mɔnɔ yadmä aku, mai hɔnɪŋɔ, rɔn, rɪb aku yɔx nugumɪjeñ. Nuŋ mɔdɔ hɔm nugwɔn, rɪb ñiŋa keir yɔx nugwɔn nugwo amnɔr rɪ gwogwam rɪmä. Aku makwam, God Mɔnɔ aku kai kɪtɔn, nugwo rɪg cɔñɪŋɔ, rim mag akwɔr rɔiŋɔ,” rɔŋa.

Ragwo asa ha ulmɪdɔ i ɔim nɪgɔŋ aku, Jisas yad abɪm rɔu duɔŋa

(Mat 17:14-21; Luk 9:37-43)

¹⁴ Makwam ñiŋ up bɔ pɪn duɔn nugumɪn, lo mɔnɔ yad nɔlɪb nɔbɔ bli, Jisas nɔbɔ nuŋ akuyɔbɔ mac sɔ pɪsaŋ nuɔ nuɔ yad mɪdɪm nugugɪrɔn, nɔbɔ mɔ mɪga akwɔr hɔn, ñiŋgɔ pɪ yuɔ abɔn nugugu mɪdmä. ¹⁵ Aliɔ nugugu mɪdmɪm

nugugirön, Jisas höröpinmïn, nöbö mö hö midim akuyöbö, aiö rön, du nugwo yad wahax pimä.

¹⁶ Jisas nöbö nuŋ bla ñigö yad nugwön yadöŋa, “Pödpöd rimïn nuö nuö yadmïdöiŋö?” röŋa.

¹⁷ Aliö rimïn nugugirön, nöbö i nöbö mö midim mibïl yöra yadöŋa, “Mönö yad nölib nöbö. Ha na aku, ragwo asa yuö wölm, mönö pöl. ¹⁸ Wop bli nugwo uplöp rimïn, pin birön, ajmöla höpöl höbwa röpinmïn, ajmaga öbix kit kit yuön, in wajmag mïxiñ pi in ri nölip ra. Öim akuyöbö almïn almïn, ni pön höl aku, jï nöbö nagö akuyöbö ñigö yadmön, ragwo asa aku yad ab wöhö nugwön röböxöiŋö,” röŋa.

¹⁹ Aliö rimïdmïn, Jisas ñigö yadöŋa, “Ñiŋ nöbö mö weik midöi kiyöbö God nugw pi cïcï ñigölöi. Wop kai nugwo nugw pön, ap piaku ñiŋ keir cöñ? Mönö öim yadmön nugwöi aku, jï ni pödpödiö mönö kitib wä yadmön nugwöñ? Ha aku pin midïl yörik pön höi!” röŋa. ²⁰ Aliö rimïn, pön Jisas midöŋ il yöra pön höm, ragwo asa nugwo öim nigöŋ aku, Jisas nugwo nugwön, ha aku nugwo rimïn, pin birön, wöj wöj nölmïn, höpöl wöl höpöl höbwa hör pinöŋa. ²¹ Almïn, Jisas ha aku nuö yad nugwön yadöŋa, “Ap aku wop kai röŋ?” röŋa. Aliö rimïn, yadöŋa, “Maduar haŋala midöŋ wop akwör röŋa. ²² Ragwo as aku, nugwo öim pil pal nigïnö, rön, rin yönmid rin yuö bla aipam, röbö yuö bla aipam pal wöd abmïda. Almïd makwam, anïŋ nuarö uliöxön, ap aku yad abib maga cön aku, yad abö,” röŋa. ²³ Aliö rimïn, Jisas yadöŋa, “Ni pödpöd rimïn, ‘Yad abib maga

cön aku, yad abö,' rön, yadm+dlö? R+g yad nugun mag akuyöbö cön+ñö, rön, r+byöx nugunö aku, r+g yad nugunö mag akwör cön+ñö,” röña. ²⁴ Jisas aliö r+m+n, ha nuö aku yadkap ör yadöña, “Nagö nugw p+la; mag aku c+nañö, rön, r+b aku yöx nugul aku, j+ r+b mös yöxbä maga ra aku, n+ r+b wä nolan nugwön n+ m+ añadö nugw p+nöm,” röña.

²⁵ Makwam nöbö mö m+ga, nuarö hogwa Jisas p+sañ m+dim yöra, ipal+p höm+dm+n nugwön Jisas ragwo as aku nugwo yadöña, “Nagö ragwo asa, nöbö mö r+man r+m+j möla id+xim mönö p+m+dölöi aku, nagö yadm+dla, ha aku nugwo röböxön, añadö röu duö, mai höuöil höm+jnañö!” röña. ²⁶ Jisas aliö r+m+n, ragwo as aku aiö diba rön, röu dinöb rön, ha aku nugwo r+m+n, göur du p+n b+rön, g+l g+l r+, r+ gö n+gm+n, nöbö mö m+ga yadmä, “Ha mödö wöröxö,” r+mä. ²⁷ Aliö yad+m aku, j+ Jisas in+p+lö nuñ aku pön, nugwo pab+l nöl+m, nuñ kömö m+döña. ²⁸ Mai Jisas ram möl yuadö duön, nöbö nuñ bla p+sañ ñ+ñör m+id g+r, nugwo yadmä, “Pödpöd r+m+n an ragwo as aku yad ab wöhö nugwöl?” r+mä. ²⁹ Aliö r+m+n, Jisas yadöña, “Ragwo as akuyöbö hör yad abeñ; God höjöpäl m+jöñ akwör röu diöña. Hör aku röu dueñ+ñö,” röña.

Jisas iswob, “Wöröxön öbinö,” röña

(Mat 17:22-23; Luk 9:43-45)

³⁰⁻³¹ Jisas nöbö nuñ bla yöliñön, mögöri+b aku röböxön, mögöri+b Galili mib+l yöra du g+rön,

nöbö nɪ akuyöbö ñɪgö mönö yad nöl ri abne, rön, tar umad gɪ mɪdön, ñɪgö yad nölmɪda. Ñɪɲ yad nölön yadöŋa, “Nöbö Ha nuɲwa nugwo wöñö u rön nöbö bli ñɪgö nölaɲ, nugwo pɪl pal nɪg gɪɲ, wöröxön, wop mös mɪdön, wop paɲ aku höbkal öbiönɪjö,” röŋa. ³² Nuɲ aliö rɪmɪn nugugɪrön, mönö il aku mɪkai, me rön, nugwo yad nugwöyɪx aku, jɪ ipöxön yad nugwölim.

Nör nöbö diba mɪdlö, rön, mönö nuö nuö yadmä

(Mat 18:1-5; Luk 9:46-48)

³³⁻³⁴ Makwam ödöi mibɪl yöra du gɪrön, Jisas nöbö nuɲ piaku, “Nör nöbö diba, nagö nöbö dib yöi,” me rɪ gɪrön, nuö nuö yadmɪn duöŋa. Du Kapaneam uröpɪnön, ram möl yuadö duön, Jisas ñɪgö yad nugwön yadöŋa, “Ödöi mibɪl yöraku hö gɪrön, mönö kai yadɪp höi?” röŋa. Aliö rɪmɪn, nöbö nuɲ bla mönö aku yad nugu gɪrön hem aku nugwön, möigw yöxön, painjö yad nölölim. ³⁵ Yad nölmɪdölim, Jisas du römɪdön, nöbö nuɲwa akuyöbö möl sö akuyöbö ñɪgö yadɪm hömɪdmɪn yadöŋa, “Nöbö mö diba mɪdɪba cöñ piaku, nöbö mö hör mabö rɪ nölöi akuyöbö mɪdön, nöbö mö bli ñɪgö magalɪg mabö rɪ nöliɲ,” me röŋa. ³⁶ Aliö rön, ha ulmɪdö i pön hön mɪdim mibɪl yöra nɪgön, wob gɪrön yadöŋa, ³⁷ “Nöbö mö nɪ nugw pön, ha ulmɪdö aliö kɪyöbö röxgɪb paɲyöbö i pɪ ösös ri abmɪjöñ aku, ha aku nugwör wöhö, nɪ aipam pöña. Makwam nɪ pöñ aku, nör wöhö, Acö na yad abmɪn höm aku nugwo aipam pöñɪjö,” röŋa.

9:32: Luk 9:45 **9:35:** Mat 20:25-27; Mak 10:43-44; Luk 22:24-26 **9:37:** Mat 10:40

Nöbö mö an höx mɨdölöi akuyöbö, ñiŋ nöbö mö nugub an

(Luk 9:49-50)

³⁸ Makwam Jon Jisas nugwo yadöŋa, “Mönö yad nöliḅ nöbö. Nöbö i ib nagö urön, ragwo ha yad abim röu dumɨn, an nugwön nugwo yadmɨŋa, ‘Nagö nöbö an pɨsaŋ niŋiö niŋön yönölöl aku, akuyöbö almiŋinö,’ rɨmɨŋö,” röŋa. ³⁹ Aliö rɨmɨn, Jisas painjö nugwo yadöŋa, “Nugwo pödpöd rɨmɨn wöhö rim? Nöbö mö ni rɨbyöx nugwön, ib na urön, ap röliḅä akuyöbö bli rɨmɨjõñ aku, mai höuöilon ni mönö gwogwo yadeñ. ⁴⁰ Nöbö mö an höx mɨdölöi akuyöbö, ñiŋ nöbö mö nugub an. ⁴¹ Makwam nugwi! Nöbö mö yönɨmɨm, ñiŋgö Jisas nöbö nuŋ, me rön, röbö un nöliŋ ni möñ aku, God ñiŋgö pi ri aböniŋö,” röŋa.

Ñiŋ mag gwogwo rɨḅ maga rö, rön, nugw ri abõña

(Mat 18:6-9; Luk 17:1-2)

⁴² “Makwam nöbö mö bli hön, halöu ha ni nugw pöi bla, ñiŋgö ap kib mag gwogwo mag aku rɨ yabuŋ, ñiŋ ni uplöbön mag gwogwo rɨmɨjõña. Nöbö mö akuyöbö alɨba rɨmɨjõñ aku, höd riŋ dib i göliöda aku niŋiö nag niŋ gö niŋön, pön du ban yuö diba aböyɨx aku waiö. Jɨ kömö mɨdön, aliö mag gwogwo rɨmɨjõñ aku, mi ödöriö öliŋ höb diba pönɨŋö,” röŋa.

⁴³ Jisas aliö rön yadöŋa, “Imag i ran, ñiŋ ap kib mag gwogwo rɨba rɨmɨdöi aku, inɨlö adaku römaxdör abɨŋ, inɨlö paŋ adöi ör mɨjõna.

9:40: Mat 12:30; Luk 11:23

9:41: Mat 10:42

9:43: Mat

5:30

Akuyöbö alön, ap kib mag gwogwo akuyöbö reñ aku, kömö diöña. Makwam imag hogwa mösör mīdan, mag gwogwo rön, mögöriḅ rīn öim yönḡd yöra diöña. ⁴⁴ Mögöriḅ aku, ‘ñigö meja öim nölan ḡd ḡrön, rīna yön gör ḡjōna.’

⁴⁵ “Yampilö aku algör. Yampilö i ran, ñiḡ ap kib mag gwogwo rība rīḡdöi aku, yampilö adaku römaxdör abīḡ, yampilö paḡ adöi ör ḡjōna. Akuyöbö alön, ap kib mag gwogwo akuyöbö reñ aku, kömö diöña. Makwam yödpilö hogwa mösör mīdan, ñiḡ mag gwogwo rīḡ, ñigö mögöriḅ rīn hör yönḡd möl bö aban, öliḡ höḅ diba pōña.

⁴⁶ Mögöriḅ aku, ‘ñigö meja öim nölan ḡd ḡrön, rīna yön gör ḡjōna.’

⁴⁷ Mämäg aku algör. Mämäg i ran, ñiḡ ap kib mag gwogwo rība rīḡdöi aku, mämäg pilö adaku pīn gul rī abīḡ, mämäg paḡ adöi ör ḡjōna. Akuyöbö alön, ap kib mag gwogwo akuyöbö reñ aku, God mögöriḅ nuḡ sö diöña. Makwam mämäg hogwa mösör mīdan, ñiḡ mag gwogwo rīḡ, ñigö mögöriḅ rīn hör yönḡd möl bö aban, öliḡ höḅ diba pōña. ⁴⁸ Mögöriḅ aku, ‘ñigö meja öim nölan ḡd ḡrön, rīna yön gör ḡjōna.’

⁴⁹ “Höḡñan uña bī urīḡ yönön usö wä ñigön mag akuyöbö, God nuḡ ñigö nöbö mö magalḡ mag aliö akuyöbö cōna.

⁵⁰ “Usö sol ap id wä ödöriö aku, jī usö id nuḡ aku pal mag duan, pödpödiö rön rīḡ, yöra usö

id yõñõn? Aku makwam, ñiη nõbö mö usö id akuyöbö röxg mïdõn, nõbö mö bli madmag nïgõn, pïsaη tar mïjne,” röηa.

10

*“Mö yad abïb mönõ wõhö?” rïmä
(Mat 19:1-12; Luk 16:18)*

¹ Jisas Kapaneam rëbëxõn, mögöriþ Judia mibiþ piaku duõn, du rëbö Jodan möxõn, ir kwo duõηa. Nõbö mö piaku nugwõn, hö mögum rïmïdïm nugwõn nuη õim rïg rïmïd akuyöbö ñïgõ mönõ yad nölõηa.

² Perisi nõbö bli, Jisas pëdi yajõniηõ, rön, hön nugwo yad nugwõn yadmä, “Lo mönõ kaiyöbö mïd? Nõbö piaku mö pön, yad abnëb, yad abõñiηõnõ owa?” rïmä. ³ Aliõ rïmïdmïn, Jisas yadõηa, “Mosï God Mönõ kai kitõn, ñïgõ mönõ kai yadõη?” röηa. ⁴ Aliõ rïmïn yadmä, “Mosï yadõηa, ‘Mö yad abnëb, ‘Nagö yad abmïdlö,’ rön, köp mea i kai kitõn nugwo nölõn, yad abïb, me rö,” rïmä. ⁵ Aliõ rïmïn, Jisas yadõηa, “Ñïgõ mi yadmïdõi aku, jï maduar God nuη nõbö aiõñiηõ, rön, rïbyõx nugwölõη. Mosï ñïgõ God mönõ yad nölmiη, ñiη rïmgör pölõi aku, nuη lo mönõ aku kai kitõηa. ⁶ Makwam God mögöriþ maduar ib hör i rï nïgõη wop aku, nõbö rï nïgõn, mö rï nïgõn, röηa. ⁷ Adaku mï, nõbö piaku nuõ nuõm nõbö pïsaη mïdõn, du mö pön, ñïgõ rëbëxõn, ⁸ ñiη mönëbö hogwa nïgiõ nïgõn höliηmiη nugugïrön mïxiñ panyöbö i nïgõna. Mai

10:4: Diut 24:1-4; Mat 5:31

10:6: Jen 1:27; 5:2

10:7: Jen

2:24; Epes 5:31-33

hör+rör m+ideñ wöhö, n+giö n+gön pañör m+jöña.
 9 God yadm+in, nöbö mö pön m+x+ñ pañyöbö n+gön
 aku, nöbö bli du ñ+gö yadön pal kitu hör+rör
 n+geñ+ñö,” röña. 10 Aliö rön, nöbö nuñ bla p+sañ
 höuöil ram möl yuadö duön, Jisas nugwo mönö
 adaku iswob yad nugumä. 11 Jisas yadöña, “Nöbö
 i mö pön, yad abön, du mö yonjyöbö pön aku, God
 mämäg il yöra, nuñ mö kib p+ñ nöbö. 12 Mö aku,
 algör ör, nöbö pön, röböxön du nöbö yonjyöbö pön
 aku, nuñ nöbö kib p+ñ mö,” me röña.

*Jisas halöu ha ulul bla ñ+gö p+ wob girön, imag
 nuñwa yöcmac ñ+ña rol sö n+göña
 (Mat 19:13-15; Luk 18:15-17)*

13 Nöbö mö bli, Jisas halöu ha an bla p+ nugwan,
 me rön, pön hömä, j+ nöbö nuñ akuyöbö ñ+gö
 yadyöxmä. 14 Alm+d+m, Jisas nugum, ölsö wöl+m,
 yadöña, “Halöu ha ulul bla röböx+ñ, n+ pöl höñ.
 God mögöri+b aku halöu ha ulul aliö akuyöbö röxg
 m+döia. 15 N+ ñ+gö mi yadm+dla, nöbö mö piaku,
 halöu ha ulul bla God mögöri+b adöx yöd röul adö
 kau sö mönö aku nugw pöi mag akuyöbö ñ+ñ kwo
 nugw peñ aku, God mögöri+b nuñ sö dueñ+ñö,”
 röña. 16 Aliö rön, halöu ha ulul bla ñ+gö p+ wob
 girön, imag nuñwa yöcmac ñ+ña rol sö n+gön
 yadöña, “God ñ+gö nugwid+x m+dañ,” me röña.

*Nöbö ap m+ga m+döñ i
 (Mat 19:16-22; Luk 18:18-23)*

17 Makwam Jisas dum+in nugug+rön, nöbö i
 ipalip hön, Jisas m+döñ il yöra höxmax yuön,
 yadöña, “Mönö yad nöli+b nöbö wä! N+ pödpöd

rön öim m+id+ib maga p+n?” rönja. ¹⁸ Aliö r+m+n, Jisas yadöŋa, “N+ pödpöd r+m+n, ‘Nöbö wä,’ me r+lö? Nöbö mö i wä m+idölöi; God paŋyöbö akwör wä m+ida. ¹⁹ Makwam nagö God lo mönö aku nugulö: ‘Nöbäpö p+lm+jeñ; mö kib nöbö kib r+m+jeñ; ap kib p+m+jeñ; mönö diba yadön inakmönö hörm+jeñ; inakmönö hörön nöbö mö bli ap ñ+ŋ bla röul ab p+m+jeñ; nauö nam yönö r+g yajön mag algör rön mai c+ne,’ ” rönja.

²⁰ Jisas aliö r+m+n, nöbö aku Jisas nugwo yadöŋa, “Mönö yad nöli+b nöbö. N+ ha ulm+dö akwör m+idön, lo mönö piaku magal+g nugu g+rön m+dlö,” rönja. ²¹ Aliö r+m+n, Jisas nugwo nugwön, madmag n+gön, yadöŋa, “Nagö ap paŋyöbö iör röiö. Nagö duön, ap nagö pödpödiö m+id akuyöbö s+m r+, r+g pön, nöbö mö ap m+idöl akuyöbö ñ+gö nölö. Akuyöbö ainö aku, ap wä naŋ aku m+jön God mögöri+b adöx yöd röul adö kau sö. R+g yad+il akuyöbö rön, han, n+ p+saŋ yönm+id+ŋö,” rönja. ²² Jisas aliö r+m+n, nöbö aku ap nuŋwa m+ga m+idöŋ makwam, l+ib p+lm+, r+ib diba yöx nugu g+rön duöŋa. ²³ Jisas nöbö nuŋ akuyöbö ñ+gö nugw yön pörön yadöŋa, “Nöbö mö ap m+ga m+jön akuyöbö m+ŋi r+ öliöxön God nöbö mö nuŋwa m+id+ŋ, ñ+gö pön ram nuŋ sö nugwid+x m+jön+ŋö,” rönja. ²⁴ Aliö r+m+n, nöbö nuŋ bla mönö aku nugwön, r+ib m+ga yöxm+id+m nugug+rön, Jisas ñ+gö iswob yadöŋa, “Halöu ha n+ k+iyöbö, mönö yadm+id+il k+ nugwi. God mögöri+b sö m+ŋi r+ öliöxön dub maga m+ida! ²⁵ Hön kamel i kai mauöla nag aböi möla dinöb diöna, j+ nöbö mö

köme ulnöu rɨg ap piaku mɨga mɨd akuyöbö, God mögöriɓ nuɨ sô mɨɨi rɨ öliöxön diöñiɨjô,” röŋa.

²⁶ Jisas aliö rɨmɨn, nöbö nuɨ bla aiö waiö rön, painjö yad nugwob nugwob rön yadmä, “Aku makwaim, yönɨm öim mɨdɨɓ maga pön?” rɨmä. ²⁷ Aliö rɨmɨn, Jisas ñigö nugu gɨrön yadöŋa, “Nöbö mö ñiɨ keir rɨɓ maga mɨdöl; God nuɨwör agap apɨm cɨnöb, paɨ rɨɓ akwör mɨdö,” röŋa. ²⁸ Makwam Pita Jisas nugwo yadöŋa, “Mɨ! An nagö pɨsaɨ yön gɨrön, ap an bla magalɨg röböxöliɨjô,” röŋa.

²⁹ Aliö rɨmɨn, Jisas yadöŋa, “Nɨ ñigö mi yadmɨdla, nöbö mö nɨ rɨbyöx nugwön, mönö wä na mabö aku rɨɓa, mögöriɓ ñiɨŋa röböxön, nɨmam nölöunɨɨ ñiɨ bla röböxön, nuö nuöm ñiɨ bla röböxön, halöu ha ñiɨ bla röböxön, mabö rɨɓ ñiɨ bla röböxön, mabö na rɨmɨjön aku, ³⁰ God ñigö pɨ ösös rɨ ri aböna. Ñigö nugwidɨx mɨdaɨ, mögöriɓ rol il kɨ mɨjön wop aku, ram rɨɓ, nɨmam nölöunɨɨ, nuöm, halöu ha, mabö rɨɓa ñiɨŋa mɨ mɨga mɨjöna. Makwam wop bli nöbö mö piaku bli, ñigö nöbö mö nɨ pɨsaɨ mɨdöi aku nugwön, ñigö rɨ gwogwam cöña. Mai God nuɨ ñigö pön mögöriɓ nuɨ sô pön duaɨ, nuɨ pɨsaɨ öim mɨjönä. ³¹ Jɨ nöbö mö wopik höd dumɨdöi piaku, mai mɨga mɨ höglöm adö bö mɨjönä. Makwam nöbö mö wopik mɨ höglöm adö bö mɨdöi piaku, mai mɨga akwör höd dumɨjönɨjô,” röŋa.

*Jisas iswob, “Wöröxön öbinö,” röŋa
(Mat 20:17-19; Luk 18:31-34)*

³² Makwam ñiŋ Jerusalem du giŋrön, Jisas höd dumɪn, nöbö nuŋ bla mai duön, riɓ miŋ miŋa yöx nugu giŋrön dumɪdmɪn nugwön nöbö mö mai hömɪdim piaku nugwön ipöxmä. Jisas nöbö nuŋwa akuyöbö möl sö piaku ñiŋgör yöliŋön, riɓ piaku duön, ap agapɪm nugwo riɓa röŋ aku ñiŋgö iswob yad nölöŋa. ³³ Jisas yadöŋa, “An Jerusalem duŋ nugugiŋrön, nöbö i Nöbö Ha nuŋwa nugwo höuöu ri pön du, God ap höjöpäl ur nöliɓ nöbö dib bla aipam, lo mönö yad nöliɓ nöbö bla aipam imag ñiŋgö niŋaŋ, nugwo mönö diba yadön, ‘Nöbö ki nugwo piɓ pal niŋgiɓ,’ me rön, piɓ Juda nöbö yöi akuyöbö ñiŋ nöiöña. ³⁴ Nöliŋ, nugwo yad höimöuön, höpöl piɓlön, naga piɓ palön, pön du aŋadö piɓ pal niŋ giŋ wöröxöna. Makwam wop mös miɓdön, wop paŋ aku höbkal öbiönŋö,” röŋa.

Jems Jon yöŋö nöbö diba miɓiŋö, rön riɓyöx nugumä

(Mat 20:20-28)

³⁵ Sebedi ha nuŋ hogwa, Jems Jon yöŋö hön Jisas nugwo yadmä, “Mönö yad nöliɓ nöbö, an nöbö hogwa nagö mönö i yad nugwiŋ, naŋ yöwö ciŋö aku ri abnaŋö,” riɓmä. ³⁶ Aliö riɓmiŋ, Jisas ñiŋgö yadöŋa, “Ñiŋ ni yad nuguba riɓmiɓdöi aku, ni ñiŋgö pödpöd ciŋö?” röŋa. ³⁷ Aliö riɓmiŋ yadmä, “Mai nagö mil mag wä aliŋ miɓdön, mögöriɓ magaliŋ kiŋ röxg nugwidix miɓiŋnö wop aku, anŋ nöbö hogwa, nöbö i piɓ imag miɓriɓ adö niŋgön, nöbö i piɓ imag cökö adö niŋaŋ, römiɓ gi miɓiŋö,” riɓmä. ³⁸ Aliö riɓmiŋ, Jisas yadöŋa, “Ñiŋ hödpig nöbö

hogwa, nugw ri abön yadmïdölöi. Rëbö acıxa nı nımıba rımıdıl aku, ñıñ nëbö hogwa algör nımöñıñöd? Nı rëbö yaxın aku, ñıñ nëbö hogwa algör yaxöñıñöd?” rëña. ³⁹ Jisas aliö rımın, yadmä, “Yöwö, ainıñö,” rımä. Aliö rımın, Jisas yadöña, “Mi yadmıdöia. Rëbö acıxa nı nımıba rımıdıl aku, ñıñ nëbö hogwa algör nımöña; nı rëbö yaxın aku, ñıñ nëbö hogwa algör yaxöña. ⁴⁰ Jı nëbö kai imag mırıx nı adö mıjön, nëbö kai imag cökö nı adö mıjön, aku nı yadöin; aku Acö ap nuñ; nuñ keir rıbyöx nugw mag akwör cönıñö,” rëña.

⁴¹ Makwam Jisas nëbö nuñ akuyöbö ragpıd sö mönö aku nugumın, ñıñ ölsö wölmın, Jems Jon nëbö hogwa yadyöxmä. ⁴² Akuyöbö almın, Jisas ñıgö magalıg yadım hömıdmın yadöña, “Ñıñ nugwöia, Juda nëbö mö yöi piaku, kın ñıña usüsör rön nugwidıx mıdöia; nëbö dib ñıña mönö kai kai yajöñ aku nugwön anau pön mai diöña. ⁴³ Makwam ñıñ rıg röi mag akuyöbö rımıjeñ. Nëbö kai nëbö diba mıjön aku, nëbö ulmıdö röxg mıdön, nëbö mö bli mabö rı nölıb nëbö röxg mıjöna. ⁴⁴ Nëbö kai nëbö dib ödöriö mıjön aku, nëbö ulmıdö mıdöi röxg mıdön, nëbö mö adö bli ñıgö magalıg nag mabö rı nölıb nëbö i röxg mıjöna. ⁴⁵ Nëbö Ha nuñ aku, nëbö mö akuyöbö ñıñ mabö na rıñ, me rön, hölör; mabö ñıgö rı nölıp dumıdön, mai ap kib mag gwogwo röi rol aku höj rı wöröxmön, nëbö mö mabuö kömö duñ, me rön, hö,” rëña.

Jisas mämäg we wölöŋ nübö i r+im+in, mämäga ix nugwöŋa

(Mat 20:29-34; Luk 18:35-43)

⁴⁶ Jisas nübö nuŋ bla p+isaŋ taun dib Jeriko uröp+inmä. Ñiŋ Jeriko rüböx duba, nübö mö m+iga p+isaŋ dumä. Nübö Timeas ha nuŋwa Batimeas mämäg we wölöŋ aku, r+ig nöine, rön, sö r+ig r+, ödöi kwol yöraku röm+id g+ m+idöŋa. ⁴⁷ Röm+id g+ m+idm+in nugug+rön, “Jisas nübö Nasaret yübö aku höm+idö,” r+im+in nugwön, nuŋ wö rön yadöŋa, “Jisas, Depid Ha nuŋwa, ni ögwö yöxanö!” röŋa.

⁴⁸ Aliö r+im+in, nübö mö akuyöbö nugwo yad g+rön yadmä, “Mönö p+im+j+inö! Dar m+idö!” r+mä. Aliö yadim aku, j+ nuŋ tar m+idölöŋ, aja halön wö diba rön yadöŋa, “Depid Ha nuŋwa, ni ögwö yöxanö!” röŋa. ⁴⁹ Aliö r+im+in, Jisas il yöraku aŋöi n+gön yadöŋa, “Nugwo yad wö r+iŋ, yör+ik haŋ,” me röŋa. Aliö r+im+in, nübö mö akuyöbö nübö mämäg we aku nugwo yadmä, “Jisas nagö yad wö r+im+ida. Öb+lön r+byöx nugu g+ba hö,” r+mä. ⁵⁰ Aliö r+im+idm+in, wöl+iŋ m+ilkap nuŋ aku p+ röd abön, r+imgör ör öb+lön, Jisas m+idöŋ yöra duöŋa. ⁵¹ Dum+id+im, Jisas nugwo yadöŋa, “Ni pödpöd raŋ, me rön, höm+idlö?” röŋa. Aliö r+im+in, mämäga we wölöŋ nübö aku yadöŋa, “Mönö yad nöl+ib nübö. Mämäg na iswob ix nugunö, rön, höm+idlö,” röŋa. ⁵² Aliö r+im+in, Jisas yadöŋa, “Jisas ni raŋ wä raŋ, me rön, nugw p+lö aku döŋö, nagö wä r+ makwam naŋ duö,” röŋa. Aliö r+im+in nugug+rön, wop akwör mämäga ix nugwön Jisas p+isaŋ duöŋa.

11

*Jisas kin röxg Jerusalem duöŋa
(Mat 21:1-11; Luk 19:28-40; Jon 12:12-19)*

¹ Jisas nöbö nuŋ bla pisaŋ dumid dumid Jerusalem womiöx riŋ ri, Olip Pida, ram yöj liglig agrö Betpigi Betani me röi aku uröp+nön, Jisas nöbö nuŋ mös yadön yadöŋa, ² “Mögör+ib möl aku duön nugwöña, hön ha donki maua nöbö mö pön yönölöi i wab+il niŋiŋ m+jöna. Nugwön, yau pön höña. ³ Nöbö mö bli niŋgö pödpöd ri+ba akuyöbö almidöiŋö, rim+d+iŋ, yajöña, ‘Nöbö Diba mabö i rön, yörbö höbkal aban, hön+iŋö,’ cine,” röŋa. ⁴ Aliö rim+n, duön nugum+n, hön ha donki maua ödöi ramixrö ubaliŋ il yöra wab+il niŋim midöŋa. Yaum+n nugugirön, ⁵ nöbö mö il yöroku midim bla yadmä, “Pödpöd ri+ba hön ha donki mau aku yaumidöi?” rimä. ⁶ Aliö rim+n, Jisas riŋ yadöŋ akwör yadm+n, yöwö rim+n, ⁷ hön ha donki mau aku pön Jisas midöŋ yöra hön, wöliŋ m+x+il dib niŋa rödön hön donkia rol sö niŋim, Jisas rola römidön duöŋa. ⁸ Nöbö mö piaku miŋga wöliŋ m+lkap niŋ bla rödön ödöia yödmä; bli bi panö bla p+ gi du rag hö yödmä. ⁹ Akuyöbö alön, nöbö mö nugwo höd duim bla aipam, nugwo mai hem bla aipam, wö diba riŋ ri yadmä, “God ib nuŋwa yadiŋ bi+il sö duanŋ!

Nöbö Diba nöbö nuŋwa abm+n hömid ki;

God nugwo nugwidix ri aböna.

¹⁰ Nöso Depid kin midön, nöbö mö riŋ nugwidix midm+d mag akuyöbö,

nuŋ an paŋ mag aliö akwör rön nugwidix
m+jöna!

God ib nuŋwa yadiŋ bił sö duan!” me ri+mä.

¹¹ Jisas akuyöbö alön, Jerusalem duön, God höjöpali+b ram möla duön, ap akuyöbö nugup yönm+dim, naiö rödi+pm+n nugugi+rön, nöbö nuŋwa akuyöbö möl sö piaku pi+saŋ ram yöj li+li+g agrö Betani dumä.

Bi göj ni+mib i maga yaxölöŋ

(Mat 21:18-19)

¹² Löum yöbö, Betani röböx höbkal ödöi mib+il yöra hö gi+r, Jisas nugwo höböinö pi+löŋa.

¹³ Höböinö pi+l+m, pad irmär nugum+n bi+kaucö i midöŋa. Mag bli yax gi+mid pak e rön, duön nugum+n, maga yaxölöŋ; bi+panö akwör midöŋa. Aku agapi+m: maga ub wop aku wölöŋ. ¹⁴ Alm+n, Jisas bi+aku yadöŋa, “Mai nöbö mö bli mag naŋ aku ni+meñ+iŋö,” röŋa. Nöbö nuŋ bla mönö yadöŋ aku nugumä.

God höjöpali+b rama ap si+maim ri+midim akuyöbö, Jisas ni+gö höju ab+i+m röu dumä

(Mat 21:12-17; Luk 19:45-48; Jon 2:13-22)

¹⁵ Jisas nöbö nuŋ bla yöli+ŋön, Jerusalem duön, God höjöpali+b rama ram möl yuadö duön nugum+n, nöbö mö akuyöbö si+maim ri+gi+rön, ri+g imci+x gi+r midmä. Akuyöbö alm+dim+n, Jisas ri+g imci+xmidim äbäñ wab bla pi+göur abön, yöur rag hö ni+gi+m wob gi+r midim bäpö wab bla pi+göur abön, nöbö mö si+m ri+gi+rön, ap wob gi+rön, ram möl yuadö aku midim bla, ni+gö höju ri+ŋö

bö aböŋa. ¹⁶ Höju r+ŋö bö abön yadöŋa, “Ap bli rag hö God höjöpāl+ b rama r+g kul wob d+d+ b r+g m+ d yuadö k+ hön dum+jeñ+ŋö,” röŋa. ¹⁷ Aliö rön yadöŋa, “God Mönö aku kai kitön yadmä, ‘God yada, “Ram na aku, nöbö mö mögöri+ b piaku piaku magal+g hön, n+ höjöpāl m+jöñ+ŋö,” rö,’ r+mä. Makwam ñ+ŋ akuyöbö alm+dm+n, ap kib p+ b nöbö umad g+ m+ döi ram i röxgö,” röŋa.

¹⁸ Jisas aliö r+m+n, God ap höjöpāl ur nöli+ b nöbö dib bla aipam, lo mönö yad nöli+ b nöbö bla aipam, mönö aku nugwön, nugwo p+ l pal n+gn+ŋö, r+mä. Makwam nöbö mö akuyöbö magal+g mönö nugwo aku nugwön aiö rim aku m+, Jisas nugwo ipöxön, agö mag+m rön nugwo p+ l pal n+gn+ŋö, rön, r+ b aku yöxön hölu nugw m+dmä. ¹⁹ Ruö wad+ xöŋ mag aku, Jisas nöbö nun bla p+ san Jerusalem röböxön dumä.

God nugwo yad nugun+ŋ mag akwör cön+ŋö, rön, r+ b mag paŋyöbö i yöx nugwön yad nugum+ jöñ aku, r+ g yad nugwöñ mag akwör cöna
(Mat 21:20-22)

²⁰ Löum p+ xmag al+g ödöi mib+ l yöra iswob du girön nugum+n, b+ kaucö Jisas yadyöxöŋ b+ aku il al+g aŋadö wöröx g+ m+ döŋa. ²¹ Akuyöbö alm+n nugwön Pita yadöŋa, “Mönö yad nöli+ b nöbö, nugwö! B+ kaucö idöm yadyöxmö b+ römö k+ wöröx g+ m+ dö!” röŋa. ²² Aliö r+m+n, Jisas yadöŋa, “God nugw pi. ²³ N+ ñ+ gö mi yadm+ dla, God nugwo yad nugun+ŋ mag akwör cön+ŋö, rön, r+ b mös yöxeñ, r+ b mag paŋyöbö iör yöx nugwön,

11:17: Ais 56:7; Jer 7:11
17:20

11:18: Mak 14:1

11:23: Mat

önöŋ ajmag ki, ‘Wöd du ban yuö mibił yörkwo bürö,’ cöñ aku, riğ yad nugwöñ mag akwör cöna. ²⁴ Aku agapim, God nugwo riğ yad nuguniŋ mag akwör cöniŋö, rön, riğ mag paŋyöbö iör yöx nugwön yad nugumiŋöñ aku, riğ yad nugwöñ mag akwör cöna. ²⁵ Makwam God höjöpainöb rön, nöbö mö bli ñiğö riğ gwogwam röi ap piaku nugwön röböxiŋ, Nuö ñiŋa adöx yöd röul adö kau sö mið aku, ap kib mag gwogwo ñiŋ röi ap piaku algör ör nugwön röböxöna. ²⁶ Makwam nöbö mö bli ñiğö riğ gwogwam röi ap piaku nugwön röböxeñ aku, Nuö ñiŋa adöx yöd röul adö kau sö mið aku, ap kib mag gwogwo ñiŋ röi ap piaku algör ör nugwön röböxenim.

*Jisas nugwo yadmä, “Nagö yönim mag akuyöbö rane, rim, nugwön aliğ yönmiðlö?” rima
(Mat 21:23-27; Luk 20:1-8)*

²⁷ Makwam Jisas nöbö nuŋ bla piŋaŋ höuöil Jerusalem höröpönön, nuŋ God höjöpaliğ rama ram möl yuadö bla riğ yönmiðim nugugiŋrön, God ap höjöpaliğ ur nöliğ nöbö diğ piaku aipam, lö mönö yad nöliğ nöbö piaku aipam, mönö piğ nuöm niğiğ nöbö piaku aipam, Jisas miðöŋ yöra hön yadmä, ²⁸ “Nagö yönim mag akuyöbö rane, rim, nugwön aliğ yönmiðlö?” rima. ²⁹ Aliö rimiŋ, Jisas piŋö yadöŋa, “Niğ ñiğö mönö i yad nugumön, niğ yad nölm-iŋöñ aku, niğ piŋö niğ yönim yadmiŋ riğ yönmiðil aku, ñiğö yad nöina. ³⁰ Jon nöbö mö akuyöbö ñiğö röbö pal nölöŋ aku, God yadim röbö pal nölöŋ mönö riğ nuŋwa keir yöx

nugwön röbö pal nölöŋ? Nɪ yad nölɪŋ nugunöm!” röŋa.

³¹ Jisas aliö rɪmɪn, ñɪŋ keir yad nugwob nugwob rön yadmä, “An yajnɪŋa, ‘God yadɪm, Jon nöbö mö akuyöbö ñɪgö röbö pal nölö,’ cɪnɪŋ aku, an yajöna, ‘Aku makwaim, pödpöd rɪmɪn Jon mönö nuŋ aku nugw pölöiŋönö?’ cöna.

³² Makwam an yajnɪŋa, ‘Jon rɪb nuŋwa keir yöx nugwön ñɪgö röbö pal nölö,’ cɪnɪŋ aku, an pödpöd cöñɪŋö?” rɪmä. Aku agapɪm: nöbö mö akuyöbö magalɪg, God yadɪm Jon mabö nuŋwa rɪmɪdö, rön nugumɪdöi makwam, Juda nöbö dib piaku ipöxön mönö hör i yadölim. ³³ Rɪb aku yöxön yadmä, “An nugwölölɪŋö,” rɪmä. Aliö rɪmɪn, Jisas ñɪgö painjö yadöŋa, “Ñɪŋ nɪ yad nölölöi aku, nɪ yönɪm yadɪm rɪp yönmɪdɪl aku, ñɪgö algör yad nölöinö,” röŋa.

12

Juda ada God nöbö nuŋ akuyöbö rɪ gwogwam röiŋö, röŋa

(Mat 21:33-46; Luk 20:9-19)

¹ Jisas nuŋ ñɪgö mönö adö i höd röxön yadöŋa, “Nöbö i kul wobön, nag wain mabö rɪ yuön, wain maga pal caku rɪb, me rön, möl i rɪ nɪg ri aböna. Nöbö mö hön nag maga kib pöñam aku nugugu mɪdɪŋ, me rön, rama mɪ bɪl sö ur nɪgön, nöbö bli yajöna, ‘Ñɪŋ nag wain möriwö na aku nugwidɪx mɪdɪŋ, mai mag yaxön göj waŋ, nɪ bli, ñɪŋ bli pɪnö,’ rön, mögöriɪb pad piaku diöna. ² Wain maga göj yön mag aku, nöbö nuŋ i yad abön yajöna, ‘Wain mag na bli nölɪŋ rag hanel!’ cöna.

³ Yadaṅ, uröpinaṅ, nöbö mabö r+m+jöñ piaku, nugwo p+ palm+id palm+id n+gön, hör yad aböña.

⁴ Akuyöbö al+ṅ, nöbö wain möriwö m+nöbö aku nöbö i piöñö yad aböna. Duanṅ, nugwo yöcmac sö palön, r+ gwogwam cöña. ⁵ Akuyöbö al+ṅ,

nöbö wain möriwö m+nöbö aku, nöbö i piöñö yad abanṅ duanṅ, nugwo aṅadö p+l pal n+göña.

Nöbö bli m+ga akwör yad abanṅ, mag akuyöbö akwör r+ g+rön, bli m+ göj paiöña, bli aṅadö p+l pal n+göña. ⁶ Akuyöbö al+ṅ al+ṅ aku, nöbö wain

möriwö m+nöbö aku nöbö nuṅ i m+den+m; ha madmag yöbö nuṅ paṅyöbö m+jön aku, mönö nuṅ aku yöxöñ+ṅö, rön, yad abanṅ diöna. ⁷ Makwam

uröpinaṅ, nöbö mö wain mabö r+m+jöñ piaku nugwo nugwön yajöña, ‘Hö ha k+, nöbö wain

möriwö m+nöbö aku ha nuṅwa ha. Aku makwam, nugwo p+l pal n+gn+m me, ap nuṅ p+ba röxg+ḅ

piaku an p+n+ṅö,’ cöña. ⁸ Aliö rön, ha aku nugwo m+ aṅadö p+l pal n+gön, pön du r+ṅadö piaku

aböña. ⁹ Akuyöbö alm+di+ṅ, nöbö wain möriwö m+nöbö aku hön, pödpöd cön? Nuṅ hön, nöbö

mö wain mabö r+m+jöñ piaku n+gö p+l pal n+gön, nöbö mö bli piöñö yöra yadaṅ, wain möriwö aku

nugwid+x m+jöñ+ṅö,” röṅa.

¹⁰ Jisas aliö rön n+gö yadöṅa, “N+ṅ God Mönö kai k+ṅtön yadim um m+ṅi nugwölöiṅdö? God Mönö

um aku kai k+ṅtön yadmä,

‘Nöbö ram ur+ḅ bla r+g m+x+l röböxim aku,

r+g akwör weik ram padö mib+l yöbö bö aku

p+n nöl g+ m+da.

¹¹ Nöbö Dib akuyöbö alöṅ aku,

an nugwön ri abö rîmîdölîñö, röiñö,” röña.

¹² Jisas aliö rîmîñ, God ap höjöpäl ur nölîb nübö dib bla aipam, lo mönö yad nölîb nübö bla aipam, mönö pî nuöm nîgîb nübö bla aipam, anîñör yadmîdö, rön, nugwo pîñö, rön nugwim aku, jî ñîñ nübö mö piaku ipöxiö nîg duön rëbëxmä.

*“Takis nölîb mönö nölölîbîm?” me rîmä
(Mat 22:15-22; Luk 20:20-26)*

¹³ Makwam mai Juda nübö dib piaku, Perisi nübö bli pîsañ, Herod nübö nuñ bli pîsañ ñîgö yadmä, “Ñîñ Jisas mîd yöra duön, nugwo mönö bli yad nugwîñ, nuñ agö mönö gwogwam yadmîdan, nugwo pön du nag nîgnîñö,” rîmä.

¹⁴ Aliö rîmîdmîñ, Jisas mîdöñ yöra duön yadmä, “Mönö yad nölîb nübö. An nugumîñ nagö nübö mî ödöriö akwör yadlö. Nübö mö dib bla aipam, nübö mö hör bla aipam, ñîñ nugwön ipöxiö. God rîg yad akwör nugwön, nübö mö ñîgö paxdöriö yad nöilö. Aku makwam, anîñ yad nölö! An Juda nübö mö lo bla pödiö mîd? Gapman nübö dib Sisa aku nugwo takisa nölîb mönö nölölîbîm?” rîmä.

¹⁵ Aliö rîmîñ, Jisas inakmönö hörön yadmîdim aku nugwön yadöña, “Pödpöd rîmîñ, mönö gwogwam yadan, me rön, nî mönö inakmönö aku hörmîdoi? Rîg mag i pön höñ, nî nugunöm,” röña.

¹⁶ Aliö rîmîñ, rîg mag i rag hö nölmîñ nugwön yadöña, “Rîg höñ aku, nübö kai hanaj mämäg yuö mîdîm, yönîm ib aku mîd?” röña. Aliö rîmîñ, yadmä, “Nübö dib Sisa aku pal,” me rîmä. ¹⁷ Aliö rîmîñ, Jisas yadöña, “Sisa apa mîjön aku Sisa nuñwör nöiöña; God apa mîjön aku God nuñwör

nöiöñiñö,” röŋa. Aliö rön, inakmönö hörim mönö höjil ñiñ aku röb mögö ñixön aku nugwön, aiö rima.

Nöbö mö wöroxön öbiöña
(*Mat 22:23-33; Luk 20:27-40*)

¹⁸ Sadiusi nöbö mö akuyöbö, nöbö mö wöroxön öbiöñiñö, rön, nugumidöi akuyöbö, bli Jisas midön yöra hön yadmä, ¹⁹ “Mönö yad nölib nöbö. God mönö yadib nöbö Mosis, mönö i an kai kitön yadöŋa, ‘Nöbö i mö pön, ha yöxen wöhö, hör wöroxön aku, pigniñ nuñ i piönjö mö wösrö aku pön, nöböhöd wöroxön aku halöu ha nuñ aku, me rön, yöxonñö,’ röŋa. ²⁰ Aku makwam, nöbö ila aliğ akuyöbö mij sö mijöña. Nöbö höda mö pön, ha yöxen wöhö, hör wöroxöna. ²¹ Wöroxan, pigniñ nöbö agñiñ riñbyöbö aku piönjö mö aku nugwo pön, algör ha yöxen wöhö, hör wöroxöna. Akuyöbö alan, pigniñ nöbö igwö wölö aku piönjö mö aku pön, algör ha yöxen wöhö, hör wöroxöna. ²² Akuyöbö aliğ dumid dumid, pigniñ nöbö akuyöbö mij sö mö aku pön, ha yöxeñ wöhö, magaliğ mi hör ör wöroxöña. Mai mö aku kwo algör wöroxöna. ²³ Nöbö mö wöroxön öbiöñiñö, riö aku, mö pañyöbö i nöbö nuñwa akuyöbö mij sö niğön aku, mai pigniñ nöbö kai mö nuñwa mijön?” rima.

²⁴ Aliö rimidmin, Jisas yadöŋa, “Ñiñ God Mönö kai kitim aku aipam, God ölisö nuñ aku aipam nugwölöi aku, rib wä yöx nugwölöi. ²⁵ Nöbö mö wöroxöi piaku öbiöñ wop aku, God ejol nuñ bla riğ midöi mag akuyöbö riğ midön, nöbö piaku mö

peñim; mö piaku nöbö peñim. ²⁶ Makwam nöbö mö höbkal öbileñinjö, röi aku, Mosıs rın ulmidö yön gör midöñ haiwo kai kitöñ aku nugwölöi ä? God, bi yönmidöñ mibıl yöra midön Mosıs yadöña, ‘Ebrahim, Aisak, Jekop, God ñinj aku ni midlö,’ röña. ²⁷ Ñinj nugw ri abölön, nöbö mö wöroxöi piaku nugwön, anadö wöroxöinjö, röi aku, ji God nugumın ñinj kömö midöia. Nöbö mö kömö midöi piaku, nuñ God ñigö midö,” röña.

*God lo mönö dib ödöriö aku
(Mat 22:34-40; Luk 10:25-28)*

²⁸ Lo mönö yad nölib nöbö i, Jisas Sadiusi nöbö mö akuyöbö ñigö yad ri abön röñ aku nugwön, hön nugwo yad nugwön yadöña, “Lo ada kai lo dib ödöriö?” röña. ²⁹ Aliö rımın, Jisas yadöña, “Lo dib ödöriö aku, God Mönö aku kai kitön yadmä, ‘Isrel nöbö mö nugwi! Nöbö Dib ana God, nuñ pañyöbö mid akwör Nöbö Diba mıda. ³⁰ Madmag nañ aku magalig, rib nañ aku magalig, ölisö nañ aku magalig pön God Nöbö Dib nañ aku nugwo madmag nigö,’ rımä. ³¹ Mönö dib ödöriö i, God Mönö aku kai kitön yadmä, ‘Nañ nañ keir madmag rig niglö mag akwör, nöbö mö hör akwebö ñigö algön nöñ madmag nigö,’ rımä. Lo mönö bla magalig, lo hogw aku lo dib ödöriö hogwa midö,” röña. ³² Jisas aliö rımın, lo mönö yad nölib nöbö aku yadöña, “Mönö yad nölib nöbö. Nagö mi ödöriö yadlö, God pañyöbö aku Nöbö Dib akwör mıda; nuñ röxgib nöbö bli midölöi. ³³ An God ap pal höjöpäl ur nöininjönö ap pal

12:26: Eks 3:2,6

12:28: Luk 10:25-28

12:29: Diut 6:4-5

12:31: Lep 19:18

12:33: 1Sam 15:22; Hos 6:6

höjöpäl ur nölön aṇadö winiṇ, aku ap dib yöi. Ap dib ödöriö aku, madmag an aku magaliḡ, riḡ an aku magaliḡ, ölsö an aku magaliḡ pön God Nöbö Dib akwör nugwo madmag niḡön; an an keir madmag riḡ niḡöl mag akwör, nöbö mö hör akwebö ñiḡö algön nör madmag niḡniṇö,” röṇa. ³⁴ Aliö riḡniṇ, Jisas nöbö aku, nuṇ riḡbyöx nugw ri abön yadö, rön, nugwo yadöṇa, “Nagö God nöbö nuṇ i miḡdiba röxlaṇö,” röṇa. Jisas painö mönö mi ödöriö bla akwör yadmiḡ aku nugwön, nöbö mö nugugu miḡdim akuyöbö ipöxön, mai mönö inakmönö hörmidöi akuyöbö bli kwo nugwo yad nugwölim.

Krais nuṇ agö nöböm?

(Mat 22:41-46; Luk 20:41-44)

³⁵ Jisas nuṇ God höjöpäliḡ rama miḡdön, nöbö mö akuyöbö ñiḡö mönö yad nöl giḡ miḡdön, nöbö mö akuyöbö ñiḡö yadöṇa, “Lo mönö yad nölḡ nöbö piaku pödpöd riḡniṇ yadöi, ‘Krais aku nuṇ Depid ha nuṇwör,’ me röi? ³⁶ Inöm Leia, Depid nugwo riḡbyöx nölmḡniṇ, Depid nuṇ keir kai kiṭön yadöṇa,

‘Nöbö Diba nuṇ Nöbö Dib na aku nugwo yadöṇa, “Nagö imag miḡriḡ na ada miḡdan,

ni nöbö mö kwolmal nagö piaku ñiḡö pön yödpilö mo naṇ aku niḡniṇö,” rö,’ röṇa.

³⁷ Makwam, Depid nuṇ keir Krais nugwo ‘Nöbö Dib ni’ me röṇa. Makwam Krais Depid ha nuṇwa miḡdöx aku, nugwo ‘Nöbö Dib ni’ me rölöx,” me röṇa. Jisas mönö il aliö nugwön yad ri abön

aku, nöbö mö mīga ödöriö mīdim akuyöbö mönö nugwo aku mī wahax pön nugumä.

Lo mönö yad nölib nöbö piaku rīg röi mag akuyöbö rīmījeñījō, röŋa

(Mat 23:1-36; Luk 11:37-54; 20:4)

³⁸ Jisas nöbö mö akuyöbö ñīgō mönö yad nölib gīrön yadōŋa, “Ñīgō lo mönö yad nölib nöbö bla ñīgō nugw ri abōña. Ñīŋ rīg röi adaku, wölīj mīxīl dib bla röbön, sīmaim rīmīdöi akuyöbö duŋ, nöbö mö piaku, ñīŋ hōmīdöiŋ e, rīŋ, ib ana kī bīl sō mīdaŋ, me rön, rībyöx nugwöia.

³⁹ Makwam Juda mögum rīb ram aku duŋ, anīŋ yör wä wä nöbö dib rōmīdöi hogw rol aku rōmījīnō, rīŋ, me rön, rīb aku yōx nugwöia. Nöbö mö ap diba nīmōi mībīl aku algör ör, nöbö mö māmāg il rol yōra rōmīdīŋ, an nugwön, an nöbö rīb iba mīdō, rīŋ, me rön, rīb aku yōx nugwöia. ⁴⁰ Lo mönö yad nölib nöbö akuyöbö, mö wösrō rama ap ñīŋ bla ap an aliö nīgaŋ, me rön, hōlu ab pōia. God hōjōpalön cīnīŋ aku, nöbö mö nugwōñījō, rön, hör mönö mīxīla inakmönō hörön adō bli hör yadōia. Akuyöbö alōi aku, mai God ñīŋa mī öliŋ hōb diba pī nöiönījō,” röŋa.

Lap wösrō liblib röŋ mīda nuŋ God ap diba nölöŋa

(Luk 21:1-4)

⁴¹ Jisas God hōjōpalīb rama rīg rag hō nölmīdöi möl il yōra rōmīd gī mīdön nugumīn, nöbö mö piaku rīga rag hō abmīdmä. Nöbö mö rīb bla rīg mīga akwör rag hō abmä. ⁴² Jī lap wösrō rīg mīdölōŋ i, rīg paskwolö mag ulul mös rag

hö aböŋa. ⁴³ Akuyöbö alm+in nugwön, Jisas nuŋ nöbö nuŋ piaku yadm+in höm+in yadöŋa, “N+ ñigö m+ ödöriö yadm+dla, nöbö mö akuyöbö ñ+ŋ r+g ulm+dö nölöia, j+ lap wösrö k+ r+g diba nöla. ⁴⁴ Aku agap+m: nöbö mö r+g m+ga m+d akuyöbö, r+g ap ñ+ŋa m+ga akwör m+dm+in nugug+rön, r+g um bli ör rag hö God nölöia; j+ lap wösrö k+, r+g nuŋwa mag mösör m+dam magal+g rag hö nöla. Nuŋ ap wob n+m+ib r+g i m+döl. Akuyöbö al aku, God nugum, nöbö mö bli ulm+dö nölöi aku, j+ lap wösrö k+ r+g diba nölo,” röŋa.

13

God höjöpaliþ rama hajalöñ+ŋö, röŋa
(Mat 24:1-2; Luk 21:5-6)

¹ Jisas God höjöpaliþ ram aku röböxön r+ŋadö dum+in nugug+rön, nöbö nuŋ i nugwo yadöŋa, “Mönö yad nöliþ nöbö. R+g wä pön, ram wä urim k+ nugwö!” röŋa. ² Aliö r+m+in, Jisas yadöŋa, “Naŋ r+g ram dib aku nuguman, wä r+m+in yadm+dlanö ä? Mai ram k+ pal g+li+x ab g+li+x r+ ab+ŋ, r+g i, r+g i rola m+iden+m; aŋadö pal g+li+x aböñ+ŋö,” röŋa.

Ömörö ragön öliöx m+jöñ+ŋö, röŋa
(Mat 24:3-14; Luk 21:7-19)

³ Jisas aliö rön, God höjöpaliþ ram aku röböxön, Olip P+da duöŋa. God höjöpaliþ ram aku önöŋ adokwo m+da, Olip P+da önöŋ adök m+da. Jisas Olip P+da röm+d g+ m+dm+in nugug+rön, Pita, Jon, Jems, Edru yam aku ñ+ŋ hön nugwo yadmä, ⁴ “Yadlö mag aku wop kaiyöbö cön? Makwam

mag pödiöm akuyöbö alan nugwön yajniḡ, ‘Mag adaku weik riḡba riḡdö,’ ciḡniḡ?’ riḡmä. ⁵ Aliö riḡmḡn, Jisas ḡḡḡö yadöḡa, “Nugw ri abön inakmönö hörḡḡ yöxmḡjeḡ! ⁶ Nöbö mö mḡga akwör hön, inakmönö hörön, ib na aku pön yajöḡa, ‘Ni Jisas ör hömḡdlö,’ cöḡa. Aliö riḡḡ, nöbö mö mḡga, mi yadmḡdöḡḡö, rön, ḡḡḡö mai diöḡa. ⁷ ‘Mögörḡb kḡyöbö nuö nuö pḡlmḡdöḡa, mögörḡb piaku nuö nuö pḡlmḡdöḡḡö,’ riḡmḡdḡḡ, riḡb mḡga yöx nugumḡjeḡ. Ap adaku cön aku, jḡ wopik mögörḡb il kḡ ap piaku magalḡḡ yöm cönḡḡö, rön, riḡb aku yöx nugumḡjeḡ. ⁸ Nöbö mö möl bli öbḡlön, nöbö mö möl bli pḡsaḡ nuö nuö pḡlmḡjöḡa. Kiḡ möl bli öbḡlön, kiḡ möl bli pḡsaḡ nuö nuö pḡlmḡjöḡa. Mögörḡb adadö mḡga mḡmön paḡ, kiö diba wöröxmḡjöḡa. Aiön ap piaku, mö piaku ḡḡḡö höd ha niḡmḡmḡn, mai ha yöxöi mag akuyöbö cöḡa. ⁹ Makwam ḡḡḡḡ nugw ri abön mḡjöḡa. Wop bli ḡḡḡö pön du Juda kansol nöbö piaku nöḡḡḡ, mönö diba yajöḡa. Wop bli, Juda mögum riḡb ram möl yuadö bla kaiö pön ḡḡḡö paiöḡa. Wop bli, Jisas nöbö nuḡ, me rön, ḡḡḡö pön du gapman nöbö dib bla aipam kiḡ bla aipam mḡjöḡḡ yöra duön, mönö diba yajöḡa. Makwam aliö pön du mḡjöḡḡ aku, mönö wä na aku gapman nöbö dib piaku aipam, kiḡ piaku aipam yad nöiöḡa. ¹⁰ Makwam höd mönö wä na aku, nöbö mö mögörḡb hör piaku piaku magalḡḡ yad nöḡḡḡ duanḡ nugwön mai yadmḡdḡl wop aku wöxnö niḡgöḡa.

¹¹ “Ni ada mḡjöḡḡ aku nugwön, ḡḡḡö mönö diba yadḡba pön dumḡjöḡḡ aku, mönö painḡö pödi

yajniḡö, rön, riḡ diba yöxmijeñ. Ñiḡ yadiḡa riḡ nugugirön, Inöm Leia ñigö riḡ wä nölan, yajöña. Mönö aku ñiḡ keir yadeñ; Inöm Leia nuḡ keir yajöna. ¹² Wop aku, nöböhöda öbilön, nöböḡiga pḡl pal niḡiḡ, me rön, nugwo höuöu riḡ pön du mönö nugub nöbö piaku iḡsö niḡiḡ, nugwo pḡl pal niḡöña. Nuö nöbö piaku öbilön, halöu ha ñiḡ keir piaku ñigö pḡl pal niḡiḡ, me rön, ñigö höuöu riḡ pön du mönö nugub nöbö piaku iḡsö niḡiḡ, ñiḡ pḡl pal niḡöña. Halöu ha piaku öbilön, nuö nuöm nöbö ñigö nugwiḡ, öliḡsö wölan, ñiḡ pḡl pal niḡiḡ, me rön, ñigö höuöu riḡ pön du mönö nugub nöbö piaku iḡsö niḡiḡ, ñigö pḡl pal niḡöña. ¹³ Niḡ adö miḡjön aku ñigö nugwiḡ, miḡ öliḡsö wöiön aku, jiḡ ñiḡ nöbö mö kai kai, miḡ ususör rön niḡ röböxölön, ciḡriḡ gö niḡön miḡjön piaku, mai yadmiḡdiḡl wop aku wöxnö niḡan, God ñigö kömö pönḡö,” röḡa.

Mai miḡ ap gwogwo ödöriö wöxnö niḡönḡö, röḡa

(Mat 24:15-28; Luk 21:20-24)

¹⁴ “Makwam ap mödön hölul riḡ aku, nuḡ duöliḡ yöra du öbil giḡ miḡdan nugwön aku, ñiḡ nöbö mö mögöriḡ Judia miḡjön akuyöbö, yadkap bör önöḡ ajmag bla diöña. (Ñiḡ nöbö mö mönö kiḡ wopik ör mämag niḡ nugumiḡdöi akuyöbö, mönö il aku röx nugw ri aböña.) ¹⁵ Nöbö mö ram cölöbö sö miḡjön akuyöbö, ap na bli piḡnö, rön, höbkal ram möl yuadö dueñim. ¹⁶ Nöbö mö möriwö riḡ piaku yönmijön akuyöbö, wöliḡ miḡxiḡl na i piḡnö,

13:12: Mat 10:21 **13:13:** Mat 10:22; Jon 15:21 **13:14:** Dan 9:27; 11:31; 12:11 **13:15:** Luk 17:31

rön, höbkal rama dueñim. ¹⁷ Makwam wop aku, mö ha wöta alig mijöñ piaku aipam, mö halöu ha kiaia kau nölmijöñ piaku aipam, am+n bör yön öliöxöña. ¹⁸ Aiön ap aku, God höjöpälön, ruö ij r+ wop aku alölañ, me cöña. ¹⁹ Aku agapim: God maduö ib hör i mögörib k+ r+ nigöñ wop aku ila nigön, midip hön weik midöl wop k+, ap gwogwo akuyöbö i rölön; mai piaku algör ör ap gwogwo akuyöbö i ren. ²⁰ Ap gwogwo aku öim röx aku, nöbö mö magalig wöröx pöröy+xa. J+ Nöbö Diba nuñ pön nöbö mö akuyöbö r+byöx nugwön, wöhö rañ mönö, ap gwogwo aku hör mag ul m+ñi cöna.

²¹ “Wop aku nöbö mö bli ñigö yajöña, ‘Nugwi! Krai yör+k m+da! Krai yörkwo m+da!’ cöñ aku, j+ mi yadm+döinjö, rön nugum+jeñ. ²² Nöbö mö bli, God nuñ keir yad nigöñ nöbö mö akuyöbö ñigö p+n+ñö, rön, inakmönö hörön yajöña, ‘N+ m+ Krai; n+ God mönö yad+b nöbö i,’ me rön, ap röli+bä akuyöbö bli r+mijöña. J+ God nuñ keir yad nigöñ nöbö mö akuyöbö peñ, wöhö. ²³ Makwam, nugw ri aböña. Ap kai kai mai cön aku, n+ ñigö yadmön nugwöi makwam, nugw ri ab g+r mijöña.

Jisas mai höbkal höna

(Mat 24:29-31; Luk 21:25-28)

²⁴ “Makwam ömörö dib piaku r+ pöran nugug+rön, naiö aku p+xmag gurañ, röun aku mil aben. ²⁵ Gupö adöx yöd sebö g+ du p+nañ nugug+rön, ap adöx yöd sö m+d akuyöbö, i r+ b+röb yön bör yön+mijöña. ²⁶ Wop aku, Nöbö Ha

13:17: Luk 23:29 **13:19:** Dan 12:1; Rep 7:14 **13:22:** Rep 13:13 **13:24:** Ais 13:10; Joel 2:10,31; 3:15; Rep 6:12-13 **13:26:** Rep 1:7

nuṅwa öli+sö maga pön, mil wä maga alip m+jöi waba mib+l yöra sö haṅ nugug+rön, nöbö mö nugwo nugwöña. ²⁷ Makwam ejol nuṅ bla yad aban mögöri+b hör b+l adadö piaku piaku magalig duön, nöbö mö nuṅ keir yad ni+gön akuyöbö pön nugwo pöl höña.

Bi yösa ni+göna

(Mat 24:32-35; Luk 21:29-33)

²⁸ Jisas yadöṅa, “Ni+ṅ bi röui bla nugwöñ aku, mönö yadm+d+l ki nugw ri abön ri+m+jöña. Bi röui bla yösa ni+gön, gö ni+gm+n nugug+rön, weik naiö ni+g+ba ri+m+dö, rön nugwöia. ²⁹ Mag akuyöbö, mai ap yadm+d+l akuyöbö ran nugug+rön, ‘Weik womiöx m+da, Jisas yadöṅ mag akuyöbö ri+ba ri+m+dö,’ rön nugwöña. ³⁰ Ni+ ñigö mi yadm+dla, nöbö mö weik m+döi bla bli m+d+iṅ nugug+rön, ap piaku ri+ pöran, mai döṅö wöroxöña. ³¹ Adöx sö aipam, mögöri+b mi+grö ki aipam hölög+pona, ji mönö mag na hölög+pen.

Ni+ wop kai hön aku nöbö i nugwölö, röṅa

(Mat 24:36-44; Luk 17:26-30, 34-36)

³² “Ni+ wop kaim mag kaim hön aku, nöbö mö bli nugwölöi, ejol bla nugwölöi, ni+ Ha aku algör ör nugwöi; Acö nuṅwör nugwa. ³³ Makwam, ni+ wop kaiyöbö hön aku nugwölöi makwam, öim öim nugw ri abön ri+ g+r m+jöña.

³⁴ “Hön wop aku, haiwo aliö ki+yöbö m+da. Nöbö dib i ram nuṅwa röböxön möl i duba rön, nöbö mabö ri+b nuṅ akuyöbö ñigö mabö adö hör+rör yad ni+gön, ‘Mabö al aliö c+ne,’ rön, ubal+j ila

nugwidix midib nobö aku nugwo yajöna, ‘Nugw ri abön midane,’ rön, diöna. ³⁵ Ñigö kwo algör, mag kaiyöbö nobö ram minöbö aku hön makwam nugwölöi aku, nugw ri abön mijöña. Höxi ran mag aku höninönö, pixmag yuö mibil kwo höninönö, kulakul wö cön mag aku höninönö, pixmag alig höninjö, rön, nugwölöi. ³⁶ Ñinj hölminj nugugirön, ringör höb maga ri makwam, nugw ri abön mijöña. ³⁷ Makwam ñigör yadmidoi; ñigö nobö mö magalig yadmidla, nugw ri abön mijne!” röña.

14

Jisas nugwo agö magim rön pil pal nigninjö, rön, rib aku yöx nugumä

(Mat 26:1-5; Luk 22:1-2; Jon 11:45-53)

¹ Makwam Juda ada Pasopa wop dib aku aipam, Bred Is Alig Nimib wop dib aku aipam hör wop mösör midmin nugugirön, God ap höjopal ur nölib nobö dib bla aipam, lo mönö yad nölib nobö bla aipam, Jisas nugwo agö magim rön, tar pi cici nigön, pön du pil pal nigninjö, rön, al girön riblyöx nugumä. ² Makwam rib i yöx nugwön yadmä, “Pasopa wop ki alön rin, nobö mö mig kiyöbö öbilön, nuö nuö rön, an ri gwogwam cöninjö,” rön, röböxmä.

³ Jisas ram yöj liglig agrö Betani duön, Saimon rama du römidön, ap nimmidmä. Nobö Saimon aku, höd uj höpebö nigöñ aku, Jisas rimin wä röña. Makwam ap nimmidmin nugugirön, mö i wel röbö hölinj wä höb rig diba woböi aku, balol

alig pön hön, mibil yöra pal gilixön Jisas yöcmac sö höröŋa. ⁴⁻⁵ Hörim, nöbö midim adaku, bli nugum+n, höbwab ñigö aku gwogwo rim+n, ñiŋ keir yadmä, “Wel aku sim rön, kim paŋyöbö i nöbö i mabö rön rig pön mag akuyöbö aku pön, nöbö mö ap midöl akuyöbö ñigö nölibä aku, ji pödpöd rim+n aliö hör hör rö?” rimä. Aliö rön mö aku nugwo yad höimöumä.

⁶ Aliö rim+dm+n, Jisas ñigö yadöŋa, “Pödpöd rim+n aliö rim+döi? Nugwo röböxi! Ni al aku mag wä ra. ⁷ Nöbö mö ap midöl akuyöbö ñiŋ piŋan öim mijöñ aku, wop bli ñigö ap nöinöb, nöioña. Makwam ni piŋan öim midöin+ŋ. ⁸ Mö ki, ap nuŋ r+ib akuyöbö mödö ra. Wöröxmön, wel röbö höliŋ wä höb aku nig nölön hogw piöñ mag akuyöbö, ni höd nig nölm+da. ⁹ Makwam, ni ñigö mi yadm+da, mai mönö mag wä na mögöri+ib piaku piaku magalig yad nöliŋ duan nugug+rön, nuŋ ri mag aku alig yad+ŋ, ñiŋ mö ki uplöbeñ+ŋö,” röŋa.

Judas, Jisas nugwo p+il pal nig+ŋ, me rön, höuöu röŋa

(Mat 26:14-16; Luk 22:3-6)

¹⁰ Makwam Jisas nöbö nuŋwa i Judas Iskariot, Jisas nugwo höuöu c+nö, rön, God ap höjöp+al ur nölib nöbö dib bla midim yöra duöŋa. ¹¹ God ap höjöp+al ur nölib nöbö dib piaku, Judas nuŋ ñiŋ wöñö u röŋ aku nugwön, wä rim+n, yadmä, “Nagö rig bli nöliŋö,” rimä. Aliö rim+n mönö, Judas, “Pödpöd rön yadmön, ñiŋ hön Jisas nugwo pön diöñ+ŋö,” rön, r+ib aku yöx nugw midöŋa.

*Pasopa wop aku weik, me rön, ap nimimä
(Mat 17:17-25; Luk 22:7-14, 21-23; Jon 13:21-30)*

¹² Bred Is Aliḡ Niḡm+ḡb wop dib aku hōm, Pasopa hōn sipsip asa pal hōjōpal ur niḡm+ḡb wop aku, Jisas nōbō nuḡ bla nugwo yad nugwōn yadmä, “Pasopa ap ana niḡm+ḡn+ḡ aku, möl kai p+ḡd+ḡlin+ḡ?” riḡmä. ¹³ Aliō riḡm+ḡdm+ḡn, Jisas nōbō nuḡ mös yad abōn yadōḡa, “Ñ+ḡ taun dib aku duōn nugwōña, nōbō i rōbō un rag hō dum+ḡjōna; nugwo möigw pōlōn p+ḡsaḡ diōña. ¹⁴ Nōbō aku duōn ram möl yuadō dum+ḡjōna, ñ+ḡ nōbō hogwa ram aku nōbō m+ḡnōbō aku nugwo yad nugwōn yajōña, ‘Mōnō yad nōl+ḡb nōbō yada, “Nōbō niḡ bla p+ḡsaḡ Pasopa ap niḡm+ḡn+ḡ ram möla m+ḡkai?” me c+ḡnō,’ cōña. ¹⁵ Ñ+ḡ yad nugw+ḡ, nuḡ ñ+ḡ pōn du ram b+ḡl yōbō sō, ap bla magaliḡ m+ḡd ram möl diba yabuōna. Yabuauḡ, ap niḡm+ḡb piaku ram möl aku riḡ p+ḡd+ḡlum+ḡj+ḡnō,” rōḡa.

¹⁶ Jisas ñ+ḡ nōbō hogwa aliō rōn yad abm+ḡn, taun dib aku duōn nugum+ḡn, Jisas riḡ yadōḡ mag akwōr riḡ m+ḡdōḡa. Nugwōn, Pasopa ap niḡm+ḡba rim aku riḡ p+ḡd+ḡlumä.

¹⁷ Hōxi rōḡ mag aku, Jisas nōbō nuḡwa akuyōbō möl sō p+ḡsaḡ urōp+ḡnōn, ¹⁸ ap niḡm ḡ+rōn yadōḡa, “Niḡ ñ+ḡḡō mi yadm+ḡdla, nōbō niḡ p+ḡsaḡ ap niḡḡiō paḡōr niḡmm+ḡdōl yōriḡk ör, nōbō i niḡ p+ḡl pal niḡḡ+ḡ, me rōn, niḡ hōuōu cōn+ḡḡō,” rōḡa.

¹⁹ Jisas aliō riḡm+ḡn, nōbō nuḡ bla liḡb p+ḡl+ḡm, riḡb diba yōx nugu ḡ+rōn, nugwo paḡ paḡ yad nugwōn yadmä, “Nagō niḡ yadm+ḡdlanō ä?” riḡmä. ²⁰ Aliō riḡm+ḡn, Jisas yadōḡa, “Ñ+ḡ nōbō na akuyōbō möl

sö mɨdöi aku, nöbö nɨ i mag akuyöbö aiöna. Nöbö aku nɨ pɨsaŋ ap kwosö paŋyöbö i nɨgiö nɨmmɨdöl mɨk. ²¹ Nɨ Nöbö Ha nuŋwa, God Mönö kai kitön riŋ yadim mag akwör wöröxin aku, jɨ nöbö nɨ pɨl pal nɨgɨŋ, me rön, höuöu cön aku, nugwo ögwö yöxmɨdla. Nuŋ öliŋ höb diba pön makwam, nugwo yöx pön hölöxisöŋö aku waiö,” me röŋa.

Jisas nöbö nuŋ bla bred wain nölöŋa

(Mat 26:26-30; Luk 22:14-20; 1Ko 11:23-25)

²² Ap nɨm ɡɨrön, Jisas bred aku pön, God nugwo ri ablaŋe, rön, pɨ ɡɨlɨxön, nöbö nuŋ akuyöbö ñigö nölmɨn ɡɨr yadöŋa, “Pön nɨmi! Aku mɨxɨñ nɨ,” me röŋa.

²³ Makwam röbö wain namag aku algör pön, God nugwo ri ablaŋe, rön, nöbö nuŋ akuyöbö ñigö nölmɨn, magaliŋ nɨmmɨdɨm nugugɨrön, yadöŋa, ²⁴ “Röbö kɨ, hañ nɨ. Hañ na hör pɨñön aku mɨ, God mönö mi yad nɨgöŋ akuyöbö, nöbö mö mɨga akwör pɨ nuŋ pɨsaŋ nɨgiö nɨgönɨŋö,” röŋa.

²⁵ Jisas aliö rön yadöŋa, “Nɨ ñigö mi yadmɨdla, weik wop mɨdö kɨ ila nɨgön röbö waina iswob nɨmöin. Hör ör mɨdmön mɨdmön, God nöbö mö pön adöx yöd röul adö kau sö nugwidɨx mɨjön wop akwör röbö waina iswob nɨmnö,” röŋa. ²⁶ Aliö rön, nöbö nuŋ bla pɨsaŋ God höjöpaliɨ wopal i yadön, Olip Pɨda dumä.

Jisas Pita nugwo yadöŋa, “Nɨ Jisas nugwo nugumɨdöiö,’ rön, wai nöinaŋö,” röŋa

(Mat 26:31-35; Luk 22:31-34; Jon 13:36-38)

²⁷ Jisas nöbö nuŋ bla ñigö yadöŋa, “God Mönö

14:24: Eks 24:8; Jer 31:31-34; Sek 9:11; 1Kor 10:16; Hib 9:20

14:27: Sek 13:7

maga kai kitön yadmä, ‘God nuḡ yadöḡa, “Nî nõbö hön sipsip uröi aku nugwo pal niḡmön, hön sipsip akuyöbö bör piñwañ rî diöñiḡö,” rö,’ rîmä. Makwam, mîd mîdiö ñiḡ magaliḡ ni röböxön bör diöña. ²⁸ Makwam ni wöröxön, öbilön mögöriḡ Galili dumön, ñiḡ mai yöñiḡö,” röḡa. ²⁹ Jisas aliö rîmîḡ, Pita yadöḡa, “Nõbö bli nagö röböxbä maga röia, jî nõr nagö röböxöin, wöhö,” röḡa. ³⁰ Aliö rîmîḡ, Jisas yadöḡa, “Nî nagö mi yadmîdla, weik wop mîdö gör, piḡmag yuö mibiḡ kwo kulakula wop mös wö ren mag aku, ‘Nî Jisas nugwo nugumîdöiö,’ rön, wab mös paḡ wai nöinaḡö,” röḡa.

³¹ Jisas aliö rîmîḡ, Pita mönö ölisö yadön yadöḡa, “Nî nagö piḡsaḡ piḡ pal niḡnõb, piḡ pal niḡiḡ, jî ni Jisas nugwo nugumîdöiö, rön yadöinö,” röḡa. Jisas nõbö nuḡ bla magaliḡ Pita riḡ yadön akwör yadmä.

Jisas nuḡ God höjöpäḡ giḡ mîdöḡa
(*Mat 26:36-46; Luk 22:39-46*)

³² Jisas nõbö nuḡ bla piḡsaḡ biḡ yuö Getsemani duön ñiḡö yadöḡa, “Ñiḡ yöriḡ römîd mîjöña; ni du höjöpäḡba dumîdlö,” röḡa. ³³ Aliö rön, Pita, Jems, Jon nõbö ada yöliḡ pön duön, riḡ diba yöx nugu giḡrön yadöḡa, ³⁴ “Madmag na aku öliḡ piḡip piḡn dum, wöröxiḡ maga ra. Ñiḡ il yöriḡ mîdön nugugu mîjine,” röḡa. ³⁵ Aliö rön, ñiḡö yöroku yad niḡgön, nuḡ hör ör ir kwo duön, mîgrö bö piḡn palön, öliḡ höb diba piḡba rîmîdöḡ aku, Nuö nuḡwa wöhö cönḡjönö wöhö renḡö, rön, höjöpäḡ

14:28: Mat 28:16; Mak 16:7
18:1

14:31: Jon 11:16

14:32: Jon

14:34: Jon 12:27

gír mîdöŋa. ³⁶ Nuö höjöpälön yadöŋa, “Acö, naŋ ap bla magalîg rîb akwör mîda. Ap nî rîba rîmîd aku, nî ömörö diba mîda. Naŋ yöwö raŋ, nî akuyöbö alölaŋ. Makwam ap nî agapîm rîba rîmîjõñ aku, rîb nî yöx nugul mag akuyöbö rölaŋ; rîb naŋ keir yöx nugulö mag akwör nî ranö,” röŋa.

³⁷ Jisas aliö rön, höbkal nöbö nuŋ mös paŋ mîdim yöra hön nugwöŋa, ñîŋ aŋadö inîmö hölîm dumä. Makwam, nuŋ Pita nugwo yadöŋa, “Saimon, pöd rîmîn inîmö hölîmmîdlö? Hör aua ul mîŋi nugugu mîdîbä maga mîdöl ä?” röŋa.

³⁸ Aliö rön, nöbö nuŋ akuyöbö ñîgö yadöŋa, “An mag gwogwo rîb maga rö, rön, nugw ri abön, God höjöpäl gír mîjõña. Rîb mag ñîŋ aku rîb maga ra aku, jî mîxîñ ñîŋa höx rî pînö,” röŋa. ³⁹ Aliö rön, iswob höbkal duön, Nuö höd höjöpälön rîg yadöŋ mag akwör iswob höjöpälön röŋa. ⁴⁰ Makwam iswob höbkal hön nugumîn, nöbö nuŋ bla aŋadö inîmö göj nîgîm hölîm dumä. Nugwön, ñîgö yadöŋa, “Ñîŋ inîmö hölîm mîdöiŋ ä?” röŋa. Aliö rîmîn ñîŋ anau pön, painjö yadîb maga nîgölöŋ.

⁴¹ Makwam Jisas yöudöŋdöŋ duön, höbkal hön iswob inîmö hölîm gî mîdmä aku nugwön yadöŋa, “Ñîŋ hör hölîm gî mîdöiŋ ä? Aku wä ra! Wopa mödö ha. Nugwi! Nöbö i hön, Nöbö Ha nuŋwa wõñö u rön, nöbö ap kib mag gwogwo röi piaku ñîgö nölîba rîmîda. ⁴² Öbîlîŋ dinîm! Nugwi! Nöbö nî wõñö u ra hömîd mîk,” me röŋa.

*Jisas nugwo pi cici nigmä
(Mat 26:47-56; Luk 22:47-53; Jon 18:3-12)*

⁴³ Jisas ñigö mönö aku yadmïn nugugirön, mag akwör, nöbö nuṅwa akuyöbö möl sö i, Judas, nöbö miḡa akwör pön höröpñöṅa. Nöbö adaku, God ap höjöpäl ur nölib nöbö dib bla aipam, lo mönö yad nölib nöbö bla aipam, mönö pi nuöm nigib nöbö bla aipam, yad abim hömä. Ñiṅ yu miḡil ölisö bli kaiö bli pön rag hömä. ⁴⁴ Judas höd ñigö yad nigön yadöṅa, “Ni nöbö i nugwo du yad wahax pön, alguna bimil nimmiḡin aku, nöbö maku, me rön, nugwo pi cici nigön, pön di,” röṅa.

⁴⁵ Judas Jisas midöṅ yöra uröpñön, “Mönö yad nölib nöbö,” me rön, nugwo pi alguna bimilim nugugirön, ⁴⁶ nöbö bli hön, Jisas nugwo pi cici nigmä.

⁴⁷ Jisas pi cici nigim nugugirön, Jisas nöbö nuṅ i öbilön, yu miḡil ölisö nuṅ aku pi pugul pön, God ap höjöpäl ur nölib nöbö dib ödöriö aku mabö ri nölmid nöbö aku, nugwo rimij adöi aṅadö römal cö ḡi aböṅa.

⁴⁸ Makwam Jisas nöbö nugwo pi cici nigim akuyöbö ñigö yadöṅa, “Ñiṅ yu miḡil ölisö pön, kaiö pön, ni ap kib pib nöbö i me rön hömidöi ä? ⁴⁹ Ni öim öim God höjöpäl b rama duön, ñiṅ piṣaṅ midön, ñigö nöbö mö akuyöbö mönö yad nölmidil aku, ji ni pi cici nigölim. Makwam wopik ñiṅ God Mönö aku kai kitön riḡ yadmä akwör rimidöinö,” röṅa. ⁵⁰ Makwam mag akwör, Jisas nöbö nuṅ bla magaliḡ nugwo röböxön bör du

pörmä. ⁵¹ Ha nöbö i, wölɨj mɨlkap iör yömön, Jisas nugwo pön dumɨdim aku mai dum, nugwo aipam pɨba rɨmɨn, ⁵² bör dumɨdim, wölɨj wab nuŋwa röd pɨm, nuŋ magör bör duöŋa.

Jisas nugwo mönö diba yadmä

(Mat 26:57-68; Luk 22:54-55, 63-71; Jon 18:13-14, 19-24)

⁵³ Jisas nugwo pön du, God ap höjöpäl ur nölib nöbö dib ödöriö rama dumä. Pön dumɨdim, God ap höjöpäl ur nölib nöbö dib bla nɨgön, mönö pɨ nuöm nɨgɨb nöbö bla nɨgön, lo mönö yad nölib nöbö bla nɨgön, hö ram aku mögum rɨmä. ⁵⁴ Pita piöŋö häp häp nugup duön, God ap höjöpäl ur nölib nöbö dib ödöriö aku rama uröpɨnön, nöbö ram aku mabö rɨmɨdöi bla pɨsaŋ römɨdön, rɨn mau mɨdmä. ⁵⁵ God ap höjöpäl ur nölib nöbö dib bla nɨgön, Juda Kansol dib nöbö bla nɨgön, Jisas rɨ yönmɨd akuyöbö mönö il i pön, nugwo pɨl pal nɨgnɨŋö, rön, hölu nugw yualöbmä. ⁵⁶ Nöbö mö mɨga pön höm, Jisas nugwo mönö inakmönö adö bli yadmä aku, jɨ mönö yadmä aku paŋ höjɨl i yadölim. Hörɨrör yadmɨn, mönö il bli nugwölim. ⁵⁷ Makwam bli öbɨlön, inakmönö hörön, yadmä, ⁵⁸ “An nugugu mɨdmɨn, nuŋ yadöŋa, ‘God höjöpälɨb rama, imag pön urim kɨ, nɨ hajal abön, wop mös paŋ iswob ur nɨgɨnö. Imag pön uröi akuyöbö röin; nɨ ram yonyöbö ur nɨgɨnö,’ rö,” rɨmä. ⁵⁹ Mönö yadmä aku algör ör paŋ höjɨl i yadölim; hörɨrör yadmä.

⁶⁰ God ap höjöpäl ur nölib nöbö dib ödöriö aku öbɨlön, Jisas nugwo yadöŋa, “Nagö yadmɨdöi

mönö aku, naŋ mönö painjö i yadöine ä?” röŋa.
⁶¹ Aliö rımın, Jisas mönö i painjö yadölmın, iswob yad nugwön yadöŋa, “Nagö mı Mesaia aku, Nöbö Dib wä aku Ha nuŋ mönö ä?” röŋa. ⁶² Aliö rımın, Jisas yadöŋa, “Yöwö mı. Aku nör. Nı, Nöbö Ha nuŋwa, Nöbö Dib ölısö ödöriö aku imag mırıx pılö adö römıd mıd pörön, adöx yöd röul adö kau sebö mıjöi wab i yuö sö pik hömıdmön, nugwöñıŋö,” röŋa.

⁶³⁻⁶⁴ Jisas aliö rımın, God ap höjöpäl ur nölıb nöbö dib ödöriö aku, wölıj nuŋ bla keir pı waglöx gırön yadöŋa, “Nuŋ God iba yad höımöu aku nugwöia! Makwam, nöbö mö bli yad nugwöinıŋ. Nuŋ rı gwogwam rı maga wöxnö yad maku pal. Makwam, ñıŋ agö rıbım yöx nugumıdöi?” röŋa. Aliö rımın, nöbö dib bla magalıg öbılön yadmä, “Nöbö aliö ra aku, nugwo pıl pal nıgıb,” me rımä. ⁶⁵ Aliö rön, nöbö bli Jisas nugwo höpöl pılön, wölıj wab i pı mämäg nugwo aku pöröb nölon, nugwo pal gırön yadmä, “Naŋ keir nugwön an yadaŋ nugunıŋ, nagö yönımım palmıd?” rımä. God höjöpälıb rama ömdö nöbö bla, algör ör nugwo mı göj göj palmä.

Pita yadöŋa, “Nı Jisas nugwo nugumıdöiö,” röŋa

(Mat 26:69-75; Luk 22:56-62; Jon 18:15-18, 25-27)

⁶⁶ Pita du römıdön yör akwör mıdmın nugugırön, ha mö i, God ap höjöpäl ur nölıb nöbö dib ödöriö aku mabö rı nölmıd i höröpınön,
⁶⁷ Pita bı yuö mıdön yöraku nugwön yadöŋa,

“Nagö kwo algör Jisas nöbö Nasaret yöbö aku pisanj yönmidlanö,” röŋa. ⁶⁸ Aliö rımın, Pita yadöŋa, “Nagö agapım yadmıdlö? Yadmıdlö mönö aku nı nugumıdöiö,” röŋa. Aliö rön, rıŋö bö dumın nugugırön, kulakula wö röŋa. ⁶⁹ Ha mö akwör, Pita nugwo iswob nugwön, nöbö mö mıdim akuyöbö ñıgö yadöŋa, “Nöbö kı Jisas nöbö nuŋ i,” me röŋa. ⁷⁰ Aliö rımın, Pita iswob wöhö röŋa.

Hör mag ul mıŋi mıdim, nöbö mö öbıl gı mıdim piaku, Pita nugwo iswob yadmä, “Nagö kwo algör mögörüb Galili yöbö makwam, an nugumın nagö nöbö nuŋ akwör i mıdlanö,” rımä. ⁷¹ Aliö rımın, Pita yadöŋa, “Nöbö Diba nugugu mıda; makwam wai nölmön pıl pal nıgöna. Makwam mı ödöriö yadmıdla! Nöbö aliö yadmıdöi nöbö aku nı nugumıdöiö, mı wöhö!” me röŋa. ⁷² Aliö rımın nugugırön, kulakula aku iswob wö röŋa. Wö rım, Jisas Pita höd yadöŋa, “Kulakula wö mös ren mag aku, ‘Nı Jisas nugumıdöiö,’ rön, wab mös paŋ wai nöinaŋö,” röŋ mönö aku nugumın, lib pılım, mı göj imöŋa.

15

*Jisas nugwo pön Pailot mıdöŋ yöra dumä
(Mat 27:1-2, 11-14; Luk 23: 1-5; Jon 18:28-38)*

¹ Pıxmag aliğ, God ap höjöpäl ur nölıb nöbö dib bla nıgön, lo mönö yad nölıb nöbö bla nıgön, mönö pı nuöm nıgıb nöbö bla nıgön, Juda Kansol dib nöbö bla magalıg nıgön, magalıg mönö yad ödör nıgön, Jisas nugwo nag nıgön, pön gapman

nöbö dib Pailot midöŋ yöra dumä. ² Pön dum, Pailot Jisas nugwo yadöŋa, “Nagö Juda nöbö mö kiŋ ñiŋ me?” röŋa. Aliö r+i+m+i+n, Jisas yadöŋa, “Mi mönö naŋ yadlö maku pal,” röŋa.

³ God ap höjöpäl ur nöli+b nöbö dib bla Jisas mönö diba yadön mönö hör+rör m+ga akwör yadmä. ⁴ Almi+n, Pailot Jisas nugwo yadöŋa, “Nagö mönö m+ga yadm+doi aku, nagö painjö mönö bli yadöine ä?” röŋa. ⁵ Aliö r+i+m+i+n, Jisas painjö mönö i yadölm+i+n, Pailot r+i+b m+ga yöx nugwöŋa.

Juda nöbö mö piaku yadmä, “Jisas nugwo bi katlö watlö höñ sö p+i+l pal ni+gö!” r+i+mä

(Mat 27:15-26; Luk 23:13-25; Jon 18:39–19:16)

⁶ Makwam Juda ada Pasopa wop dib aku höm, öim du Rom gapman nöbö dib Pailot nugwo yad nugum+i+n, ñi+gö k+l+ab+i+s nöbö ñiŋ yad nugum+doi nöbö akwör hör yad abm+da. ⁷ Makwam wop aku, nöbö i, ib nuŋwa Barabas, nuŋ nöbö mö bli ödör pön du, Rom gapman p+i+saŋ nuö p+i+lön, nöbäpö i p+i+l pal ni+g+i+m, ñi+gö nag ni+g+i+m midmä. ⁸ Makwam nöbö mö akuyöbö hö mögum rön, Pailot nugwo k+l+ab+i+s nöbö öim r+i+g yad nugum+doi mag akuyöbö yad nugum+i+n, ⁹ Pailot ñi+gö yadöŋa, “Juda kiŋ dib ñiŋ aku yau ab+i+n ä?” röŋa. ¹⁰ Aku agap+i+m: Pailot nuŋ keir nugwöŋa, God ap höjöpäl ur nöli+b nöbö dib bla, Jisas nugwo r+i+b gwogwo yöx nugwön, nugwo pön hö nölmä. ¹¹ Makwam God ap höjöpäl ur nöli+b nöbö dib bla, nöbö mö piaku ñi+gö yadmä, “Pailot nugwo yad+iŋ, Jisas wöhö, Barabas nugwo

yau aban,” me rımä. Aliö rımın, nöbö mö piaku Pailot yadmä, “Barabas ana yau abne,” rımä. ¹² Aliö rımıdmın, Pailot yadöŋa, “Aliö yadöi aku, jı nöbö kı ñıŋ Juda kiŋ an, me röi aku, nugwo pödi yajınö?” röŋa. ¹³ Aliö rımın, ñıŋ mönö bölölö rön yadmä, “Nugwo bı katlö watlö höñ sö pıl pal nıgö!” rımä. ¹⁴ Aliö rımıdmın, Pailot yadöŋa, “Nuŋ agapım rı gwogwam ran, nugwo aliö ain?” röŋa. Aliö rımıdmın, jı ñıŋ bölölö diba rön yadmä, “Bı katlö watlö höñ sö pıl pal nıgö! Bı katlö watlö höñ sö pıl pal nıgö!” rımä.

¹⁵ Pailot, mönö ölsö kapa yadım aku yöxön, nöbö mö akuyöbö ñıgö wä ran, me rön, Barabas nugwo hör yad abön, nöbö nuŋ bli ñıgö yadmın, Jisas nugwo nag nıgön, mı göj göj palmä. Jisas pal pörım nugugırön, Pailot yadöŋa, “Nugwo pön du bı katlö watlö höñ sö pıl pal nıgıŋ,” me röŋa.

*Ami nöbö piaku Jisas nugwo yad höimöumä
(Mat 27:27-31; Jon 19:2-3)*

¹⁶ Ami nöbö piaku, Jisas nugwo pön gapna Pailot ram dib nuŋ aku ram möl yuadö duön, nöbö yam ñıŋ bla magalıg yad wö rımın hömıdmın, ¹⁷ wölij paskwolö mılkap i, gapman nöbö dib bla röböi akuyöbö Jisas nugwo yöm nölön, ap kaigap alıg bli ödör pön hön, kiŋ röböi usaŋ mea akuyöbö i rön, nugwo yöcmac sö röb nölmä. ¹⁸ Röb nölön, Jisas nugwo ölsö wölolö rı gırön yadmä, “Nagö Juda kiŋ diba öim mıdane!” rımä.

¹⁹ Aliö rön, kaiö pön, yöcmac nuŋwa palön, nuŋ höpöl pıl nölmä. Mıdöŋ il yöra höxmax yuön, ñıŋ kiŋ nugwo rıg röi mag akuyöbö, yöcmaca ubılmä.

²⁰ Nugwo aliö yad höimöuön, wöliḡ paskwolö m+lkapa nugwo yöm nölim aku p+ röd abön, wöliḡ nunḡwa keir aku yöm nölon, b+ katlö watlö höñ sö p+l pal n+g+ba pön dumä.

*Jisas nugwo b+ katlö watlö höñ sö p+l pal n+gmä
(Mat 27:32-44; Luk 23:26-43; Jon 19:17-27)*

²¹ Ñ+ḡ mib+l yöra du ḡ+rön, Aleksada Rupas hödp+ḡ hogwa nuö ñ+ḡa Saimon, Sairini taun yöbö nöbö aku, piaku r+p yönön, hön Jerusalem duba dum+döḡ aku, nugwo möigw palön, usüsör rön, yadmä, “Jisas b+ katlö watlö wab aku p+ ragp+d n+ḡ rag duö!” rim+ḡ, pön ñ+ḡö p+saḡ duḡḡa. ²² Akuyöbö aliḡ duön, Jisas nugwo pön du möḡör+ḡ yöraḡu mönö yöbö iba urön Golgota me rim+döi yöra uröp+ḡnmä. Golgota mönö ila aku “Nöbäpö Yöcmac Yöḡ Lei.” ²³ Uröp+ḡnm+ḡ, nugwo röbö wain i pön, maras+ḡ mö röia bli p+ p+ḡn höbkal mal rön, Jisas nugwo nölmä ḡ+ n+möläḡ. ²⁴ Jisas nunḡ b+ katlö watlö höñ sö p+l pal n+ḡön, wöliḡ nugwo bla pön, nuöm n+ḡ hör+rör p+ba, höbai sadu röxḡ wobön p+mä.

²⁵ Pipai naiö wölön yöra sö höḡ mag aku, Jisas nugwo b+ katlö watlö höñ sö c+p+l pal n+gmä. ²⁶ C+p+l pal n+ḡön, pödpöd rim+ḡ p+l pal n+ḡim mönö aku, b+ katlö watlö waba höñ rol sö kai k+tmä:

JUDA ADA KIḡ Ñ+ḡA MIK.

²⁷ Wop aku, ap kib p+ḡ nöbö mös hogwa algör b+ katlö watlö um sö, i imag m+r+x adö b+ höña, i imag cökö adö b+ höña p+l pal n+gmä. ²⁸ Alim mag

aku, God Mönö aku kai kitön, r+g cõñ+ñö rim mag akwör r+mä. Mönö aku kai kitön yadmä, “Nugwo nugw+ñ, mag gwogwo r+ñb nöbö i röxg n+gön+ñö,” r+mä.

²⁹ Nöbö mö bla uhö g+rön, Jisas nugwo nugwön, yöcmac kwatkwat rön, nugwo yad höimöuön yadmä, “Nagö, ‘God höjöp+ñb ram aku hajalön, wop mös pañ iswob r+ n+g+ñö,’ r+mö aku, ³⁰ weik nañ keir rön, il bö p+ñnön kömö duanö,” r+mä.

³¹ God ap höjöp+ñb ur nöñb nöbö dib bla aipam, lo mönö yad nöñb nöbö piaku aipam, Jisas nugwo algör ör yad höimöuön, ñ+ñ keir nuö nuö yad+ñ duön yadmä, “Nöbö mö bli ñ+gö r+m+dm+ñ kömö duöia, j+ wopik nuñ keir algör rön kömö dubä maga m+ñdöl. ³² Nuñ öim yada, ‘N+ Mesaia m+ñdla, Isrel nöbö mö Kiñ ñ+ñ+ñ m+ñdlö,’ r+ aku, weik nuñ yö r sö c+ñ+ñ pal n+göi aku, nuñ keir algör ör öb+ñ yö r+k hañ nugwön mi yadlanö, rön, nugwo nugw p+ñ+ñö,” r+mä. Makwam Jisas p+ñ+ñ p+ñ pal n+gim nöbö hogwa, Jisas nugwo algön nö r yad höimöumä.

Jisas wöröxöña

(Mat 27:45-56; Luk 23:44-49; Jon 19:28-30)

³³ Naiö mib+ñ yö r k+ñ+ñ höñ mag aku, p+ñmag urön, m+ñ+ñ duön, naiö pibö pik rön mag aku iswob mil pöröña. ³⁴ Mil abm+ñ nugug+rön, Jisas ajmöla aj halön, wö rön yadön yadöña, “Eloi, Eloi, lama sabaktani?” rön. Hibru mönö yadön aku mönö il aku, “God n+. God n+. N+ pödpöd r+m+ñ röböxlö?” ³⁵ Aliö r+m+ñ, nöbö mö il yö raku m+ñdim

bla nugwön yadmä, “Nugwi! Nun Ilaija yad wö rîmîdö,” rîmä.

³⁶ Nöbö i ap höx mei pön, rëbö wain rîg ulmîdö woböi möl bö pîlön, Jisas nugwo nölmön nîman, me rön, aiwölö mîxîl i pî idu pîlön, mîdöŋ bîl sö nöl gîr, yadöŋa, “An nugugu mîdîŋ, Ilaija hön, nugwo pî öröu rag pîn mîgrö bö nîgönîŋönö wöhö?” röŋa.

³⁷ Aliö rön, nugugu mîdîm nugugîrön, Jisas wö diba rön, anöi maga ödör pöŋa. ³⁸ Wop akwör, wölîj mîxîl dib God höjöpâlîb ram möl yuebö ubalîja idîxmä aku, mibîl bö waglöxmîn adöi hör adöi hör dum möl röd gî mîdöŋa.

³⁹ Nöbö ami bla nugwidîx mîdmîd nöbö diba, bî katlö watlö waba höŋa il yöra mîdön, Jisas aliö rön wöröxöŋ aku nugwön yadöŋa, “Mî! Nöbö kî God Ha nun!” me röŋa.

⁴⁰⁻⁴¹ Mö mîga akwör Jisas pîsan Jerusalem hem piaku, hön rîb yöra ku mîdmä. Mibîl aku, mö mös paŋ Jisas nugwo mai duön mabö bli rî nölmîdöi mögörlîb Galili. Mö Maria ib nîgiö hogwa mös mîdmä; mö ib nîgiö hogw aku, i Magdala taun yöbö, i Jems Josep hödpîg hogwa nuöm ñîŋ aku. Mö i ib nunwa Salomi. Mö ada bla magalîg nugugu mîdîm nugugîrön, Jisas wöröxöŋa.

*Josep nun Jisas mîxîŋa rîg möla hogw pîlöŋa
(Mat 27:57-61; Luk 23:50-55; Jon 19:38-42)*

⁴²⁻⁴³ Josep Arimatia taun yöbö nöbö aku, Juda Kansol dib nöbö rîb i, God nöbö mö pön nugwidîx mîdîb wop aku pöx mîdmîda. Nöbö aku, aian God höjöpâlîb wop aku, wopik ap pîdîlub wop,

me rön, ap rɪ pɪdɪlumɪdöŋa. Jisas wöröxöŋ aku nugwön, ruö igöp höxi rɪmɪdö, rön, weik nöbäpö högia pɪ öröu rag du hogw pinö, rön, ipöxölön; Pailot mɪdöŋ yöra duön, yad nugwöŋa. ⁴⁴ Yad nugum, Pailot, Jisas mödö wöröxöŋ mönö aku nugwön, pɪlɪx rön, ami nöbö nugwidɪx mɪdmɪd nöbö dib aku nugwo wö rɪm, hömɪdmɪn, yad nugwöŋa. ⁴⁵ Yad nugumɪn, yadöŋa, “Maduö wöröxö,” röŋa. Aliö rɪmɪn, Pailot Josep nugwo yadöŋa, “Yöwö. Nöbäpö rag du hogw pɪlö,” röŋa.

⁴⁶ Aliö rɪmɪn, Josep wölɪj lei dib i wobön, rag du nöbäpö högia pɪ öröu pön pɪn il bö nɪgön, wölɪj aku pɪ magalɪg wobön, pön du rɪg möl yonjyöbö akwör yölu nɪgim rɪg möla hogw pɪlöŋa. Hogw pɪlön, rɪg aso dib i pɪraiup pikopik rɪp duön, nöbäpö hogwaj möla idɪxön duöŋa.

⁴⁷ Maria Magdala pɪsaŋ, Maria Josep nuöm aku pɪsaŋ, nugugu mɪdɪm nugugɪrön, nöbäpö hogw pɪlmä.

16

Jisas öbɪlöŋa

(Mat 28:1-8; Luk 24:1-12; Jon 20:1-10)

¹ Juda God höjöpəlɪb wop ñɪŋ aku i padɪxmɪn, Maria Magdala aku, Maria Jems nuöm aku, mö Salomi aku, nöbäpö högia wel röbö nɪg nöinɪŋö, rön, du wel röbö hölɪŋ wä höb bli wob rag hö nɪgɪm hölɪmöŋa.

² Löum yöbö Sade wop aku, pɪxmag alɪg öbɪlön, naiö yöudöŋdöŋ wölɪm nugugɪrön, nöbäpö hogw pɪlim yöra dumɪdmä. ³ Ödöi mibɪl yöra du gɪrön yadmä, “Nöbäpö hogw möla idɪxim rɪg dib

aku, yönim pi göur abön?” rima. ⁴ Aliö rön, uröpönön nugumün, rig dib ödöriö nöbäpö hogw möla njöl idixim aku, mödö kiriri ri du rib gägäp ada midöña. ⁵ Nugwön, möl bö ipalip duön nugum, ha nöbö wölij lei malkap yömöj i, imag mrix adö röm+d gi midöña. Nugwo nugwön ipöxmä. ⁶ Ipöxm+d+m, ñigö yadöña, “Ipöxmijeñ. Ni nugula, ñinj Jisas nöbö Nasaret yöbö, bi katlö watlö höñ sö pil pal nigmä aku nugwo nuguba höm+döia. Makwam nugwi! Nun yör+k midöl. Nun maduö öbilön dua. Nugwo hogw pilön nigim yöra yö akwör mid mi göm hö nugwi. ⁷ Makwam yadkap duön, nöbö nun bla Pita pisañ yajöña, ‘Jisas nun höd duön Galili mijöna. Nun keir ñigö höd yadöj mag akuyöbö, ñinj du nun nugwöñ ödöi piaku,’ me cine,” röña.

⁸ Aliö rimün, mö bla ölölo rimün, inj wajmag bla gil gil rimün, nöbäpö hogw möla rinjadö röpinön röböx ipalip dumä. Ipöxon nöbö mö bli ñigö mönö aku yad nölölim.

*Maria Magdala Jisas nugwo nugwöña
(Mat 28:9-10; Jon 20:11-18)*

⁹ Jisas wöroxön, wop agñinj yöbö aku öbilön, höd duön, Maria Magdala midöj yöra wöxnö nigmün, nugwo nugwöña. Makwam mö aku nugwo höd ragwo ha akuyöbö mij sö aku yuö wöl midöña nugwön Jisas ragwo ha yad aböña. ¹⁰⁻¹¹ Nun Jisas nugwo nugwön, du nöbö nun bla immidim mibil yöra duön, Jisas kömö mida nugwo nugula, rimün, ñinj mi anjadö wöroxä, rön, mönö nugwo aku yöxölim.

Jisas nōbö nuṅ mōs ödōi mibil yōra duōn nugwo nugumā

(Luk 24:13-15)

¹² Mai piōṅō, Jisas nōbö nuṅ mōs mögōrɪb möl i rɪp yōnmɪdmɪn, Jisas nuṅ nōbö hör i rōxgōn hōn, ödōi mibil yōra wōxnō nɪgmɪn, nugwo nugwōn, ¹³ du nōbö nuṅwa bli ñɪgō yad nōlmɪn aku, jɪ mi yadmɪdōiṅō, rōn, mōnō ñɪṅa yōxōlim.

Mōnō wā na aku nōbö mö yad nōine, rōṅa

(Mat 28:16-20; Luk 24:36-49; Jon 20:19-23; Apo 1:6-8)

¹⁴ Mai wop i, Jisas nōbö nuṅwa akuyōbö agɪp sō piaku ap nɪmmɪdim mibil yōra wōxnō nɪgōn, ñɪgō yad gɪr yadōṅa, “Nɪ öbɪlmōn, nōbö mö bli nɪ wōxnō nugwōn, hōn ñɪgō yad nōlmɪn, pōdpōd rɪmɪn inakmōnō hörōn yadōi, öbɪlölō, rōn nugwōi?” rōṅa.

¹⁵ Aliō rōn ñɪgō yadōṅa, “Ñɪṅ mōnō wā na aku pɪrag mögōrɪb adadō magalɪg du gɪrōn, nōbö mö akuyōbö magalɪg yad nōiōña. ¹⁶ Nōbö mö bɪl kai mōnō wā na nugw pōn rōbö paiōñ akuyōbö, kōmō diōña. Makwam nōbö mö bɪl kai mōnō wā na nugw peñ akuyōbö, God ñɪgō mōnō diba yadan öliṅ hōb pɪmɪjōña.

¹⁷ “Nōbö mö mōnō na nugwōn, ‘Mi yadō,’ rōn, nugw pōñ akuyōbö, ap rōlɪbā mag cɪmala cōña. Ragwo ha akuyōbö nōbö mö ñɪgō yuō wōiōn akuyōbö, ib na urōn, yad abɪṅ rōu diōña. Mōnō yōbö ñɪṅ aku rōböxōn, mōnō yōbö adō hörɪrōr yajōña. ¹⁸ Kas kadkwol nōbö mö öbɪx akuyōbö

16:14: 1Kor 15:5 **16:15:** Apos 1:8 **16:16:** Apos 2:38

16:17: Apos 2:4; 8:7 **16:18:** Luk 10:19; Apos 28:3-6

pi nugwiŋ, ap i raŋ wöröxeñ. Ap gwogwo nöbö mö nımön wöröxöi akuyöbö bli nımŋ, ap i raŋ wöröxeñ. Makwam nöbö mö ap cön akuyöbö, ñŋgö imaga calŋ, kömö nŋgönŋö,” röŋa.

God Jisas nugwo pön mögöriḅ nuŋwa adöx yöd röul adö kau sö pön duöŋa

(Luk 24:50-53; Apo 1:9-11)

¹⁹ Nöbö Dib Jisas mönö mag aku ñŋgö yad pörmŋn nugugŋrön, God nugwo pön, mögöriḅ nuŋwa adöx yöd röul adö kau sö pön duöŋa. Pön dumŋn, God imag mŋriḅ nuŋ ada römŋdöŋa.

²⁰ Makwam nöbö nuŋ akuyöbö duön, Krais mönö wä aku mögöriḅ piaku piaku magalŋg yad nöliŋ duanŋ nugugŋrön, Nöbö Diba, mönö wä na mŋ nŋgönŋö, rön, ñŋgö piŋsaŋ mŋdön öliŋsö nöliŋm, ap röliḅä mag ciŋmal akuyöbö riḅmä.

MÖNÖ KÖMÖ
The New Testament in the Haruai language of Papua
New Guinea
Nupela Testamen long tokples Haruai long Niugini
copyright © 2010 Wycliffe Bible Translators, Inc.

Language: Haruai

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0. You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2021-05-07

PDF generated using Haiola and XeLaTeX on 11 Nov 2022 from source files dated 8 May 2021

9e954707-a711-5aaf-8460-3e8220e0e211